


3. I. 18

Biblioteka  
Ojców Kamedułów  
w Bieniszewie







na  
n



# FLORES SENTENTIARUM

In amænissimo Paradisi Blosiani

HORTO,

*P. B. Eremitæ S. E. V. Carmali Vulgari*

*Inhab. Ex Opusculis, Vigrensis.*

## LVDOVICI BLOSII,

ABBATIS LÆTIENSIS  
decerpti.

Ad odorandum Pusillanimitate,  
Scrupulis, & desperatione labo-  
rantibus, rectioris vitæ institu-  
endæ causa porrecti,  
Et per alphabeti literas ordine  
distincti.

A N N O

*Supra Millefimum Septingentesi-  
mum Quarto.*


---

CRACOVIAE, Typis ACADEMICIS.



na  
n





## AD LECTOREM.

**F**lores fragrantissimos, non ex voluptarij Alcinoi Hortis: nec ex avari Mida roseto; pratisq; Elyseis; sed in amanissimo Paradisi Spiritualis Viridario decerptos, ac in unum libelli hujus fasciculum collectos tibi ad odorandum fero, Lector benevole. Flores inquam gratum spirantes odorem. Et qui nunquam flaccescunt; sed semper vire-sunt, ex Horto Ludovici Blosij, Abbatis Latiensis, Viri; tum pietate, tum Natalium splendore praestantissimi; ac in omni disciplinarum genere exercitatissimi. sublimi doctrinâ, exculto: precipuas nempe Sententias, ex Cedro dignis ejus lucubrationibus excerptas profero; non ut corporeos recreent oculos,

sed ut odore, ac suavitate caelesti,  
languentium in pietate reficiant a-  
nimos. In Hortum hunc liber uni-  
cuiq; patet ingressus: ibiq; per va-  
rias Sacra Scriptura artificiosè di-  
stinctas areolas spatium, omnis li-  
bertas: Vbi videre est, albicantia  
puritatis Angelica Lilia: rubentes  
ardentis charitatis Rosas: ceruleos  
Contemplationis caelestis Hyacinthos:  
purpureos finalis perseverantia ca-  
ryophyllos: subrubicundas profunda  
Humilitatis Violas: sacra pœniten-  
tia, & contritionis elicienda Nardos  
odoriferas, omnigenosq; tum coloris,  
tum odoris, præstantissimos vir-  
tutum flores: eosq; non solum vi-  
dere, sed & decerpere, naribus ad-  
movere, ac de illis caelestes coronas  
texere, licet. Hoc in venustissimo  
Paradisi-Horto; & inordinata ani-  
mi dejectione ac pusillanimitate ma-  
ssi, optatam sui Consolationem: &  
super-

superfluis Conscientiæ scrupulis involuti, desideratam mentis tranquillitatem: & perplexâ vitiosâq; diffidentia agitati, stabilem in misericordia DEI corroborationem, adinvenient; necnon alijs diversis medendis animorum morbis, efficacissimas quâq; pro modulo suo affatim colliget herbas. Sed manum de tabula, ego. Habes Lector Amice, hoc in libello vix non totam calositem Bloisij doctrinam, ad varias quasiunculas ex prolixioribus Opusculis ejus, ordine alphabetico in epitomem redactam: quam, si attento legeris animo (ut verbis cujusdam loquar) mel in ore, melos in aure, & jubilum senties in corde. Utere, boniq; consule.



APPRO.

## APPROBATIO.

**S**ententias ex Operibus Ludovici Blosij  
Abbatis Lætiensis selecte collectas, vi-  
di & legi, & uti perutile, ad resolvendos  
pusillanimitati ac desperationis, aliorumq;  
dubiorum scrupulos, ut typo mandentur, fa-  
cultatem dedi. Datum in Collegio Maiori  
Academie Cracoviensis, die 18. Februarij,  
Anno Domini, 1704.

**M. PETRVS PRACZLEWIC,**


S. Th: Doct: & Profes. Ecclesiz  
S. Floriani ad Crac: Decanus,  
& in Diecesi Cracov: Libro-  
rum Censor. mpp.

SEN.

**FLORES  
SENTENTIARUM;  
LUDOVICI BLOSIJ,  
ABBATIS LÆTIENSIS.**

*Per ordinem Alphabeti distincti.*

**ADVERSA,  
OMNIA DE MANU DEI.**

 I DEO permittēte, tantas tenebras tantamq; ariditatē, duritiem & instabilitatem, intus sentis; ut tibi videaris prorsus à Deo derelictus esse: si tam diris animi angoribus premeris, ut putes te infernales cruciatus perpeti: Si molestissimæ jugesq; tentationes te divexant, ut vitia, quæ jam in te extincta credebas, rursus ma-

A

gno

*bona & pignora*



gno impetu exurgunt, ac te impugnant: si non solum homines, verum etiam qui boni habentur, quiq; tibi maximè fideles esse debuerunt, te persequuntur, & maledictis atq; obrectationibus fatigant, variisq; injuriis afficiunt: si damna rerum, & purulenta ulcera, morbosq; inauditos cum Job sustines: si corporali cecitate cum Tobia, & gravissima paupertate cum mendico Lazaro affligeris: si deniq; aliud quidpiam adversi pateris? Qualecunq; illud sit, non aliundè id accipias, quàm de manu benignissimi Dei, qui ex amore & pro tua salute, tribulationibus te exerceri sinit. *Qui tam Scriptur citatus à Bloisio in Consolatione Pusillanimum.*

*Item.-*

**Q**Ualibet adversa tam interna, quàm externa de manu Dei suscipe non aliundè, etiamsi culpâ tuâ accendant, aut à creaturis inferantur. Tu illa humili resignatoq; animo ad  
finem

finem usq; propter Deum tolera: . cer-  
to credens, & optimum & saluti tuæ  
convenientissimum esse, quidquid  
ipse Deus tibi evenire permittit. *In*  
*Tabella. Spirituali.*

*Item.*

Adversa frequentèr immittuntur à  
misericante Deo, quibus nos vel pur-  
get à malis admissis, vel retrahat ab  
admittendis, aut virtutis exercendæ  
materiam subministrat. *In Consolat:*  
*Puill. In praeclaris Dictis de Dei miseri-*  
*cordia.*

*Omnia sunt permittente Deo.*

**Q**Uandocunq; molestum, aut acer-  
bum quidpiam à Creaturis tibi  
infertur: mox converte oculos ad  
Creatorem, Patremq; tuum cælestem,  
qui hoc ex amore pro tui utilitate  
permittit. Illum attende potiùs;  
quàm creaturas, quæ tribulationem  
inferunt. Hæ enim tanquam instru-  
menta, & secures, atq; ascie sunt,  
A 2 quibus

4      *Flores Sententiarum.*

quibus summus ille artifex utitur sicut vult, & sicut Electis suis utile novit. *In Speculo Spirituali. cap: 3.*

*Item.*

Neq; Cælum, neq; terra, neq; alia Elementa, neq; homines, neq; visibilia, neq; invisibilia nos ullo modo lædere vel affligere possunt, nisi Deus permittat. Nullus morbus, nullum damnum, nulla prorsus incommoditas, nos contingere valet, absq; ejus permissione. *In Enchir. Spiritual: lib: 1. In Append. Documenti 2di.*

*Adversa sunt signa dilectionis Dei.*

**S**I Spirituali cognitione, sensibilq; devotione subtræcta, sentis te obtenebratum, tardum, frigidum, aridum, inopem, & velut à Deo derelictum atq; projectum: si animi mærore & gravibus pressuris plerumq; corriperis: si quamdiu vivis metu atq; angore implicaris: si diris tentationibus, variisq; vitiorum impulsibus

bus vehementer impeteris: fidiuturnis doloribus & morbis, aut etiam morte amicorum, aut damnis rerum, molestissimisq; persecutionibus hominum exerceris; non propterea despondeas animum, nec inordinatè turberis: sed per ista agnosce dulcissimam Dei fidelitatem & benignitatem erga te. *In Tabell: Spirituali.*

*Item.*

Quem Deus donis potioribus exornare, sublimiterq; transformare decrevit, eum non blandè, & mollitè lavare sed totum in mare amaritudinis immergere consuevit. *In Institutione Spirituali. cap: 8.*

*Item.*

Si permittit te Deus tribulationibus, persecutionibus, angustis; ariditate obscuritateq; mentis, infirmitate corporis, vel quolibet alio gravamine premi: persvasissimum habe, eum hoc facere ex pura charita-

6. Flores Sententiarum,  
te pro salute animæ tuæ. In Scrini-  
olo Spirituali. In brevi & absoluta Do-  
ctrina.

*Sunt signa Electionis Dei.*

**A**Dversitas tam Spiritualis, quam  
corporalis, quæ patienti & be-  
nignâ mente propter Deum sustine-  
tur, verum præclarumq; indicium est  
Electionis Divinæ, ac veluti pignus  
adoptionis, seu. annulus dignissimus  
illius desponsationis, quâ anima effi-  
citur, filia, Amica, & Sponsa Altissi-  
mi. In Enchirid: Parvul. In Appen:  
Documenti 2di.

*Item.*

Tribulationes in hac vita præcla-  
rissima dona Dei sunt, & non est ul-  
lum certius signum Divinæ Electio-  
nis, quàm si quis adversa humiliter  
ac resignato animo propter Deum to-  
leret. In specul: Spirit: cap: 8.

*Item.*

Nullum certius signum Divinæ  
Elec.



Electiōnis habetur, quā si quis tribulationem humiliter patienterq; propter Dei amorem sustineat. Illa enim est pretiosus & præclarus annulus quo Deus animam sibi desponsat. *In Institutione Spirit. cap. 8.*

*Item.*

Afflictio tam Spiritualis, quā corporalis amore Dei patienter perlatā. res est admodum præclara & amabile signum Electiōnis Divinæ. *In Tabell. Spirit.*

*Adversa tolerata pro Deo, præstantiora sunt bonis operibus.*

**P**ari pro Deo, res tantæ dignitatis est, ut homo jure se reputare debeat indignum eo honore. Etiam exigua molestia propter Deum æquanimitèr tolerata, incomparabiliter præstantior est, quā sint multa & grandia bonorum operum exercitia. *In Instit. Spirit. cap. 8.*

*Item.*

Homini utilius est, etiam modicum gravamen patienter pro Dei honore vel amore perferre, quàm grandia opera patrare. *In Specul. Spirituali. cap: 8.*

*Adversa, immissa à Deo, securius tolerantur, propriis afflictionibus.*

**E**A crux & afflictio, quam Deus homini imponit, multò securius portatur, illà, quam homo ex propria voluntate assumit. *In speculo Spirituali. cap: 5.*

*Adversa ferenda ex motivo Passionis Christi Domini.*

**Q**Vando consideramus tribulationes & afflictiones Sanctorum ac maximè Passionem Domini nostri Jesu Christi, omnis solatii expertem, mortemq; ignominiosissimā, & durissimum cruciatum, qualem nemo unquam expertus est, attentè perspicientes,

entes, quæ & quanta majeſtas illa pro nobis perpeſſa eſt: mirum eſt, ſi vel graviffima quæq; tormenta, pro illius amore pati recuſamus. *In Diſc. Patrum. cap: 12. ex Ruſbrochio.*

*Inæſtimabilis meriti eſt pati, in uni-  
one Paſſionis Chriſti Domini.*

**T**ribulationes ac pœnas tuas omnes, tam parvas, quàm magnas Paſſioni, ſive cruciatibus Chriſti conjunctas unitasq; devota mente offer Deo in laudem æternam: ſic enim erunt inæſtimabilis meriti, & ſummè Deo placebunt. *In Speculo Spirituali. cap: 8.*

*Adverſis, Deus hominem mira-  
bilitèr perficit.*

**I**pſe Deus, aliquos quidem ex Electis ſuis in hac vita blandimentis fovet, ac cœleſti lumine illuſtrat, & mirificè afficit atq; lætificat: ſed plurimos per iter aſperum deducens, permittit gravibus tribulationibus

A ſ

exerc-

exerceri : atrocibus angoribus arde-  
 ri : diutino mærore premi : Spiritu-  
 alis suavitatis gustu destitui : sensus  
 obtenebratione confundi, molesta ani-  
 mi dormitatione deici : miserabili  
 mentis distractione alligi : fædis ima-  
 ginibus, lascivis motibus, obscænis  
 somnis, dolendaq; humoris carnem  
 polluentis proluvie fatigari, usq; eò  
 vehementius plerumq; atq; importu-  
 nus, quò tempora sacrationa seu so-  
 lennitates digniores occurrunt, adeò,  
 ut eos, quos aliquando gloriosissimè  
 coronatus est in cælis, jam dese-  
 rere ac prolicere, eorumq; sanctis  
 studiis atq; conatibus obsistere vide-  
 atur : sed non deserit eos, nec abi-  
 icit. Verùm salutem eorum mirā  
 dispensatione, & incomprehensibili  
 consilio, ineffabiliq; charitate, inter  
 hujusmodi calamitates promover. No-  
 vit enim quid cuique expediat. In  
*Enchiridio Parvul. In Append: Docu-  
 menti adi.*

*Eulovici Bloſii.* |

*Adverſa tolerantes, mirabiliter  
premiat Deus.*

**Q**ui Deo permittente, agros, facultates, domosq; ſuas perdidit: ſi exemplo B. Job, hanc rerum jaſturam humili reſignatoq; animo, de manu Dei accipit, & ei gratias agit, cumq; laudat, qui prohibere potuit, & non prohibuit: tantam ab ipſo Domino mercedem percipiet ( ut quidam Sanctorum ait ) quantum reciperet, ſi omnia illi quæ perdidit, egenis ac pauperibus propter Deum erogaffet. *In Diſſ. Patrum cap: 12. Ruſbrochius.*

*Ideoque patienter ferenda.*

**O**mnia adverſa patienter ſuſcipe tanquam pretioſiſſima xenia à Deo tranſmiſſa: ſive è Cælo, ſive ab Elementis, ſive à diabolo, ſive ab adverſariis, ſive à ſatanicæ artis Magiſtro, ſive à feris ea emiſerunt. *In Canon. vite Spiritual. cap: 9.*

*Item.*



*Item.*

Licet insidientur Dæmones, & temptationum laqueos præparent, licet virtutis iustitiæq; iter laboriosum invenias, licet iste obtrecter, & ille premat, licet frigus incurvet, & æstus urat, licet stomachus debilis sit & caput doleat, licet ingrediatur putredo in ossibus tuis, & caro tua vermibus scateat, licet spiritus radio affectus dormitet, internoq; gelu constringatur: tu patientiam ubiq; servare memineris. *In Canone vite Spiritualis cap: 9.*

*Ferenda nec ulciscenda.*

**Q**uidquid à quovis patiaris, feras æquanimiter, & nec foris, neq; intus, nec verbis, nec factis, nec voluntate te ulciscaris: & vivet in te Spiritus Domini Jesu, & omnium Sanctorum ejus, qui etiam hostes suos, ad mortem usq; complexi sunt. *In Farrag. Institutionum.*

*Feren-*

*Ferenda loco mortificationis.*

**C**um animi nostri tepor non admittat, ut carnem nostram durè tractemus: cupiamus saltèm & voluntate acceptemus vilipensionem & persecutionem, quæ nobis ab aliis infertur. *In Dictionum Patrum cap: 10. ex D. Alphonso Madrilianfi.*

*Item.*

Si maximæ felicitatis esse putatur, incidisse in chirurgum, qui corporis nostri curet vulnera. ( licet id non faciat sine acerbis punctiõibus medullam ipsius animæ gravissimè cruciantibus ) certum est longè felicius esse, incidisse in ejus societatem, qui præter rationem malè nos excipiat. *Ibidem ut supra ex Alphonso.*

*Ferenda loco Purgatorii.*

**O**mnis afflictio, & amaritudo patientèr loco Purgatorii toleranda est. Anima enim verè pura & resignata, mox ubi corpore egreditur

*Flores Sententiarum,*  
 tur ad Regni celestis palatium evo-  
 lat. In Farrag: Insit: sub titulo: *Hec*  
*notatu digna sunt.*

*Ferenda loco inferni.*

**M**eminisse debes, te innumeris  
 Menormibusq; peccatis supplicia  
 commeruisse inferni. Sed Deum Cle-  
 mentissimum tibi pepernisse, teq; per-  
 dere noluisse. Vnde iustissimum est,  
 ut tu molesta quæq; æquanimiter &  
 sine impatienti murmuracione, ac  
 verborum asperitate, aut mordacitate  
 vel exprobratione, & sine multis in-  
 ceptisq; querimoniis perferas, etiamsi  
 Creaturæ omnes, Deo permittente,  
 gravius te affligant atq; persequan-  
 tur. *In Tabella Spirit.*

*In adversis quomodo procedendum*  
*ex Christi Doctrina. Christus allo-*  
*quitur animum poenitentem.*

**Q**vando aliquis tibi molestus est,  
 & injuriam contumeliamve ir-  
 rogat, tu eum, meo jussu tibi mole-  
 stum

Hum eſſe, arbitrare. Non adverſus illum irascaris, non aſpera & amara verba proferas, neq; de ultione cogites. Immo nec hominem (qui inſtrumentum & flagellum meum eſt) ſed me, qui hominem talia fieri permitto, attende. Itaq; in quibuſlibet tribulationibus & doloribus humiliare, & patientiam retine, teq; mihi reſigna. *In Conſol. Paſſil. In Interna Allocutione Chriſti.*

## AMOR DEI, ERGA HOMINES.

*Eſt. Duplex.*

**D**Vplex eſt Dei ad homines amor: quorum alterum quodam modo Meritum, alterum Immeritum dicere poſſumus.

Meritus ille eſt, quem bonis operibus, virtutum exercitatione præce-  
pto

prorumq; Dei, & Christi consiliorum observatione conciliare nobis, & possumus & debemus:

Immeritum verò illum, quem Deus gratuitum prorsus ab omni æternitate ex sua natura ad nos habuit, quem sanè meriti non sumus. Et quidem ipse meritis amor quo Deus nos, ob sibi exhibitam veram dilectionem complectitur, tam infinitus ac vehemens est, ut non intellectum modo, sed & omne desiderium hominis superet.

Jam quoad alterum illum Immeritum, naturalem, gratuitum Dei erga nos amorem attinet; sicut certi sumus esse Deum, nos à Deo esse conditos, ita de immerita ejus ad nos dilectione, & charitate dubitare non possumus. *In Dictione Patrum cap. 1.*

*Et hic immensus erga hominem.*

**T**AM ardens, & incontinenens est Dei erga nos amor, ut si mors & Passio Christi ad salvandum ho-

minem



minem non suffecissent; etiam Pater celestis, & Spiritus Sanctus humanam assumpsissent naturam, ac pro homine mortem subiissent, quam cum perire sivissent. In Append. Explicationis Passionis Dominice.

*Item.*

Benignissimus Jesus, erga quamlibet animam peccatricem penitentem, non aliter amore vulneratus est, quam Mater fidiissima erga charissimum Filium suum, aliquando deperditum, sed recuperatum. Qui quidem dulcis Dominus, quando ab anima in peccatis sceleribusq; suis remanente, & se se corrigere nolente, recedit; tam iavitus hoc facit, ut si id ipsa cerneret, medullitus compateretur tam pio Patri & Domino suo.

In Dictis Patrum. cap: 1.

*Item.*

Christus Sancte Birgitta dixit lib: 7.

Revel: cap: 10.

Dilectio mea erga hominem, modo

do æquè grandis, atq; incomprehensibilis est, sicut erat tempore Passionis meæ: quando per mortem meam ex nimia charitate liberavi omnes Electos. Et si fieri posset, ut toties morerer, quot sunt animæ in inferno, ego promptissimâ voluntate, & perfectissimâ charitate; corpus meum traderem, eandemq; Passionem & mortem pro qualibet anima sustinerem, quam sustinui pro omnibus. *In Menili Spirit: cap: 1.*

*Amor Dei erga hominem incomparabilis.*

**S**I omnium Matrum amor, fides, & benevolentia, in unius alicujus genitricis pectus erga unicum natum suum cogeretur: tametsi illa vehementissimè & temporariam, & æternam Filii sui non posset non cupere vitam & salutem: nec sic tamen tantus hic Matris erga filium suum amor, fides, & benevolentia, possit aliqua ex parte æquiparari dictio-

ni, benevolentia, quam Deus Pater & Filius & Spiritus Sanctus, gerit erga cujuslibet hominis temporariam æternamq; salutem. *In Diſtis Patrum. cap: 2.*

*Item.*

Indubitatum apud unumquemq; eſſe debet, nullam unquam licet indulgentiſſimam genitricem uſq; adeo unici dilectiſſimiq; filii ſui damnum & interitum doluiſſe; ut benigniſſimus Deus perditionem cujuſcunq; hominis: ut potè quem tam præclare ad imaginem & ſimilitudinem ſuam condidit, ac tanti fecit, tantoq; in pretio & honore habuit, ut illius cauſa nec unico chariſſimoq; Filio ſuo pepercerit, ſed hunc in acerbiffimam & maxime ignominioſam mortem tradiderit, iſq; tanto amoris ardore & intemperantiâ, ut ſi non niſi unus fuiſſet redimendus homo, eundem ipſum ea ratione procul dubio fuerit liberaturus. *In Diſtis Patrum. cap: 2.*


*Item.*

*Item.*

Si cum amore, quo Deus nos diligit, conferatur amor, quem omnes unquam parentes habuerunt, habent, & habituri sunt erga filios suos: erit velut aquæ guttula, cum vastissimo mari comparata. *In Spec. Spirit. cap. 9.*

*Deus magis amat hominem quàm se ipsum homo.*

**C**Rede inconcussa fide, Dominum Deum tuum magis amare te, quàm tu te ames, & diligentiorē curam tui habere, quàm ipse habeas, aut habere possis: Confide in eo plenissimè, & omnia divinæ ejus providentiæ sine aliqua hæsitatione committens, & omnem sollicitudinem tuam in eum proliciens. *In Sermoni Spirituali.*



AMOR

# AMOR HOMINIS, ERGA DEUM.

*Quomodo amandus Deus.*

**D**Esidera, ut possis Deum perfectè pro grata voluntate ipsius amare, quòd si non sentis in te desiderium; saltem desidera habere desiderium, dicendo. Bone JESU, ego te toto corde diligere debeo & cupio: tu pro me supplere digneris, quidquid ardentis desiderii & amoris mihi deest. *In speculo Spirit. cap: 4.*

*Item.*

Si non potes ardentèr diligere Deum; dilige ut potes, & quemadmodum ipse gratiam donare dignatur. *Ibidem ut supra.*

*Amoris veri erga Deum, signa.*

**S**Cito certum indicium verissimi amoris esse, si aequè Deum diligis,

gis, dum se asperum exhibet, sicut dum se præbet suavem: ac voluntatem tuam voluntati illius, tam in amaris, quàm in dulcibus humiliter resignas & permittis. *In Tabella Spirituali.*

*Item.*

Is verè Deum diligit, cui ipse Deus est, id, quod est: cui celestia sapiunt, terrena desipiunt: qui sensus suos exteriores concludere, & interiores ab omnibus rebus expedire, viresq; omnes Deo applicare novit. *In Institutione Spirit cap. 5.*

*Item.*

Qui Deum ferventer amat, necesse est ut eum crebrò in memoria habeat: quemadmodum qui acriter sitit, non potest non recordari sitis suæ. Vbi enim cura & amor, ibi cogitatio. Rursum, qui Deum amat, non elongatur ab amore & gratia Dei etiamsi dormiat, & de Deo nihil cogitet. *In Append: Tabella Spirituali.*

*Qui*



*Qui diligit Deum, filius Dei est.*

**S**I Deum diligis; si bonæ voluntatis es; etiam tu ex numero filiorum Dei es. Jam si es filius, quantumvis sis parvus, eris & hæres. Quid enim? num Dominus magnos filios suos ad regnum admissurus est, & parvos exclusurus? Nequaquam, sed quicumq; sunt ejus, id est, quicumq; charitate insigniti apparent, dum hinc emigrant licet perfectam charitatem non habeant, salvi erunt: & aliquando gaudiis cæli perfruentur.  
*In canone vite Spirit. cap: 33.*

*Amor erga Deum, præstat  
austeritati vite.*

**I**NUSCITATAM vitæ austeritatem ne amplexeris: sicut plerosq; Sanctos vitam multò rigidam duxisse cognoscas. Cilicium, durities lecti, esus panis, potus aquæ, flagellatio corporis, & similia pro Dei honore purè peracta, ipsi quidem Deo placent, & ad  
**carnem**

carnem edomandam robustis juvenibusq; non parum prosunt. Verum tamen verus Dei amor hominem multò viciniùs Deo conjungit, & carnis petulantiam citiùs efficaciusq; compescit ac superat. *In Institutione Spir. cap: 2.*

*Amor Intellectualis præstat  
sensibili.*

**N**on angamur, si nobis deest sensibilis devotio, sensibilisq; amor: si item desunt lachrymæ exteriores, sed hoc unusquisq; curet, ut per rationalem sive intellectualem amorem, nempe per bonam voluntatem Deo semper unitus sit, & beneplacitum Dei pro summo solatio habeat. *In Institutione Spirituali. cap: 7.*

# ANGELUS,

*Angeli pulchritudo.*

**S**i videres Sanctorum Angelorum pulchritudinem sicuti est, cor tuum præ ingenti gaudio rumperet.

peretur. *Christus ad S. Birgittam dixit Blosius in Monil. Spirit. cap. 14.*

*Angeli agilitas.*

**T**anta est Angeli agilitas & per-  
nicitas, ut celerius moveatur atq;  
transeat quàm fulgur emicet. *In*  
*Enchir. Parvul. lib: 2. Cap. 12.*

*Angeli non sunt ubiq;, sed ubiq;  
vident Deum.*

**A**ngeli ita alibi sunt, ut alibi  
non sint. Solus enim Deus  
ubiq; est. Si Angelus in cælo est;  
in terra simul non est. Quando au-  
tem in terra Angelus est, aut ad ex-  
terna administranda mittitur; non  
oà id minùs fructur jugi visione Dei,  
quàm si in cælo esset. *In Enchir:*  
*Parvul; lib: 2. cap: 12.*

*Angeli an omnia videant in Deo?*

**S**ancti Angeli, Sanctæq; animæ in  
Scælum receptæ vident quidem  
Deum sicuti est, & cognoscunt eum  
B pro

pro suo captu graduq; : non tamen prorsus ipsum Dei secretum intuentur, non plenè Deum comprehendunt. Infinitum Deum non infinitè sed finitè cognoscunt. Non omnia quæ in Deo sunt, & in Deo videri sciuntq; possunt, vident aut sciunt : id namq; creaturæ finitæq; Intelligentiæ captum excedit. In *Enchirid: Paryal. lib: 2. cap: 9.*

*Angelorum amor erga homines.*

**N**Vlla unquam Mater erga unicè dilectum filium suum regendum, custodiendum, tuendumq; ita vigilat, uti Beatissimi Spiritus nostræ salutis invigilant : & præcipuè Angelus proprius, tuæ speciatim custodiæ à Domino deputatus. Nam nocte & die, omni loco & tempore, in cunctis causis & necessitatibus tuis summa cum fidelitate adest, & nec ad momentum quidem unquam à te recedit. In *Dictis Patrum. cap. 6.*

*De*

*De numero Angelorum*

**S**ANCTUS Dionysius Areopagita scri-  
bit. Numerum Sanctorum Ange-  
lorum superare omnem numerum  
inferiorum rerum.

Plenq; Patrum existimant non plu-  
res esse Angelicos Spiritus in Cælo  
quàm erunt boni homines finito hoc  
seculo: ita ut æqualis sit numerus  
Angelorum & hominum beatorum.

Virgo Deipara MARIA dixit San-  
cta Birgittæ lib: 4. Revel. Tan-  
tum esse numerum beatorum Spiri-  
tum Angelicorum, ut si computa-  
rentur omnes homines ab Adam,  
usq; ad ultimum in fine mundi na-  
sciturum: possent unicuiq; homini  
deputari ad minus decem Angeli glo-  
riofii. In Monil. Spiritual. cap: 14.

*Angeli quas formas assumunt  
ad videndum sc.*

**A**ngelus, & omnia separata à  
corpore, nonnunquam visibilem  
formam assumunt, talem qualem vo-

luerit Deus, ut ab his conspici possint, quibus apparent: verum ejusmodi figura de eorum substantia non est. *In Enchiridio Parvul. lib. 2. cap: 12.*

## A N I M A,

*Anima rationalis prestantia.*

**Q**uælibet anima rationalis, (cùm sit imagine summæ Trinitatis insignita) Cælo terraq; incomparabiliter præstantior est. Tantam habet cum Deo (à quo profluxit) similitudinem, ut ejus excellentiam nulla creatura, ne ipsa quidem creaturarum omnium præcellentissima Virgo Deipara capere possit. *In Institutione Spirit: cap: 6.*

*Item.*

Tanta est animæ hominis dignitas & tantus decor, ut unigenitus Dei Filius præ natis hominum formâ speciosus, amore ejus ardens, acerbissimos cruciatus perpeti & præ-

tio.



tiosum Sanguinem suum fundere, ignominiosamq; mortem subire non recusaverit: quo illam à morte perpetua redimeret, & verà libertate donatam, ad cæleste Regnum reduceret. *In Dictis Patrū cap: 1.*

*Animæ pulchritudo.*

**T**anta est elegantia & formositas animæ rationalis, quàm peccatorum sordes non deturpant; ut si eam clariùs cernere possis, vix scires præ admiratione & gaudio, ubi nam esses. *In Spec. Spirit. cap: 3.*

*Animarum æqualitas.*

**A**nima non est major in virili hominis ætate, & minor in ætate puerili: æquè magna est si corpus fuerit breve, sicut si esset proceritatis giganteæ: non partiri, nec augeri, nec minui potest. *In Enchir: Pa. vul. lib: 2, cap: 12.*

*Item.*

Animā non est pulchrior in pulchro corpore, quàm in deformi (nisi

B3                      in pul-

in pulchro sit sanctior, quàm in deformi) sed tam in deformi. quàm in pulchro corpore est pulcherrima, si peccatis non fuerit deturpata. *Ibid. ut supra.*

*Item.*

Anima abjectissimi mendici, secundum dignitatem creationis, non est inferior, animam honoratissimi Principis. *In Instit. spirit. cap. 6.*

*Anima Esseitas.*

Anima tota toti corpori, totaq; cuilibet corporis viventis parti adesse dicitur. Deum aliquo modo imitata, qui totus in toto mundo, & totus in qualibet mundi parte est. Peculiariter tamen in corde & cerebro anima perhibetur esse: quemadmodum Deus in templo nomini suo dedicato, & in celo singularis est. *In Enchirid: Parvul: lib: 2. cap: 12.*

*Anima propria cura salutis habenda.*

**U**T corpore valeas, permittis te Medico homini: credis te Chirurguro

Virgo ligandum, secundum, urendum. Ut animæ salutem æternam compares, non credis te Domino, Conditori, Patri & Salvatori? Non audes dicere Medico hæc & hæc ratione cura me: & Deo præscribimus, quomodo oporteat nostræ salutis consulere. In Consol. Fusill: In præclarū Dicitur de Dei misericordia.

*Anima cognitio, Quæ?*

**A**nima rationalis cognoscit Deum supra se, se in se, Angelum circa se, & sensibilia infra se. In Enchirid. Parvul. lib: 2. cap. 12.

*Animarum in Purgatorio Eleemosyna, Quæ? & quàm grata Christo Domino.*

**M**itte fidelibus animabus, quæ in pænis Purgatorii detinentur, Spirituales Eleemosynas, orans devotè mente pro illis. Quicquid pro animarum absolutione & refrigerio poteris; Christus, qui illas ardentè diligit, id ita accipiet, quati tu ad

ipsū in carcere positiū venisses, cumq; inde liberare satagisses. *In Spec: Spir. cap: 3.* *Item.*

Pius & s̄uavis Dominus, ipsas electorum suorū animas, quas post mortem carnis adhuc purgare necesse est, in tantum diligit, earumq; liberationem tam ardentē desiderat, ut si nos benignā charitate moti pro illarum absolutione fidelitē precemur, & adorandam Sancti Altaris Hostiam, sive merita Christi Jesu, vel psalmodiam, aut quolibet alia salutaria offeramus peragamusve, hoc non minus gratum habeat, quā si eundem Dominum nostrum carcere conclusum consolationibus relevare, atq; adiutorio liberare studeremus. Ipse enim dixit, Quod uni ex minimis meis fecistis, mihi fecistis. *In Enchir: Parvul: lib: 2. cap: 4.*

*Animabus in inferno pena damni gravissima.*

**E**orum, qui æternis suppliciis inferni deputati sunt, gravissima pena

pæna hæc eſt, quod Deum in ſe habent, ad quem tamen nunquam per-tingere poterunt. *In Inſtitutione Spirituali. cap: 3.*

## BEATITUDO,

*Beatorum præmium eſſentiale,*

*Quod ?*

**E**ſſentiale præmium conſiſtit, in contemplativa unione animæ cum nuda divinitate. In hoc beatitudo animæ potiffimùm ſita eſt, ut Deum ſine medio contempletur: cùm anima, ſupra omnes vires & potentias ſuas eveſta. in Divinarum Perſonarum naturalem eſſentiam, & in eſſentiæ ſimplicem nuditatem deducitur. *In Conſol: Puſill. Suſo de Patria cæſti.*

*Beatorum gaudia in Cælo.*

**B**eati, finita hac peregrinatione, perveniunt ad cæleſtem illam beatamq; patriam: ubi ſublatis omnibus mileris atq; impedimentis, æter-

nā requie perfruuntur adepti bonam  
illud, quod oculus non vidit, nec au-  
ris audivit, nec in cor hominis ascen-  
dit: ubi revelata facie, clarissimè,  
jucundissimè, perpetuòq; contemplan-  
tur fulgentissimam Trinitatem, Pa-  
trem, & Filium, & Spiritum Sanctum,  
unum summè svavem, summeq; ama-  
bilem Deum. *In append. Psychagogia,  
in conclusionis opusculi.*

*Beati & Angeli mansiones in calo  
habent scorsim.*

**A**ngeli, Archangeli, Virtutes, Po-  
testates, Principatus, Domina-  
tiones, Throni, Cherubin, ac Sera-  
phin, habent proprias in celo man-  
siones divisas, in quibus perpetuas  
Deo exhibent laudes. Non solum  
autem Angelici Spiritus, propriis in  
caelesti aula nobilitantur mansionibus:  
verum etiam quotquot homines præ-  
destinati sunt ad salutem. Neq; est  
ambigendum Patriarchas Sanctos,  
sublimes Vates, Apostolorum hono-  
rabile



rabile collegium, Martyrum laurea-  
tū Chorū, concordem Confesso-  
rum numerum, Virginum candida-  
tum exercitum, ſacratumq; Sacerdo-  
tum ordinem, ſpectiales in cælo poſ-  
ſidere manſiones. In uno ſiquidem  
universæ manſiones ſunt loco: una  
tamen quæq; eorum, pro meritis in-  
habitantium fulget, deliciſq; exuber-  
rat Spiritualibus. *In Append. Pſycha-  
gogia. In Faſciculo amoru.*

*Beatorum quiſq; contentus ſua ſorte.*

**I**N domo Patris mei, manſiones  
multæ. *Ioan: 14* Apud Patrem  
quippe manſiones multæ ſunt, quia  
in illa beatitudinis vita non diſpari,  
unusquiſq; juxta meritum diſpar, lo-  
cum diſparem percipit, ſed ejusdem  
diſparitatis damna non ſentit: quia  
tantum ſibi, quantum perceperit, ſuffi-  
cit. *In Pſychag. lib: 4. cap. 17.*

*Beatorū Corporū agilitas & ſubtilitas.*

**T**Anta agilitate & levitate præ-  
dita erunt, ut ubicunq; anima  
eſſe

esse debet, aut volet. mox ipsa in momento suum secum corpus eò adducet. Et tam erunt subtilia, ut etiam murum aeneum, centum miliaria latum & crassum, minori negotio sint penetratura, quàm solis splendor vitrum penetret. *Blosius in Farragine Institutionum de beatitudine & gloria celestis.*

## COGITATIO.

*Prava & obscene, quibus resistitur, peccata non sunt.*

**S**i contingeret, vel tot incidentias aliquem sustinere, quòt momenta sunt temporis, quæ & adeo abominabiles & detestandæ forent: ut similes cor humanum vix excogitare, aut lingua aliqua effari possit, de quocunq; etiam illæ essent: sive de Deo, sive de Creaturis: & homo in tali statu, uno vel altero, vel plurimis quoq; annis, contra voluntà,

lunratem suam perfilteret: si saltem ratio, remorsum, displicentiam, atq; averſionem ab hujusmodi haberet: itaq; non cum plena deliberatione & integra voluntate talibus consentiret, sed potius resisteret, cum natura hujusmodi sustineat: peccatum mortale haudquaquam admissum foret. *Henricus Suso. In Consol. Rufill.*

*Item.*

Quando homini aliqua prava cogitatio incidit, & ipse fortassis cum delectatione ei intendit, atq; sui ipsius oblitus non ita celeriter inde se avertit. Et tunc putat se cum voluntate & deliberatione illi intendisse, & se ipso neglecto peccasse mortaliter. Sed absit, ut hoc esse dicamus. Concors namq; multorum Sanctorum sententia est. Rationem sæpè per importunas incidentias ad delectationem pervenire idq; satis bonà mora, & longo tempore, antequam ratio sui ipsius per naturalem deliberationem plenè compos fiat, *Quod cum ita sit:*

fit: nequaquam in talibus mortale peccatum homines boni metuere debent: *Ibid ut supra.*

*Item.*

Aliud est impugnari à vitiis, aliud expugnari. Quamdiu non consentis, quamdiu tibi displicent ipsa vitia, & eis ratione ac voluntate repugnas, non elongaris à Deo, quantumlibet illa infesta sint & molesta. *In Specul. Spiritual. cap. 6.*

*Quinimo repurgant animam.*

**E**tiam si sentires gravissimos vitiorum motus, sed eis non consentires. etiam immundissimæ imagines, vel inauditæ adversus Deum ac Sanctos ejus blasphemix se se cordi tuo contra voluntatem tuam ingererent; non contaminarent, sed repurgarent animam tuam, atq; admirandas coronas in celo pararent. *In spec. Spirit. cap. 6.*

*Item.*

Certissimè scire debes, malas cogita-

gitationes quibus mens reluctatur, & quas detestatur, eſſe purgationem animæ atq; coronam. Si tu illas prohibere non potes; ſer patienter, ac voluntate eis renitere. Et quamvis iſtis non conſentias, time nihilominus ne inde ſuperbias, & cadas. Nam quicumq; ſtat, ſolius Dei virtute itat. *Chriſtus ad S. Birgit. In Mon. Spiritual. cap. 4.*

*Item.*

*Chriſtus loquitur ad S. Birgittam.*

**V**T homo intelligat infirmitatem, quam habet à ſe ipſo, & fortitudinem, quam habet à me, neceſſe eſt, ut quandoq; permittam eum pulſari pravis cogitationibus, quibus ſi non conſentit; illæ efficiuntur ei purgatio animæ, & cuſtodia virtutum. Et licet valde amaræ ſunt ad ferendum, ſanant tamen animam, & ducunt eam ad æternam vitam, quæ non poteſt haberi ſine amaritudinibus. Diligentèr verò debet laborare  
anima,

anima, ne eis consentiat. aut in eis delectetur. In Monil. sp. r. cap: 4

*Cogitationes impurae contemnenda,  
nec cum illis disputandum.*

**M**ultas & innumeras nefarias cogitationes malignus Spiritus plerumq; bono homini suggerit. Quicumq; talis es, bono animo esto. Nam si prava aliqua tibi inciderunt; cura, ut rursus excidant: nec turberis animo, sed corde ad Deum convertere. Noli respicere, noli cum eis disputare, noli verbum respondere: tantum excidant, & animum inde quantum potes averte. *Thaulerus in Consol. Pusill.*

*Cogitationes blasphemae, nec formidanda nec confitenda.*

*Christus alloquitur animam.*

**Q**uodli quandoque etiam blasphemias, aut execrandas cogitationes contra me, Sanctosq; meos, in cor tuum Diabolus immiserit; noli pro-



propterea conturbari, aut nimium pusillanimis esse. Cum hæc tibi tristitiam & afflictionem potius ingerant, quàm delectationem: nullo modo formidanda, sed nec Sacerdoti confitenda sunt. *In Consol: Pusill: ex scriptis Lansbergii Carthusiani.*

*Item:*

Quantumcunq; absurda & fæda malignus Spiritus cordi tuo ingerat, ipse ea nihili facias, internam intuitum mox ab illis avertens. Talia enim melius vinctes contemnendo & conspuendo, quàm si illa attendere, & de eis cogitare, atq; cum eis altercari volueris. Nec putes te ex illis (quod tibi prorsus displicent, & quæ statim reijcis) culpam aliquam contrahere, quam coram Sacerdote confiteri necesse sit. *In Regula brevi.*

*Cum impuris cogitationibus quid  
agendum?*

**S**i contingat immundas imagines,  
vel ex aspectu, vel ex auditu, vel  
per

per cogitationes, vel per Dæmonum suggestionem dormienti, aut vigilant tibi incidere: ita, ut ad libidinem & turpes naturæ propensiones, ac voluptatem movearis; mox Crucis signum imprimas cordi tuo, & ores Deum, ut tui misereatur: vel etiam Angelicam salutationem dicas, ac Sanctorum preces opemq; implores. *In Farrag: Insist.*

*Item.*

**A**Dversus turpes propensiones, libidinososq; stimulos carnis, non parum prodest cogitare, quanta sit vilitas ac brevitās carnalis voluptatis, quantaq; ipsius carnis corruptio. Quid enim est caro, quantumlibet etiam pulchra & elegans appareat, nisi sterco, putredo, & ingens fautor. *In Specul. Spirit: cap. 4*

*Cogitationes male, non semper  
à Diabolo excitantur.*

**N**on omnes cogitationes nostræ malæ semper Diaboli instinctu excitantur: sed aliquoties ex nostri  
arbi-

arbitrij motu exlurgunt. Bonæ autem cogitationes semper à Deo sunt. *S. Aug. 10m. 3. lib: de Eccl: dign: cap 81.*

## CONFESSIO,

*Crebrò faciendâ.*

**O**Mnino expedit, ut quia quotidie offendis, & maculas contrahis: crebrò etiam teipsum coram sacerdote expurges. *In Spec. Spirit. cap. 1.*

*Item.*

Ut puritatem conscientie adipiscaris, confitere satis frequentè humili contritoq; corde peccata tua coram Sacerdote, qui auctoritatem te absolvendi habeat: sed reice superfluos atq; inanes scrupulos. *In Tabellâ Spirit.*

*Faciendâ Sacerdoti approbatâ.*

**A**Cunctis gravibus peccatis ab infantia perpetratis, quoad poteris te expurges, idq; coram sapienti & di.

& discreto confessore, qui habeat juxta Ecclesiæ constitutionem te absolvendi potestatem. Quod si id semel egisti; satis est, & sufficit æternæ Dei veritati: sicq; pacem habes cum Deo, & in munda conscientia tua. *In Farragine Instit.*

*Confessio est Tabula naufragii.*

**S**I quis se cognoscit de littore continentiae, & tempestate libidinis in pelago luxuriæ fuisse jactatum, & castitatis incurrisse naufragium: Peccatorum confessionem velut Tabulam contractæ navis velociter apprehendat: ut per ipsam de hac abyssu & de profundo luxuriæ possit evadere, & ad portum penitentiae pervenire. Vbi tam tutiori loco spei anchoram figere; & salutem perditam valeat reparare. *S. Aug. Serm. 24.*

*Confessio generalis semel ritè facta, non est iteranda.*

**S**I libet confiteri cunctas graves culpas atq; offensas, quas te ab infantia

santia admisisse meministi: ubi semel hoc egeris, satis est, & æternæ Dei veritati sufficit: licet nonnulli pii inveniantur, qui plus, quàm semel id faciunt. *In Spec. Spir. cap: 1.*

*Item.*

Habitâ semel bona examinatione conscientiæ ante confessionem, scrupulos abiice: noli denuò investigare conscientiam, ne inquietudinem tibi parias semper confitendi: & per alia bona exercitia, ad amorem conducentia, scrupulosam illam investigationem exclude. Nam si observaveris scrupulos, si scrutari & investigare singulos timores volueris mille tibi parabuntur insidiæ. *In Consol. Pusill. Lansberg. In Inter. Alloc. Christi.*

*Item.*

In veritate dico, ubi quis peccata sua ritè confessus, adhuc remorsum ex eisdem in conscientia patitur, multò melius fecerit, si hac in parte Deo  
confi.

confitendo, & fidem virtuti confessionis adhibendo, eadem denuo non confiteatur, quàm si iteret confessionem. *Thaulerus in Consol. Pupil.*

## CONTRITIO. DE DIVISIONE CONTRITIONIS.

*Contritionis dolor est Duplex.*

*1<sup>mus</sup>* **A** Nimi, seu voluntatis, qui est peccati detestatio: & est de necessitate, & essentia Contritionis.

*2<sup>dus</sup>.* Dolor sensualis est, seu sensibilis; qui apparet exterius in signo aliquo, in lachrymis, in suspiriis. Et iste dolor non est de necessitate & essentia contritionis sed solum de perfectione: quia non est de potestate nostri liberi arbitrii.

*De Differetia, inter dolorē & dolorē.*

**D**olor, quem qui elicit detestando peccata sua propter timorem  
pænæ

pænæ damnationis æternæ: vel ob amorem consequendi regnum celeste, vocatur *Attritio*: quæ nec meretur gratiam remissionis peccatorum ex se, quia est absq; charitate, & dicitur servitutis. Quod si accedat Sacramentum pœnitentiæ, ex *Attritione*, fit *contritio*, ob adnexam gratiam Sacramento, quæ illi confertur.

Dolor, qui elicitur detestando peccata propter solam offensam Dei summo amore digni, vocatur *Contritio*. Et talis meretur peccatorum remissionem, ante susceptionem Sacramenti. Quia habet timorem filialem Dei, qui sine charitate esse non potest cum spe veniæ. Debet tamen pœnitēs habere propositū confitendi, & satisfaciendi tempore suo.

*Contritio qualis debeat esse.*

**D**Eus omnes culpas peccatori perfecte remittit, nec unquam illas illi imputabit, etiamsi tot essent, quot omnes homines simul comise-



runt. Si tamen perfectè doleat, ex amore, & purè ad gloriam Dei: atq; ideo potissimum suæ illi iniquitates displiceant, quod eas Deo displicere intelligit. *In Dictis Patrum. cap: 14.*

*Contritio vera, Quæ?*

**Q**ui veram optat habere contritionem; in se ipso humilitatem, peccati displicentiam, & firmam in Deo fiduciam habere curet. Dicente S. Scriptura Eccl. 38. Fili in tua infirmitate ne despicias te ipsum, sed ora Dominum, & ipse curabit te, *In Consol: Pafil. Suso.*

*Contritio sufficiens, Quæ?*

**S**ufficit hæc contritio (licet sit arido corde) quòd doleas Deum esse offensum, & optes te non offendisse: statuasq; quòd nolis amplius peccare. *In Consol. Ioan Lansberg. in Allucinatione Christi ad animam penitentem.*

*Contritis dat veniam Deus.*

**D**eus, qui tibi dedit veram contritionem, dedit sine dubio & veni-

veniam: nec attendit qualis aliquando fueris; sed qualis modo sis, aut posse cupias. *In Spec. Spirit. cap. 9.*

*Contritio perfecta sapè tollit peccatum & pœnam.*

**C**hristus S. Birgittæ dixit. Quem Cheri dixi pessimum, hodie dico charissimum, propter veram contritionem: quæ, si perfecta ac stabilis fuerit; dimitto non solum peccatum, sed & pœnam peccato debitam. *In Monil. Spir. cap. 1.*

*Quomodo delendum sit pro peccatis.*

**D**oleas purè ad gloriam Dei: & iniquitates tuæ ideo potissimum tibi displiceant, quòd eas Deo displicere, honoriq; & beneplacito ejus contrarias esse intelligis. Magis pondera injuriam, quam Deo intulisti, quàm pœnas, quas commeruisti. *In Spec. Spir. cap. 1.*

*Item*

*In contritione, sensibiliq; devotione,*

one, magis lugere consuesce, quòd  
erga Deum Creatorem & Patrem  
tuum dulcissimum contumeliosus in-  
gratusq; fueris, quàm quòd te ipsum  
æternis suppliciis obnoxium reddide-  
ris. *In Spec. Monachorum.*

*Contritio sensibilis non est curanda.*

**N**E conturberis, quòd pro ipsis  
delictis tuis, non possis fortè  
offerre Deo sensibilem cordis con-  
tritionem. Nam si dolor in volun-  
tate & ratione est; si verè tibi di-  
splicet, quòd benignissimum Deum  
tuum offenderis; si doles quòd non  
magis doleas: si statuis deinceps  
melius vivere; istiusmodi contritio  
Domino gratissima est, licet cor ar-  
idum permaneat. Si desunt exte-  
res lachrymæ, non desint interiores.  
Sine illis potes peccata plangere &  
placere Deo, sine his non potes. Non  
autem careres interioribus lachrymis,  
quando ex animo tibi displicet Dei  
offensio: quando mente prorsus  
aver-

aversaris vitia : quando Deum magno  
affectu quæris & ad eum suspiras.  
*In Canone vite Spiritualis. cap. 4.*

*Item.*

Dole quia peccasti, quia me of-  
fendisti, aut saltem dole, quia non  
sentis te dolere. Sæpè numero enim  
fit, ut mihi magis placeat, & homi-  
ni utilius sit, velle esse contritum,  
aut devotum, quàm sentire contriti-  
onem vel devotionem. Quia velle  
habere, & non habere, generat affli-  
ctionem cordi. *In Consol. Psall. In  
Interna Alloc. Christi.*

*Contritio, etiamsi parva, grata  
est Deo.*

**Q**uanlibet parva sit contritio, pu-  
rè Dei intuitu concepta Deo ra-  
men multò gratior est, quàm sit  
omnis dolor, quem propter seipsum  
vel jacturam suam, omnes simul ho-  
mines habuere. *In Vitis Patrum,  
cap. 14.*

C 2

Con.

*Contritio minima præstat magnam  
austeritati vitæ,*

**N**on hi ad Deum perveniunt, qui vel diu sanctè vixerunt, vel magnam vitæ austeritatem præstiterunt: sed quicumque cor contritum & humiliatum exhibent, ab ipso clementer respiciuntur, suscipiunturq; quantumvis etiam modico tempore benè vixerunt. Latro ille pendens in Cruce quàm brevem penitentiam egit? & quàm repentè salutem æternam consecutus est. *In Canon: vitæ Spir: cap: 37.*

*In defectu contritionis quid agendū.*

**S**i alicui dolor, sive contritio deest, saltem doleat se non dolere: nam hoc quoq; dolor est. Itidem si quis desiderium & amorem non sentit, desideret habere desiderium atq; amorē. *In Apologia pro Thaul c. 4.*

*In contritione Deus acceptat velle,  
pro facto.*

**N**on propterea argaris, quod forte non sentias dolorem vel con-

triti-

tritionem. Si enim omnino velles  
& cuperes te non offendisse Deum,  
aut etiam doles te non dolere; hunc  
quoq; dolorem suscipit ac recipit  
Deus: qui pensat non tam quid sen-  
tias; quam quid velis. Dic sæpius  
hæc aut similia verba. O Domine  
Jesu! utinam nunquam te offendis-  
sem: utinam posthac viverem iuxta  
gratissimam voluntatem tuam, tibiq;  
placerem. In Spec. Spirit. cap. 6.

*Contritio generaliter de omnibus  
peccatis habenda.*

**S**I multa habes peccata, de mul-  
tis ac omnibus simul genera-  
lem habe contritionem: in qua  
omnia ac singula peccata velis in-  
cludi: ita ut nullum peccatum sit,  
quod (etiamsi sigillatim memorie  
occurreret) excludi velis, de quo  
non doleas, & quod nobis vitare aq;  
relinquere. Hæc enim contritio ge-  
neralis, extendit se ad omnia & sin-  
gula peccata, etiam ad illa, quorum

54 Flores Sententiarum,  
oblitus es, & de quibus non cogitas.  
Lansperg. In Consol: Pusill. In Interna  
Alloc. Christi

Item.

**N**on hoc exigo, ut de singulis  
peccatis necessariò habeas singu-  
las contritiones juxta numerum, ac  
speciem peccatorum. Ipsa Magda-  
lena non alitèr quàm simul, & de  
omnibus dolere potuit, in tam subi-  
ta compunctione. Tu quoq; ita de  
omnibus dole, ut nullum sit pecca-  
tum; quod tibi placeat, siue genera-  
liter, siue figillatim memoriæ occur-  
rat. In Consol: Pusill: Lansperg: In Allo-  
cutione Christi.

*Contritio debet precedere orati-  
onem quandoq;.*

**S**i consciētiā peccatorum remorden-  
te, nequis libero corde orare; statim  
culpam tuam coram Deo cum hu-  
militate fatearis, veniamq; petas, &  
te corrigere proponas: atq; ita de-  
mum sanctā fiduciā resumptā, faciem  
animæ



animæ tuæ jam repurgatam, ad Dominum per preces laudesq; divinas leves. In Enchirid: Parvul. lib: 1. In Append: Documenti 12.

## C O R P U S.

### *Corporis pulchritudo vana.*

**Q**uid est caro, quantumlibet etiam pulchra & elegans appareat? quid est nisi stercoreus & purredo, & ingens factor. Si detranatur pellis illa tenuissima, quæ magnam pulchritudinem præferebat, jam ipsa caro tota deformis erit. In Specul. Spiritual: cap. 4.

### *Corporis deformitas non contemnenda.*

**Q**uando vides hominem deformem & morbidum: non ob hanc deformitatem eum minus diligas, nec in consideratione corruptibilis mortalisq; carnis siltas, spe ad considerandam immortalis animæ pulchritudinem te transferas. Tanta

est enim elegantia & formositas animæ rationalis, quam peccatorum fordes non deturpant, ut si tu eam clavis cernere posses, vix scires præ admiratione & gaudio, ubinam esses. *In Specul Spirit: cap. 3.*

*Corporis Sanitas moderatè expendenda à Deo.*

**S**i cognoscit Dominus corporis sanitatem tibi fore utilem: eam procul dubio dabit postulanti: quod si eam non præstiterit, jam tu crede prorsus animæ tuæ expedire, ut illa careas. *In Canone vitæ Spirit: cap: 23.*

*Corporis sanitas in servitio Dei est præservanda.*

**Q**uid corpus tuum exagitas? quid mentem affligis? Deus non exigit, ut in obsequio, quod illi impendis, te ipsum crudeliter excarnifices, sed vult te esse & spiritu & corpore sanum, nisi aliter ipse pro tua utilitate ordinaverit. *In Canone Spir: c. 23.*

*Item,*

## Item

Licet plerofq; Sanctos homines vitam admodum rigidam duxiſſe legas, vel audias, & magnus ſorte fervor in initio converſionis tuæ, ad inuſitatam auſteritatem amplexandam te impellat: non tamen inconfideratè ſequaris huiusmodi fervorem, ſed ſapientum utere conſilio. vitia mortificanda ſunt, non corpusculum opprimendum, nec natura deſtruenda.

*In Spec. Spirit. cap: 5.*

*Corpus, cibo & potu reſciendum.*

**N**ecceſſariam cibi, potûs ſomniq; indulgentiam corpori non neges: in ea re non ſis multum acer, niſi Spiritu Sancto revelante certò didiceris, ſingularem abſtinentiam Deo in te placere. Immoderata enim reſectionum ſubtractio, tam Spiritui, quàm corpusculo plurimum incommodat, & amentiam plerumq; parit.

*In Canon. vitæ Spir. cap. 24.*

C 5

Refri.

*Reficiendum, sed moderatè.*

**D**VM corpus alimentis reficis, sum-  
moperè caveas, ne ventrem &  
Spiritu cibò, nimiove potu prægra-  
ves. Tam cibum, quàm potum mo-  
destè & continentèr sumas, non quæ-  
rens in illis aliquam delectationem.  
Intingas Spiritualiter buccellas, quas  
edis, in pretiosum Sangvinem Chri-  
sti; & è roseis vulneribus ejus po-  
tum haurias. *In Regula brevi.*

*Item.*

Reficiens corpus cibo, potu, vel  
somno, non voluptatem, sed susten-  
tationem naturæ spectes. Quamli-  
bet buccellam cibi, & quemlibet  
haustum potûs, modestè atq; continen-  
tèr cum sancto timore, suiq; mor-  
tificatione, ad gloriam Dei sumas.  
Non uno haustu multum potûs te  
ingurgites: sed si vehementèr sitis,  
bibas sæpius. *In Instit: Spirit: cap: 2.*

*Item.*

Vitandus tibi est excessus, & im-  
moderatus.

moderatus cibi potuſq; uſus. Quòd  
ſi aliquid plus ſumpſeris, ora Deum  
ut det veniam immoderationi tuæ.  
*In Farrag: Inſtit.*

*Corpus reficiendum Intentio-  
ne Qua?*

**R**efice & refocilla ipſum corporu-  
ſculum tuum cum diſcretione  
ad æternam Dei gloriam, in unione  
illius amoris, quo dulcis Jeſus pro  
te factus homo, manducare, bibere,  
quiſcere, & ſomnum capere, digna-  
tus eſt intactus: eiq; offer in unione  
eiſdem amoris ipſa corporalia ſola-  
ria, quæ adimittis. *In Spec: Spir: cap. 4.*

*Ad corpus reficiendum epulæ  
exquiritæ non requirendæ.*

**E**xquiritas & ſuaves epulæ vicio-  
ſæ non requiritas: immo verò ta-  
les tibi oblatas pro Dei amore ſapè  
intactas relinquant, cum Dominus Je-  
ſus felle & aceto potatus fuerit. *In  
Inſtitutione Spirituali. cap. 2.*

*Item.*

Item.

Si tibi administrantur escæ simplices ac rudiores, non ob id patientiam & pacem cordis tui mormorando amittas: sed ea, quæ à Deo dantur, & providentur, sume cum gratiarum actione. Pudeat te querere lautitias præter rationem & justam necessitatem, cum Dominus tuus JESUS CHRISTUS felle & aceto potatus fuerit. *In Specula Spirituali. cap: 4.*

*Corpori prandium lautius, cæna brevior danda.*

Consultum fuerit, ut in prandio quidem corpusculum alimentis reficias, quantum naturæ necessitas exposcit: sed in cæna nonnisi parcè manduces. Sobriam enim cænam, sobrius somnus consequi solet. *In Instit. spirit. cap. 2.*

DE-

## DESPERATIO,

*Peccatum grauiſſimum.*

**H**omo magis Deum inhonora-  
re nequit, nec maiorem illi  
irrogare injuriam, quàm ſi ob  
multitudinem aut gravitatem crimi-  
num ſuorum, deſperet de ejus miſe-  
ricordia : quæ utiq; infinito major  
eſt, quàm ſint aut eſſe poſſint omnia  
totius mundi peccata. *In Label: ſpir.*

*Item.*

Judàs graviùs peccavit, de ſalute  
deſperando, quàm peccaverat Chri-  
ſtum tradendo : quemadmodum &  
Cain, enormiùs Deum offendit de-  
ſperatione veniæ, quàm offenderat  
fratris ſui Abel occiſione. *In Con-  
ſol: Puſill. B. Hieronymus.*

*Item.*

Chriſtus S. Catharinæ Senenſi di-  
xit. Peccatores, qui in extremitate  
mortis, deſperant de miſericordia  
mea, multò graviùs me offendunt, &  
magis.



magis mihi displicent hoc uno peccato, quàm omnibus aliis iniquitatibus, quas unquam commiserint.  
*In Monit. Spiritual. cap: 1.*

*Desperans negat Deum Omnipotentem, & facit eum mendacem.*

**Q**uiscunque abjectâ spe veniæ, deiciat se in desperationis barathrū, is non solum non credit Deum Omnipotentem, existimans aliquod scrupulum esse, quod illud non possit diluere: verum etiam eum facit mendacem, qui pollicitus est per Prophetam: se protinus commissorum omnium fore immemorem, simul atq; peccator ingemuerit. *In Consol. Pūfili in Praclaris Dictis de Dei misericordia.*

*Item.*

Caina posteritas dicit. Majus est peccatum meum, quàm ut veniam merear. Quid dicis impie? si Deus victus magnitudinis peccatis non potest ignorare? detrahis illi omnipotentiam. Si non vult quod potest?

teſt? mendax eſt & vanus, qui nolit præſtare, quod toties promiſit per ora Prophetarum. *Ibidem ut ſupra.*

*Facit Deum implacabilem.*

**N**Unquam de Dei miſericordia deſperaveris. Non enim innumerabilis horrendorum enormiumq; criminum multitudo, ſic nobis reddit, Deum implacabilem, ſicut unica deſperatio. Nam qui diffidit de venia, Deum miſericordem & omnipotentem eſſe negat, in Spiritum Sanctum blaſphemus eſt. *in Speculo Monachorum.*

*Non deſperandum, ſed reſurgendum de peccatis etiam enormiſſimis.*

**Q**uantumvis multa & enormia fuerint peccata tua, nunquam de venia deſperaveris. Corruisti? ſurge, converte te ad Medicum animæ tuæ, & viſcera pectoris ejus tibi patebunt. Iterum corruisti? iterum reſurge, geme, clama, & miſeratio Redem.

Redemptoris te recipiet. Corruisti tertio & quarto? & sæpius? surge rursus, plange, suspira, humiliare, & Deus non te deferet. Nunquam despexit, nec despiciet unquam cor contritum: nunquam rejecit, nec reiciet unquam confugientes ad se, per veram pœnitentiam. Quare etiam si centies, etiam si millies intra unius horulæ spatium lapsus fueris, toties cum sancta spe veniæ resurge. *In Canone vitæ spiritualis. cap: 1.*

*Item.*

Neq; propter numerositatem, neq; propter enormitatem lapsuum tuorū desperes, sed culpam tuam humiliter agnoscens, & te fideliter corrigere proponens, toties cum Sanctæ indulgentiæ spe resurge, quoties cadis. Nam quodocunq; te verè pœnitet peccatorum admissorum, & ipse integro corde voluntatem tuam inclinas ad tui emendationem, tam repente sanctificaris, quàm repente mundatus fuit leprosus ille, cui dicen-

ti Do-

ti, Domine, ſi vis potes me mundare:  
 Dominus reſpondit, volo mundare.  
*In rubricid: Parvul: lib: 1. Append: Do-  
 cumenti. 3.*

*Item.*

Etiamsi poſt innumera gratiæ be-  
 neficia accepta, Deum ( quod abſit )  
 abnegaveris : agnoſce humiliter cul-  
 pam, deteſtare facinus, animo pro-  
 pone non ampliùs peccare, ſimiliter  
 ſtatue meliùs vivere, & de venia  
 ſecurus eſto. *In Canone vite Spiritu-  
 aliu. cap. 1.*

*Item.*

Nulla mæroris magnitudo, nulla  
 anguſtiarum acerbitas, nulla defe-  
 ctuum multitudo, nulla ſcelerum  
 enormitas te ad deſperationem, ni-  
 miamve puſillanimitatem adducat.  
 Quantūcunq; peccaveris, ſemper Dei  
 miſericordia in infinitum excedit tu-  
 as iniquitates: quantumcunq; inſir-  
 mus ſis, ſemper illius benignitas ad-  
 juvare parata eſt tuam fragilitatem.  
*In Conſol. Puſill. Quidam pius Scripſit.*

*De.*

*De nullius salute desperandum.*

**N**Vllius unquam salutem desperaveris. Nam qui modo pessimi sunt, mox Dei gratiâ imminuti, possunt esse Sanctissimi. *In Canone vite Spirit. cap. 32.*

*Item.*

Non est desperandum de malis, sed pro illis, ut boni fiant, studiosius supplicandum. Quia numerus Sanctorum, de numero auctus est impiorum. *S. August. lib: de vera innocent. cap. 184.*

*Tentatori ad desperandum responsa.*

**S**I vel ad diffidentiam, vel ad desperationem importunè animum sollicitaverit inimicus; opportunè obviices ei, ea, quæ gratia Dei in te perfecit: sed præcipuè obviice ei, passionem Dominicam, obviice mortem communis Redemptoris. *In Canone vite Spirit: cap: 17.*

*Item.*

Si in desperationis barathrum Diabolus

solus pius hominem, nonnunquam  
immergere nititur, loquens intus  
in ipso. In cassum agis, quidquid  
agis, displicent omnia Deo opera tua,  
& ipse filius es perditionis æternæ.  
Quid verò agendum est illi cui ta-  
lia suggeruntur? omnem omnino  
curam, & sollicitudinem suam in De-  
um proiciet & anchoram suam in  
eundem, cum firma erga illius im-  
mensam misericordiam spe & fiducia,  
figet. In Consol. Pusil: Iulianus.

*Consolatio diffidentium de misericor-  
dia Dei, præsertim mala vitæ se-  
nū in mortis articulo existētium.*

**T**V qui senili, vel ultimâ ætate,  
relictis vitiorum iniquitatumq;  
sordibus, iter justitiæ ingredi capisti,  
jamq; bonæ voluntatis es: quare sic  
trepidas ac tantâ tristitiâ deprimeris,  
quasi nulla tibi salutis spes esset re-  
licta. Recordare, quæso, recordare  
misericordissimi, benignissimi, dulcissi-  
miq; Redemptoris tui **J E S U C H R I S T I,**  
qui

qui venit in mundum peccatores sal-  
vos facere. Pro eis incarnatus est,  
pro eis laboravit, acerbam Passionem  
pertulit, sanguinem fudit, & mortu-  
us est. Quamvis igitur senio jam  
prægravatus, seu vitæ hujus termino  
proximus inceperit se corrigere, &  
fortè non nisi uno anno vel uno  
mense, aut uno die hîc vivere habe-  
as: non est tamen quod perturberis:  
sed est unde plurimum gaudeas, con-  
siderans immensam Dei erga te cle-  
mentiam, qui te ante obitum tuum  
ad se revocavit. bonam volunta-  
tem tibi donans, quiq; non admo-  
dum attendit in homine quid fuerit,  
sed quid jam esse velit.

Quod si deperditum, ac in vani-  
tatibus & peccatis consumptum vitæ  
præteritæ tempus te attingit; rursus  
consoletur, ac piâ firmaq; fiducia  
stabiliat animum tuum. parabola illa  
Evangelica, ubi legis; eos qui horâ  
undecimâ à Patre familias conducti,  
atq; in vineam missi sunt (id est qui



in senectute & ultima aetate, sobriè  
iustè & pè vivere cæperunt) licet  
unà duntaxat horâ laborassent, dena-  
rium æternæ beatitudinis recepisse,  
sicut & illi, qui totâ die laborave-  
runt, seu ab ipsa pueritia & juventu-  
te Deo servierunt.

Neq; inordinata formidine con-  
cuti debes, propter priorum me-  
ritorum inopiam. Nam cùm jam  
per bonam voluntatem, & Dei gra-  
tiam, veramq; charitatem conjunctus  
sis Christo tanquam vivum exemplar,  
particeps eris meritum ejus, &  
omnium Electorum ipsius, accipies  
revera hæreditatem cælestem, quia  
de numero filiorum Dei es.

Sed metuis fortasè, ne te hinc  
migrantem pænæ purgatorii excipi-  
ant? sed iste quoq; metus nimis de-  
ponendus est. Omnino expedit tibi,  
ut resignes te totum Deo, sinatq; eum  
facere tecum, quod voluerit. Sicut  
diligis ejus misericordiam, ita dili-

gas

gas oportet iustitiam ipsius. Pater est indulgentissimus, qui sive in hac vita, sive in Purgatorio filios suos à peccatis & vitis corde jam aversos flagellet, non nisi Paterno affectu id facit, & nihil dubites de tam amabilis Patris pietate. Quando jam illi placere verè desideras ac itud es: dolesq; quod eum unquam offenderis: hinc te migrantem non acerbè, sed benignè suscipiet, sinuq; misericordiae suae confovebit.

Etiamsi ad Purgatorium deductus fueris, non carebis illic refrigeriò & consolatione, certus de tua salute & æterna beatitudine: gratiusq; tibi erit ibi esse, quàm hic, ubi multæ occasionēs habentur offendēdi Deum. Unde legimus quendam Sanctum Virum hæc similia verba dixisse. Si pro compento haberem, me post mortem perventurum ad Purgatorium; paratissimus essem, collum gladio subicere, ut certus esse possem de mea salute.

Tu

Tu homo bonæ voluntatis, qui peccatum omne jam odisti, & Deo vivere ac servire cupis, immoderatum metum depone. Qui enim, charitatem habent, & mente ad Deum conversi sunt, dum moriuntur, etiamsi aliquid fortè secum deferant, quod adhuc purgari debeat, felices tamen sunt, quia nunquam à Deo avertentur: ubi plenè purgati fuerint, gloriosi pervenient ad Patriam cælestem.

Sacræ Scripturæ ubiq; ingentem consolationem & fiduciam pœnitentibus, atq; ad Deum verè conversis præstant. Hinc Isaias, ait. Derelinquat impius viam suam, & vir iniquus cogitationes suas, & revertatur ad Dominum, & miserebitur ejus: & ad Deum nostrum, quoniam multus est ad ignoscendum.

Joel itidem. Convertimini ad Dominum Deum vestrum, qui benignus & misericors est, & præstabilis super malitia.

Et

Et per Ezechielem Deus loquitur.  
 Cum averterit se impius ab impietate sua, quam operatus est: & fecerit iudicium & iustitiam, ipse animam suam vivificabit: omnium iniquitatum ejus, quas operatus est, non recordabor; in iustitia sua, quam operatus est, viveret. Nunquid voluntatis meæ est, mors impii? & non ut convertatur à vitiis suis & vivat? In Consol. Pupil. Quidam Dei amicus.

## D E U S,

*Est semper, et omnimodè  
 laudandus.*

**O**Mne tempus ad Dei laudem atq; honorem expende: & dum otium suppetit, valetudineq; admittit, da operam sanctis, cogitationibus, orationibus, vel lectionibus. ac meditationibus. In Tabel. Spirituali.

*Super*

*Super omnia amandus.*

**R**erum caducarum amorem pluris  
facere, quàm dilectionem Dei:  
est præferre immundum stercus, ro-  
sis elegantissimis, ac gemmis preti-  
osissimis. *In Dictis Patrum cap. 1.*

*Deus parcendo & miserando omni-  
potentiam suam manifestat.*

**D**eus est omnipotens, pari facili-  
tate innumeras peccatorum my-  
riades in momento remittit, sicut  
unum peccatum. *In Canon. vite Spi-  
rituali cap: 1.*

*Nulli mutationi subest.*

**S**ummus Conditor ac Deus noster,  
sicut sine principio, & sine fine  
sempiternus est: ita sine alteratione  
incommutabilis est, semper idem per-  
manens. *In Insit: Spirit. cap. 8.*

*Item.*

Deus est incommutabilis, nulli al-  
terationi, nulli perturbationi, nulli  
passioni obnoxius: semper tranquil-  
lus,

lus, semper id ipsum permanens. *Ibidem ut supra.*

*Quàm incomprehensibilis sit.*

**S**olus increatus Deus se ipsum plenè comprehendit. unde nec ipsa quidem creaturarum omnium, beatissima, videlicet anima Christi comprehendit Divinitatem, sive infinitam Dei essentiam. Nam si creatura cognosceret omnia, quæ sunt in Deo, comprehenderet Deum, quod nullo modo fieri potest, cum illa sit finita, Deus autem infinitus. *In Monit. Spirit. cap. 14.*

*De ubiuitate Dei.*

**D**eus ubiq; præsens est: sed nullo loco continetur, nullo loco concluditur. Vbiq; totus atq; indivisus est: nullus tamen immunditia contaminatur. *In Spec. Spirit. cap. 10.*  
*Item.*

Deus illocalis est, sui ipsius locus est: intemporalis est, sine initio, sine fine sempiternus est. *In Enchir. Parvul. lib. 2. cap. 9.*  
*Item.*

Item.

Deus ubiq; est: ubiq; sine situ, ubiq;  
sine divisione totus est: non in parvis  
parvus, sed in parvis & magnis sine  
quantitate vel mole magnus. *Ibid.*  
*ut supra.*

*Deus quid sit? non scrutandum.*

**N**on velis perscrutari, atq; animo  
revolvere, quid sit Deus. Sed  
sufficiat tibi quod scis, illum esse  
summam incomprehensibilemq; bo-  
nitatem: atq; in se habere totius be-  
atitudinis exuberantem plenitudi-  
nem. *In Farrag: Instit: In Epistola Lu-*  
*dovici Blosii.*

Item,

Convenientius quid non sit, quàm  
quid sit ipse supertubstantialis & su-  
perintellectualis Spiritus Deus, enun-  
tiamus: semper agnoscentes Deo in-  
ferius esse, quidquid de eo dicere,  
vel comprehendere potuerimus. *In*  
*Enchir: Parvul. lib. 2. cap: 9.*

D 2

Neq;



*Neg. judicia ejus investiganda.*

**N**on inquiras (si errare non vis) Quare Deus aliquos in errore cecitateq; deserat? sed relinquens Deo judicia (quæ sunt abyssus impetnetabilis) certo credas, eum nihil agere, nihilq; permittere injusti. *In Institut Spirit cap. 8.*

*Neg. curiosè de Deo quarendum.*

**N**on exigit à nobis Deus, ut naturam ipsius exactè cognoscamus: sed exigit, ut in recta fide Ecclesiæ Catholicæ permanentes, ipsum sanctè colamus, amemusq;. *In Enchir: Parvul: lib: 2. cap: 10.*

*Quia nec unicum attributum illius circumscribi potest.*

**A**terna Maiestas, amabilibus perfectionibus suis, adeò univsum creatum excedit intellectum: ut si cælum terraq; libris replerentur, vastissimumq; pelagus totum esset atramentum. & omnes Spiritus Angelici, cunctaq; animæ essent scriptores? citius ipsum mare scriptores exhaust.

exhaurirent, quàm minimam cujuslibet perfectionis Divinæ partem abolverent. *In Dictu Patrum, cap. 3.*

*De actione Dei nostri.*

**D**Eus in cælo manifestat misericordiam suam : & in inferno exequitur justitiam suam. *In Institutione Spir. cap. 3.*

*De dilectione suorum.*

**D**Eus diligit non solum illos, qui semper in innocentia vixerunt, sed & eos qui post multa atq; enormia crimina resipiscunt, seq; diligentè corrigunt : ipsi enim sunt chara vasa misericordiæ ejus. *In Enchir. Parval. lib: 1. Quidam Scriptor in conclus: Epist. Blosii.*

*Deus est præcognitor, & Author Boni : est præcognitor, sed non Author mali.*

**D**Eus malæ voluntatis est præcognitor non Author : bonæ verò  
D 3      voluntæ.

voluntatis & præcognitor, & Author est. Ipse mala fieri permittit, non cogit; & quidquid permittit rectè justeq; permittit, etiamsi nos permissionis ejus ratio lateat. *In Enchir. Parvul. cap: 9.*

*Item.*

**S**emper tibi displiceat malum, quod fecisti: neq; ullo modo culpam conferas in Deum, qui peccati Author nunquam est: nec in diabolum, qui te cogere non potuit, ut peccares: sed tibi soli illam imputa, qui peccato consensisti. *In Speculo Spirit. cap: 8.*

*Deum, justis, Beatis, & damnatis,  
aliter atq; aliter adest.*

**D**eus justis hominibus adest, per salutarem gratiæ suæ exhibitionem: Civibus cæli adest per claram gloriæ suæ manifestationem: damnatis adest, per congruam justitiæ suæ executionem. *In Speculo Spirit. cap: 5.*

*Deum.*

*Deus est propinquior homini,  
quàm sit sibi homo.*

**D**EUS, sive essentia Dei propin-  
quior & interior est tibi, quàm  
sis ipse sibi: & nisi ille præsentia vir-  
tuteq; suâ te conservaret, mox redi-  
gereris in nihilum: quia omnia crea-  
ta ab illo dependent & sine eo nihil  
sunt. *In Tabell. Spirit. In ratione per-  
veniendi ad amorem Dei.*

*Deus ubi erat ante orbem cõditum.*

**S**I quæris, ubinam erat Deus a-  
ntequam mundum conderet? Re-  
spondeo. Quod erat apud seipsum,  
erat in seipso: & nunc mundo con-  
dito in seipso est Deus. Ipse ergo  
Deus ubiq; est, ubiq; sine situ, ubiq;  
sine sui divisione totus est. Scit omnia;  
videt incorporeo oculo, & inscruta-  
bili cognitione: clarissimè cogno-  
scit cuncta præsentia præterita & fu-  
tura. *In Enchir. Parvul. lib. 2. cap. 9.*

## DIABOLUS.

*Turpitude & deformitas  
Diaboli.**Christus ad S. Catharinam.*

**C**um aliquando tibi in extasi  
positæ Diabolum in propria  
figura, velut in momento &  
ictu oculi demonstrassem; tu sensibus  
corporis restituta potius eligeres  
per viam ignitam usq; ad diem  
iudicii nudis pedibus incedere, quàm  
rursum illum intueri. Et tamen ad  
huc ignoras, quàm sit re ipsa horri-  
bilis, quem ita raptim vidisti. *In*  
*Monil. Spir. cap: 4.*

*Item.*

Sanctæ Birgittæ idem dixit. Si vi-  
deres Dæmonem sicuti est, non pos-  
ses viva tam horribilem visionem  
sustinere. *Ibidem ut supra.*

*Diabolus non obsidet animam  
hominis.*

**Q**uando aliquis vexatur à Spiritu  
Diabolico, non debemus existi-

Ludovici Bloſii.

81

mare ſubſtantiam Diaboli ingreſſam  
eſſe, ſubſtantiam Spiritus humani:  
ſed ipſum Spiritum malignum, ma-  
litiæ ſuæ effectum permiſſione Dei,  
in corpore humano exercere, ani-  
mamq; tartareis diverberare flagel-  
lis, inficere venenis, aut inflam-  
mare incendiis. In Enchir: Parv.  
ib: 2, cap: 12.

## ECCLÉSIA ROMANA.

*Eſt audienda.*

**Q**ui contradicit Eccleſiæ, con-  
tradicit Spiritui Sancto, con-  
tradicit Chriſto Domino, &  
alienus à Deo eſt, profanus eſt.  
Hinc Chriſtus dixit. Qui Eccleſiam  
non audierit, ſit tibi ſicut Ethnicus &  
Publicanus. In Collirio Hæret. lib. 1. c. 12

*Eccleſiæ obtemperandum.*

**D**ecretis ipſius Eccleſiæ, quam  
Spiritus Sanctus ſemper mode-

D s

ratur

ratur obtempera, ejus institutionem sicut & ipsum Evangelium sequere, etiamsi plurimos non solum ex communi plebe, sed & Præsulibus, Optimatibusq; in ea vitiis servire conspexeris. Area enim est, grana simul & paleas continens. *In Canon: vite Spir. capite 17.*

*Item.*

Catholicæ Ecclesiæ humiliter obtempera, etiamsi nonnullos Pastores, in ea vivere non rectè conspicias. Nam Dominus Jesus in Evangelio loquens de Pastoribus, malè quidem viventibus, sed bona docentibus atq; præcipientibus, ait. Quæcunq; dixerint vobis servare & facite, secundum opera verò eorum nolite facere. *In Spec: Spirit. cap: 1.*

*Ecclesia est veneranda.*

**Q**ui contemnit Ecclesiam, quæ est Corpus Christi mysticum, contemnit & caput Ecclesiæ, videlicet Christum: quemadmodum ipse verbis



verbis suis apertissimè ostendit dicens.  
Qui vos audit, me audit & qui vos  
spernit, me spernit. *Ibid: ut supra.*

*Extra Ecclesiam nulla salus.*

**F**irmissimè tene, & nullatenus du-  
bites, non solum omnes Paganos,  
sed etiam omnes Judæos, Hæreticos,  
atq; Schismaticos, qui extra Ecclesi-  
am Catholicam finiunt vitam; in ignè  
æternum ituros, qui paratus est Diabo-  
lo & Angelis ejus. *In Collyr. Heretic.*  
*libi 1. cap. 8.*

*Item.*

**Q**ui in aliquo à S. Ecclesia Cai-  
tholica dissident, eiq; contrari-  
am tenent opinionem, sive id publi-  
cè agant, sive occultè, si sic pertina-  
citer perseverare statuunt, atq; ita  
moriuntur, etiamsi cunctis moralibus  
præditi sint virtutibus, omniaq; mi-  
sericordiæ ac condolentiæ exerceant  
opera, tantaq; intellectus perspicaci-  
tate polleant, quantam simul morta-  
les omnes, qui unquam fuerint, ha-  
buere:

buere: damnantur tamen & merguntur in flammās tartareas. *In Farrag. Institutionum.*

## EUCHARISTIA,

*In Eucharistia, est verum Corpus Christi.*

**E**ucharistia non figura veri Corporis Christi, sed ipsum verum corpus est. *In Enchir. Spiritualis lib. 1. cap. 9.*

*Item.*

In Eucharistia accipimus, & in viscera nostra traicimus illam ipsam veram Carnem, quam Maria Virgo peperit, & quæ pependit in Cruce, quæq; nunc sedet ad dexteram Patris in celo: sed alio modo Christus eam exhibet in Sacramento, quàm olim, fuit in Cruce. *In Appendice Facula de Vesano errore Hæreticorum.*

*Item.*

Si verum Corpus, & verus Sanguis Christi Eucharistia non contineretur;

cūr quæso Paulus Apostolus de ea loquens, hæc terribilia verba diceret? Quicumq; manducaverit Panem, & biberit Calicem Domini indignè, reus erit Corporis & Sanguinis Domini; & rursum; qui manducat (inquit) & bibit, indignè, iudicium sibi manducat & bibit, non dijudicans Corpus Domini. *In Append. Facula de Vesano Errore Heret.*

*Item.*

Qui se Christianum dicit, & tamen renuit venerari atq; adorare Sacram Eucharistiam, in qua verissime & Divinitas & humanitas Christi adest: is ipsis Paganis atq; Ethnicis deterior est. *Ibidem ut supra.*

*In Eucharistia Speciebus totus Christus, imò & tota Trinitas per concomitantiam est.*

IN Sacramento Eucharistiæ, sub specie panis, & sub specie vini accipimus totum Christum, nempe Corpus, Animam, & Divinitatem. Christi: accipimus totam Trinitatem,  
Patrem

Patrem, & Filium & Spiritum Sanctum. Neq; enim adinvicem separari possunt tres Personæ unius Deitatis & essentix. Tota ergo Trinitas, inhabitat ipsum Corpus Christi, quia tota Divinitas in eo est. *In Institutione Spirituali. cap: 8.*

*Christus idem in Sacramento,  
qui in celo.*

**E**Cclesiæ filii firmissimè credere debent sub specie panis, corpus Christi non minùs verè esse in Eucharistia, quàm est in cælo. Credere debent ad prolationem Sactatissimorum verborum, virtute Divina, non Sacrificantis merito, panem vinumq; converti in corpus & sanguinem Christi: adesse verum Corpus Domini in altari, cum numerosa Angelorum multitudine, & tamen ipsum idem in cælo ad dexteram Patris permanere. *In Collyr Heret. lib: 2. cap: 5.*

*Item.*

Non est aliud Corpus Christi in  
cælo

cælo, atq; aliud in Sacramento: ſed  
unum omnino & idem utrobique eſt.  
*In Enchir. Parvul. ad finem. lib. 1.*

*Ad diſiſionem ſpecierum Cor-  
pus Chriſti non dividitur.*

**E**Tiamſi multis hominum millibus  
edetur Euchariftia, quilibet eorum  
corpus Dominicum, totumq; Chriſtum  
accipit. Si item unica hoſtia confe-  
crata dividatur in plures parres,  
ſub unoquoq; fragmento totus Chri-  
ſtus eſt. Et nihilominus in cælo ad  
dexteram Patris manet corpus Do-  
mini integrum, manet totus Chriſtus.  
*In Specul. Spirituali cap: 12.*

*Item.*

Quamlibet multæ habeantur ho-  
ſtiæ consecratæ, ſub qualibet earum  
integrum Corpus Chriſti ſubſiſtit:  
quemadmodum videmus eandem fa-  
ciem humanam eſſormari integram  
in pluribus objectis ſpeculis. Imò  
verò facta unius hoſtiæ consecratæ  
diſiſione, ſub ſingulis partibus ſepa-  
atis;

aris; integrum Corpus Christi consistit: veluti con fracto speculo, facies hominis in quolibet fragmento exprimitur non minus integra. quàm in toto speculo. Quando autem frangitur & dividitur hostia consecrata, huiusmodi fractio sive divisio non fit in Christi Corpore, cum jam immortale sit, suiq; sectionem nullatenus admittat: sed fit in Specie Sacramenti, nempe in figura panis. *In Enchir. Parvul. ad finem lib: 21*

*De Transubstantiatione panis in  
Corpus & vini in Sa-  
guinem Christi.*

**N**ON arbitremur Corpus Christi ad enuntiationem Divinorum illorum verborum de caelo descendere, ut in altari adsit: sed inconcussa fide credamus ad eorundem verborum debitam prolationem, virtute Divinâ, non Sacrificantis merito, panem vinumq; converti, & ( ut planius dicam ) transubstantiari in corpus

pus & Sanguinem Christi verè ibi  
præsentis, ipso nihilominus beatissi-  
mo corpore, in calo ad dexteram  
Patris manente. In *Euchir. Parvul: ad  
finem lib. 1.*

*De Eucharistia non scrutandum,  
sed credendum.*

**N**on tentes perscrutari istud,  
quomodo verum, vivum & im-  
mortale Corpus Christi sit in Sacra-  
mento Eucharistiæ? quin potius cre-  
dens nihil Deo impossibile, putam  
inviolatamq; fidem serves in his, quæ  
intellectu & ratione comprehendere  
nequis. In *Institutione Spirituali. cap: 8.*

*Item.*

Quid querimus naturæ ordinem  
in Christi Corpore, quod præter na-  
turam natum est ex Virgine. *Ad  
finem Euchir. Parvul. lib. 1.*

*Item*

Non magis licet inquirere, quomo-  
do in sacrificio Missæ, Sacerdote ver-  
ba consecrationis proferente, panis  
in.



in Corpus Christi. & vinum in Sanguinem convertatur, quàm quomodo Deus ex purissimis S. Virginis Mariæ sanguinibus, carnem sibi aperuerit. Vbi enim Deus aliquid operatur, non est quærendum, quomodo? sed indubitata fides his, quæ à Deo fiunt, adhibenda est. *In Enchir, Parv: ad finem lib: 1.*

*Eucharistia reverentèr tractanda.*

**A**nima cujusdam defuncti, cui-  
dam Dei amico in flamma ardoris immensi apparens dixit. Se ea sola de causa tam duris cruciatibus torqueri, quòd circa Dominici Corporis perceptionem, fuisset negligentior: addiditq;. Si vel semel Venerabile Sacramentum devotè pro ipsa accipere dignetur, se mox liberandam. Quòd cum ille Dei amicus fecisset, sequenti die anima eadem, sole fulgentior atq; nitentior apparuit: unica illa Sacramenti perceptione ab intollerabilibus pœnis liberata,

berata, atq; ad cælum & æternam  
beatitudinem evocata. In Menſi Spi-  
rituali cap. 6.

*Eucharistia frequenter ſumenda.*

**N**ON facilè te ſubducere debes à  
ſacra cæleſtiq; menſa, in qua Chri-  
ſtus verè ſumitur, propter tentatio-  
nes, quibus premeris: neq; conturba-  
ri, ſi ſenſibilis devotionis conſolati-  
one deſtitutus es. In Corollar. Appen-  
Document. 12.

*Utilius eſt & Deo gratius ex  
charitate ſumere, quàm ex  
humilitate abſtinere.*

**L**AUDABILE eſt interdum ex hu-  
militate ac Sancto timore, ſeu  
reverentia abſtinere à Sacramentali  
Eucharistiæ perceptione: ſed multò  
melius eſt ex charitate & Divinæ  
laudis boniq; communis deſiderio,  
ſive ex ſpeciali devotione, frequenter  
ipſam Eucharistiā ſuſcipere. In  
Menſi. Spirit: cap. 6.

*Dum.*

*Dum non licet Sacramentalitèr  
sumatur Spiritualitèr.*

**D**UM non sumis Christum Sacramentalitèr, non negligas eum sumere Spiritualitèr, præparans te & optans, ut illa in animam tuam adveniat. *In speculo Sprituali. cap: 12.*

*Item.*

Qui non sumit Christum Sacramentalitèr, potest illum sumere Spiritualiter, per sanctum desiderium, atq; ita fructum Sacramenti adipisci. *In Dictu Patrum cap: 16.*

*Cum quali devotione communicandum.*

**N**ON est necessaria magna devotio sensibilis, sed satis fuerit nullius peccati mortalis conscium esse, & Deo velle placere, & ad meliora semper niti. Casto quoq; timore & humili reverentia sic esse præditum, ut perceprione hujus Sacramenti te indignum fatearis. *In Dictu Patrum cap: 16.*

*Item.*

Item.

Quando Sacrosanctam Eucharisti-  
am suscepturus es, vide ne tremen-  
da atq; celesti mensa indignè assi-  
stas Depreme spiritum tuum, abde te  
in vallem profundæ humilitatis, con-  
fiteri te esse peccatorem : ora Domi-  
num, ut animam tuam purificare,  
suisq; meritis ac virtutibus exornare  
dignetur. In Canone vite Spirit cap: 16.

*Cum quanta puritate accedendum.*

SI quis sit Angelorum omnium na-  
turali puritate præditus, Sancto-  
rumq; omnium integritate ac Sancti-  
monia conspicuus, & mortalium  
omnium bonis operibus ornatus; nec  
sic tamen se percipere in Sacra-  
mento dignus foret. In Dictis Patrum  
De Sacra Eucharistia Christus ait.

*De auditione Missæ.*

QVoties interes divinissimo Mis-  
sæ Sacrificio, Hostiam in eo per  
Sacerdotem consecratam offer devo-

ta mente Deo Patri, in plenam expiationem & satisfactionem pro peccatis tuis: offer eam illi in odorem suavitatis & laudem æternam, pro tua omniumq; salute. *In Speculo Spirituali: cap. 12.*

*De fructibus Eucharistie sumptæ.*

**C**ORPUS Dominicum, qui cum debita devotione percipit, emundatur ab omnibus delictis: & etiam ab illis mortalibus peccatis absolvi-  
tur, quæ se nescit vel meminit admisisse, modò ita sit affectus, ut si illa se perpetrasse sciret, confiteri & penitentiam agere vellet. Efficitur item particeps, omnium bonorum illorum, quæ Christus in vita, Passione, & morte sua promeritus est: imò & omnium illorum bonorum quæ ab Adam temporibus unquam facta fuerunt, atq; ad ultimum usq; electum sent. *In institutione Spir. cap. 8.*

*Irem.*

Venerabile Sacramentum Corporis  
Domi-

ex- Domini libenter ſumendum. Nam  
 pec- ex humili, crebra devotaq; percepti-  
 orem one Euchariftiæ magis in vitæ ſan-  
 pro citate & Divina unione proficiet,  
 Spi- quàm ex quolibet alio exercitio. *Ibi-  
 dem ut ſupra.*

## F I D E S.

### *Catholica tenenda.*

**R** Etine firmitèr orthodoxam  
 fidem, credens ſine aliqua  
 hæſitatione, omnia, quæ ca-  
 nonicæ, & Sanctæ Scripturæ ab Ec-  
 cleſia receptæ complectuntur: & quæ  
 Spiritus Sanctus credenda nobis re-  
 velat, pronuntiatq; per Eccleſiam.  
*In ſpeculo Spiritual. cap: 1.*

#### *Item.*

Fidei Catholicæ per omnia innitiſ;  
 & Patrum Orthodoxorū veſtigis hu-  
 militèr inſiltere, Matrisq; Eccleſiæ  
 dogmatibus firmiſſimè adhærere: non  
 autem proprium ſenſum pertinacitèr  
 ſequi oportet. *In Canon: vitæ Spirit:  
 cap: 16*

*In*

*In sola fide Catholica salus.*

**S**ine vera fide nemo placere Deo, nec saluus esse potest, quicquid alioquin bonorum agat opetum. *In Farvag. Instit.*

*Potius moriendum, quam unicum fidei articulum abnegandum.*

**S**i in eam veneris necessitatem, ut vel ipsam orthodoxam fidem negare, vel tormenta subire, mortemq; oppetere cogaris, tu potius millies (si fieri posset) morere; quam ut aliquod impiæ abnegationis verbum aut signum edas. Nam si fidem sive Christum negaveris; negabit & Christus te coram Patre suo: nisi penitentiam agens resipueris, sicut resipuit S. Petrus, qui post trigram negationem flevit amarè. *In Specul. Spirit. cap. 1.*

*Item.*

Fides Romanæ Apostolicæq; Ecclesie, quam Deus innumeris miraculis



culis comprobavit, quæq; tot jam  
ſæculis inviolata permanſit, tam cer-  
ta atq; indubitata eſt, ut ſi millies  
mori poſſemus, toties utiq; pro illa  
retinenda ac tuenda libenter mortem  
oppetere deberemus. In Conclu. Facula.

## HÆRETICI.

*Hereticorum opera bona non  
proſunt illis ad ſalutem, niſi  
diſpoſitive, nullusq; illo-  
rum ſalvatur.*

**H**æretici atq; Schiſmatici, eti-  
aſi modeſti, benigni, Sobrii,  
& caſti admodum appareant:  
etiampi largiſſimas Elèemoſynas pau-  
peribus tribuant: etiampi aſſiduè De-  
um orent, & in precibus ſuis com-  
puncti, multas lachrymas fundant:  
etiampi vitam maximè rigidam du-  
cant, & mira opera patrent: etiampi  
corpora ſua morti promptè intrep-  
deq; obſciant. Quia tamen ſuperbi  
E ſunt,

sunt, & scripturam falsis expositionibus pervertunt, unitatem Ecclesie scindunt, veram charitatem habere non possunt. Deus eos abominatur & à regno suo, tanquam gravissimos hostes repellit: nec unquam ipsi salutem consequentur, nisi humiles obediensq; facti, subiiciant se Matri Ecclesie, ac pravas opiniones suas deponant. *In Spec. Spir. cap. 1.*

*Item.*

Hæretici ab Ecclesia præcisi, licet in virulentis libris quos edunt, non nunquam bona intermisceant, licet aliqua, quæ ex se utiliora sunt doceant: licet Elæmosynas faciant; & precibus dediti sint, licet tormenta, atq; ipsam mortem intrepide tudeant? nihil eis profunt ea omnia: quia charitatem non habent nec habere possunt: cum Ecclesie Catholice unitatem, videlicet tunicam Christi inconsutilem per nefarias sectas discindere nitantur. *In Collir. Hæret. cap. 8.*

*Item.*

Item.

Qui ab unitate Ecclesiæ Catholice, absq; ullo timore resiliunt, & ejusdem Ecclesiæ Decretis parere recusant. His nec lectio sacra, nec Eleémosynarum largitio, nec aliud quicquam, quod ex se bonum est, utilitatem aliquam adfert: & nihil faciunt, quod eis prosit ad salutem. *In Appendice Psychælogiæ in Concluf opusc.*

Item.

Firmissime tene, & nullatenus dubites, quemlibet Hæreticum vel schismaticum, in Nomine Patris, & Filii, & Spiritûs Sancti, baptisatum, si Ecclesiæ Catholice non fuerit aggregatus, quamviscunq; Eleémosynas fecerit: & si pro Christi nomine etiam sanguinem fuderit, nullatenus posse salvari. *In Collyr Hæret lib. 1. cap. 8. S. August.*

Item.

Constituamus aliquem castum continentem non avarum, non idolis servientem, hospitalem, indigentibus

E. 2

mini-

ministrantem, non cuiquam inimicum, non contentiosum, patientem quietum, sobrium frugalem, sed Hæreticum: nulli utiq; dubium est, eum propter hoc solum quod Hæreticus est, regnum Dei non possessurum. *In Collyr. Hæret. lib. 1. cap. 8.*

## INTENTIO.

*Simplex, seu recta, Quæ?*

**S**implex Intentio ea est, quæ nihil spectat nisi Deum. Ipsa virtutum omnium, finis initium, decus & ornamentum est. *In Farrag. Insit.*

*Quàm accepta sit Deo.*

**B**eata Giertrudis audivit à Domino, quod tunc eximiam illi delectationem aliquis exhibet quando ad laudem ejus cogitat, aspicit, audit loquitur, vel facit aliqua utilia. *In Monil. Spirit. cap. 2.*

*Finis*

*Finis omnium actionum nostrarum,  
solus Deus sit, necessum est.*

**C**onsuescas omnia opera tua per Sanctam intentionem ad Dei honorem referre, consuescas tam illa quæ agis quam ea quæ pateris conjungere, atq; unire operibus & doloribus Christi, per orationem sive desiderium, sic vel similiter.

Pater Sancte; ego in unione amoris prædilecti Filii tui omnes actiones meas tibi commendo, precorq; ut quidquid facio tu digneris suscipere ad æternam laudem nominis tui, & ad omnium hominum salutem. *vel brevius sic.* Domine ego ex puro tui amore, ad gloriam nominis tui æternam propono & desidero hoc agere, juxta gratam voluntatem tuam. *In Instit. Spiril. cap. 9. & In Tabell. Spir,*

*Item.*

Quæ agenda sunt, (etiam dum manducare, bibere, dormire, vel quodvis, aliquod solatium carni in-

E;

dul;

fulgere oportet) pure ad Dei honorem desideres. *In Speculo Spirituali.*  
cap: 30.

*Item.*

Quo purius intentionem tuam in Deum sine aliqua tui ipsius quaesitione direxeris, eò opera tua Deo acceptiora & maioris meriti erunt, siue sint spiritualia, siue corporalia, siue magna, siue parva. *In Tabella Spirit.*

*Item.*

Infimum opus ejus, qui ex amore Dei seu propter Deum operatur, longe maioris apud Deum momenti est, quam supremum opus illius, qui humani modis scopum non habet. Vnde & majus meritum obtinet, qui illam sanctissimam intentionem comedit, quando comedere licitum est: quam alius qui jejuna, vel corpus suum asperè castigat, aliam intentione etiam bona, nempe ut obtineat aeternas Paradisi delicias. *In Tabell: Spirit.*

*Epigui*

*Exigui actus Intentione bonâ  
facti quanta merces.*

**S**I duo homines in eodem itinere constituti elegantem flosculum invenirent; quorum alter cuperet quidem illum decerpere, sed melius deliberans, dimitteret eum propter Deum: alter vero nihil præmeditatus carperet florem: ille quidem simpliciter decerpendo, non peccaret: at ille propter Deum dimittendo ipsum florem tantum præ decerpente obtineret meritum, quanta est distantia cæli à terra. Verum tamen si is qui decerpit florem, pure ad laudem DEI decerpat? etiam ipse maximum meritum acquireret. Itidem & qui convenienter propter Deum à cibo abstinet? Deo valde placet: & qui convenienter ad honorem Dei munducat? etiam placet Deo. *In Memli Spirituæli cap. 2.*

*Item.*

*Si pietate ductus, cervicem tantum*

*E 4*

*incli-*



inclinaveris, ante Crucifixi Iesu imaginem: vel ad altare Dei Genitricis **MARIÆ** flosculos obruleris: aut pedem moveris propter charitatem? non frustraberis à spe justæ mercedis. *In Canon vite Spirit: cap: 30.*

*Item:*

Nulla actio tam modica est, quæ si ad Deum pure referatur, non multum profit animæ. Vnde etiam, qui unum flosculum propter Deum in altari reponit: vel imaginem alicuius Sancti sincerâ devotâq; devotione exornat. grandem mercedem recipiet. Sed & qui caput tantum inclinat, aut flectit genu ad honorem Dei non perdet mercedem suam. *In Speculi Spirit: cap: 5.*

*Item.*

Gratum Deo, remunerationeq; dignum esse, si quis pro honore atq; amore Dei etiam calamus è terra levaverit, aut passum unum fecerit. *In Monili Spirit: cap: 2.*

## JUSTITIA DEI.

*Æquè diligenda, ac misericor-  
dia.*

**S**icut tibi placet dulcedo Divinæ  
iustitiæ peccata dimittentis: ita  
displicere non debet pulchritudo  
Divinæ iustitiæ peccata expiantis. In  
*Enchin: Parrul: lib: 2. cap: 4-*

*Item.*

Sicut diligis Divinam misericordi-  
am, ita diligas & Divinam iustitiam:  
adeo ut paratus sis ipsa quoq; inferni  
tormenta pro peccatis tuis sustinere,  
si decor Divinæ iustitiæ id exigeret &  
Deus vellet. In *Instit: Spirit: cap: 8.*

*Item.*

DEUS sicut est summe misericors,  
ita est & summe iustus: Non est mi-  
sericors absq; iustitia, neq; iustus sine  
misericordia. Quare qui vult salvus  
esse, debet utrumq; pedem Domini  
amplecti atq; osculari; nempe pedem  
misericordiæ, & pedem iustitiæ: de-

**E s**

**bet**

bet ita considerare, in infinita Dei misericordia, ut tamen in peccatis non perseveret, sed ad Deum ex animo conversus, iuste & pie vivere studeat. In Append: desumpta ex Libris Thauler: cap: 3.

*Iustitia Divina quàm rigoroſa.*

**S**ANCTA Birgitta, aliquando audivit (Deo sic volente) Dæmones testimonium veritati perhibentes, dicentes Domino. Si creatura illa, quam maxime diligis (videlicet Virgo quæ te genuit, & nunquam offendit) peccasset mortaliter, ac sine Divina contritione mortua esset? ipsa cælum non obtinuiſſet, sed nobiscum in inferno cruciaretur, adeò sic iustitiam diligis. In Monit: Spirit: cap: 1.

*Item.*

Deus exactissimam rationem exiget temporis inutiliter expensi: omniumque levitatum, vanitatum, oblectationum, & affectuum indomitum. Non relinquet nec minimam quidem culpam impunitam, quæ in hac vita expur-

expurgata non fuerit Vnde ipſe in Evangelio dicit: De omni verbo orioſo, quod locuti fuerint homines, reddent rationem. Hinc ſoror Sanctorum Coſmæ & Damiani ſcribitur quindecim diebus in Purgatorio cruciatus ſuſtinuiſſe, propterea, quod cum voluprate ſemel ſpectaſſet quosdam in platea tripudiantes, Beatus quoq; Severinus, legitur ipſas Purgatorii pœnas defunctus ſenſiſſe, eo, quod diſverſis negotijs in aula Principis præpeditus, preces horarias negligentius ſæpius perſolviſſet. In Append: cap. 3.

*Juſtitia Dei ſe committere, quam ſi meritorium homini viatori.*

**S**I quis eo pertingere poſſet, ut Dei ſerga ſe juſtitiam perinde ut miſericordiam exoſcularetur ac diligeret & iſis revera peccatorum ſuorum omnium, atq; etiam pœnarum illis debitarum, tam facile plenam obtineret veniam, quam facile una aquæ guttula in ardenti fornace conſumitur. Multo enim

tò enim melius est Divinæ se permit-  
tere vel resignare justitiæ, quàm mise-  
ricordiæ: eo quod major in illo sita-  
sit mortificatio. *In Farrag: Instit.*

## J U S T U S.

*Iustus plus debet Deo, quam  
Peccator?*

**M**AJUS beneficium est, à vulne-  
ribus permanere illæsum,  
quàm ab inflictis vulneribus  
sanari: itemq; præclarius est, & ma-  
jori dignum gratiarum actione, serva-  
ri à peccatis; quàm de admissis conse-  
qui veniam. *In Dictu Patrum cap: 14.*

*Iustos, permittit tentari DEVS.*

**D**EUS salutem Electorum suorum,  
sæpè promovere solet ex his, quæ  
ipsis omnino contraria saluti suæ esse  
arbitrantur: unde & tentationes sæ-  
das, horrèdas, atq; infernales, eis non-  
nunquam accidere permittit. In tali-  
bus

bus se resignet Domino manens intus  
apud se. *In Instit: spirit: cap: 8.*

*Iusti quoq; & Electi habent navos  
suos.*

**P**lerumq; & in Electissimis suis a-  
micis aliquid semper vitij Deus re-  
sistere permittit: & ut plurimum ad  
iram & vehementiam proniores sint,  
qui & sibi innotescant, & alijs, atq;  
per hoc gratia sua quam illis iofudit,  
velut ignis sub cineribus oeculterur  
& conservetur. Ut ergo nihilum su-  
um penitus agnoscant, Deo permittē-  
te defectus quosdam incurrunt, veluti  
est indignationis motus, aut durioris  
asperiorisq; verbi subito prolatio. *In  
Consol: Pujill: Thaulerus.*

*Item.*

Solet Dominus permittere, ut in ple-  
risq; suis Electis sibi charissimis, sēper  
aliquid vitij, atq; imperfectionis resi-  
deat: quo sibi ipsi vilescant, & humi-  
les permaneant, *In Spec: spir: cap: 7.*

**MA-**

## M A R I A.

*Est clauicularia Regni celestis.*

**S**I MARIAM ex corde invocaveris, si ad illam humiliter & confidenter te converteris? ipsa introitum regni, quem tua iniquitas, justitiaq; Divina tibi forte occludebat, aperiet. Mater enim misericordiae & porta paradisi est. *In Canon: Vita Spiritualis cap: 36.*

*Nullum peccatorem repellit.*

**D**EUS Pater Virgini Catharinæ dixit: MARIÆ Vnigeniti Filij mei gloriolæ genitrici, à bonitate mea concessum esse propter Verbi Incarnati reverentiam, ut quicumq; etiam peccator, ad eam cum devota veneratione recurrit: nullo modo diripiatur à Dæmone infernali. Hæc enim est à me Electa, parata & posita tanquam esca dulcissima ad capiendos homines, & præcipuè animas peccatorum. *In Monib: Spiritu: cap: 1.*

*Item.*



Item

Nullum tam execrabilem orbis habet, quem B. V. MARIA abominetur, & à ſe repellat, quemq; dilectiſſimo Nato ſuo? (modo ſuam precetur opẽ) non poſſit ſciat, & velit reconciliare. In Diſtis Patrum cap. 5.

Item.

*Virgo MARIA S. Birgitta dixit.*

**Q**uantumcunq; homo peccet, ſi toto corde cum vera emendatione & charitate ad me confugerit? ſtatim parata ſum recipere venientem. Non attendo quantum quis peccaverit, ſed quali intentione ac voluntate redit ad me. Nam peccator quamlibet vilis, & ſordidus, non dedignor plagas ejus tangere, ungere, & ſalvare, quia vocor & vere ſum Mater miſericordiae. In Menil Spirit: cap. 1.

Item.

Quam diu tempus gratiae agitur, nequit benigniſſimos oculos ſuos à mileris & pœnitentibus peccatoribus, ipſam invocantibus avertere. Continuas

tinuas enim pro eis fundit preces, ut germana Soror, Materq; fidissima, curam salutis eorum gerit. In Dicti Patrū cap: 5.

*Non perit, qui MARIAM colit.*

**F**ieri non potest, ut pereat; qui MARIÆ sedulus & humilis cultor est. In Canon: Vite Spirit: cap: 18.

*MARIA est spes unica desperantium.*

**S**i criminum immanitate turbaris, conscientiae fæditate confusus, iudicii horrore perterritus, barathro incipias absorberi tristitiæ, & desperationis abyssu? cogita MARIAM, non recedat ab ore, non recedat à corde. In Consol: Pusill. S. Bernardus.

*Item.*

Quo quisq; se sentit pluribus peccatis ireritum, tanto justius sibi videatur ad MARIAM accedere: & quantum est sceleratior, tantò majori jure ad MARIAM properare se putet. In Consol: Pusill. sub.

*Vnica*

*Unica Salutatio Angelica Maria,  
quandoq; præstat toto psalterio.*

**S**I vel unicam Salutationem Angeli-  
scam, cum tui ipsius abnegatione,  
ad perpetuam Dei laudem protuleris:  
ea, & Deo gratior, & tibi utilior erit;  
quàm si totum Psalteriũ sæpius ex pro-  
pria volũtate legeres. *In Spec: Spir: c 5*

*Devota recitatio Rosarij Maria, ve-  
niã grãtiam, & gloriam meretur.*

**C**VIDAM Carthusiano apud Trive-  
rim revelatum fuit Quod quoti-  
es quis piẽ & Sãctẽ recitat Rosarium  
gloriosæ Virgini MARIE, cum articu-  
lis Vitæ & Passionis Christi: toties  
plenam peccatorum suorum veniam;  
simulq; eximiam gratiam & eximium  
meritorum cumulum consequitur. *In  
Scriniolo Spirituali.*

*Precibus MARIE qualibet hora, mi-  
tigantur pœna Purgatori.*

**E**GO sum Mater DEI, & Mater  
omnium qui sunt in Purgatorio:  
quia

quia omnes panæ, quæ debentur purgandis pro peccatis eorum per preces meas qualibet hora aliquo modo mitigantur. Mater sum omnium iustorum, & etiam omnium peccatorum, emendare se volentium, quos defendere, & ab omni periculo salutis eripere non cesso. *B. V. M. ad S. Birgittam dixit, in Monil. Spirit: cap: 131.*

## MISERICORDIA D. E. I.

*Immensa.*

**D**um quisq; peccator à vitijs resurgens & ab eis integrè se avertens, Deo perpetuo servire, eiq; soli vivere statuit: adco se illi benignum æterna illa, ac immensa bonitas exhibet, ac si nunquam in peccata illa corruisset. Omnia namq; peccata illi perfectè remittit, nec unquam illi ea imputabit, etiamsi tot essent, quot omnes simul homines commiserunt.

runt. Si tamen ex animo doleat purè  
ad gloriam Dei : & ideo potiſſimum  
ſuæ iniquitates diſpliceant , quod eas  
Deo diſplicere intelligit. *In Diſſis Patrū*  
*cap: 14.*

*Item.*

Si quadraginta annis in peccatis  
vixiſſem & jam tempus reſolutionis  
meæ inſtaret : ſi peccata purè confeſ-  
ſus eſſem , meq; ipſum cum perfecto  
amore , ita ex fundo cordis mei , ſal-  
tīm unius Salutationis Angelicæ ſpa-  
tio in DEUM recipere & convertere  
poſſem , ut totus ad ipſum converſus,  
& ab omni peccato averſus eſſem :  
tunc planè purus & innocens homo  
ex hac luce migrarem. *In Conſol: Pu-  
ſill: Thaul: rna.*

*Item.*

Si centum annis ad ultimum uſque  
vitæ ſpatium in mortalibus peccatis  
vixiſſes ; & ob illa ex Divina juſticia  
damnationi addiſtus eſſes atq; in ipſo  
vitæ termino à peccatis averſus per  
confeſſionem , contritionem & pœni-  
centium

tentiam redires ad Deum; ejusq; gratiam tibi reconciliares: jam sententia illa & judicium damnationis mutaretur: & ipse ad sempiternam beatitudinem, revocareris. Vnde præscientia Dei est immutabilis; sed sententia & judicium in Deo est mutabile; si mutatus quoq; fuerit homo peccator per penitentiam. *Quidam amicus Dei. In Consol. Pussl. De immenso Dei amore erga homines.*

## Item.

Deus Benignissimus, tam in exhaustus fons est, prorsusq; immensæ misericordiæ, ac naturalis bonitatis, ut nunquam ulla, quamlibet fidelissima Mater proprio Filio suo, quem sub corde suo gestaverit, tam desideranter ac libenter, in medijs flammis iacenti manum porrigeret adjutricem; sicut Deus homini contrito; etiamsi possibile foret, cum omnia totius mundi peccata, vel millenis vicibus quotidie perpetrasset. *Henricus Suso, In Consol. Pussl,*

Item.

*Item.*

Quotiescunq; peccator à vitijs cul-  
pisq; se integre avertens mihi perpe-  
tuo servire, & me diligere, mihiq; so-  
li vivere, statuit: adeò me illi beni-  
gnum exhibeo, ac si nunquam me of-  
fendisset. Omnia enim peccata illi  
remitto, etiamsi tot essent, quot o-  
mnes simul homines commiserunt; si  
tamen ex animo doleat purè ad glori-  
am Dei, & ob id potissimum displice-  
ant illi suæ iniquitates, quod mihi eas  
displicere intelligit. *In Append: Explicit:  
Passionis Dñi. In persona Christi Author  
ait.*

*Item.*

Non sit peccatum oculis tuis adeò  
magnum, ut spem veniæ adimat: non  
videatur adeò numerosum, ut meam  
misericordiam possit superare. Nihil  
interest apud me, utrum à multis, an  
à paucis peccatis te liberem. Et ma-  
gnus, & parvus peccator, æque egent  
misericordia mea, quæ inexhaustibilis  
omnibus fluit, & abundat. Non po-  
stet misericordiam meam, vincere  
malitia



malitia tua, Quanto plura habes peccata, tanto ego libentius ignosco penitenti. Eo enim magis elucet gloria mea, quo majori peccatori erogo misericordiam meam. *In Consol: Pusill. In interna allocutione Christi ad animam peccatricem. Ioan: Lansbergius Caribusi-*

*Quàm promptus ad miserendum*  
*D E V S.*

**C**ERTISSIMA indubitataq; fide tenendum si totus mundus esset globus igneus, & in medium ejus fasciculus lini mitteretur: hic ex sua naturali inclinatione, non tam cito flammarum reciperet incendium, quam recipit abyssus DEI miserationum peccatorē penitentē & converti volentem. Quia in illa actione naturali requiritur aliqua morula, licet minima ac fortassè imperceptibilis: hic vero nulla penitus mora inter penitentem & remittentem: inter gementem & gemitum exaudientem intervenit, *In Consol: Pusill. In Interna allocutione Christi,* Item.

Item

*In persona Chriſti idem Author ait.*

**Q**uando poſt lapſum humiliter & confidenter me invocas, tam repente mundaris, quàm repente purgatus eſt leproſus ille, cui dicenti. Domine ſi vis potes me mundare: reſpondit, volo, mundare. *In Appendice Explicationis Paſſionis Dominice.*

Item.

Non tam parati ad peccandum eſſe poſſumus, quam ipſe Deus paratus eſt ad miſerendum, ſi modo longanimitate ejus non fuerimus abuſi: id eſt, ſi verè & tempeſtivè pœnitere voluerimus. *In Specul: Monachorum.*

Item:

Nullus ambigere debet cuncta peccata ejus qui cum vera Divinaq; contritione, & ſancta ſpe amantèr ad Deum ſe ſe convertit, atq; erigit citius immenſæ bonitatis illius abyſſo abſorberi & conſumi quàm poſſet oculus aperiri vel claudi. *In Farrag: Inſit.*

MORS.

## M O R S.

*Mors bona, vitam bonam sequitur.*

**B**Onam ac iustam vitam non sequitur mala mors, sed pretiosa est in conspectu DEI: quocumque etiam modo vitam hanc finiunt, sive in aquis, sive in igne, sive in loco moriantur, *In Consol. Pusill. In alloc. Christi ad animam penitentem.*

*Moribundos Damon ad desperationem impellit.*

**S**Olet etiam Diabolus, cum qui in mortis angustiis constitutus vehementer impellere ad desperationem: sed immensa Dei bonitati ac misericordiae humiliter firmiterque confidere oportet. Deus enim Omnipotens, ac salutis nostrae sitientissimus, cor contritum & humiliatum nunquam despicit. *In Dictu Patrum cap: 22 Ioannes Thauler,*

*Mori-*

*Moribundus non diſputet cum Da-*

*moni.*

**H**Oſti tartareo dubia proponenti, reſpondere, & cum eo diſceptare noli. In illa enim extrema hora, ipſe Damon totis viribus integritatem fidei labefactare quærit: cui quiſquis locum præbet, magnum ſalutis ſuæ diſcrimen incurrit. *Ibid: ut ſupra.*

*Moribundus quomodo debeat reſiſtere Dæmoni.*

**V**T abſq; periculo prætervoles Diaboli laqueos, & feliciter effugas ejus infidias, quibus nonnunquam migrantes affligere ſolet: interim dum adhuc compos es, ſenſuum tuorum, pores lingua, vel etiam mente conteſtari, & ex animo ignoſcere omnibus qui tibi aliquando moleſti fuerunt. & cupere in ea fide vitam hanc finire. in qua convenit obedientem Sanctæ Matris Eccleſiæ Filium mori; te credere univerſa, quæ à veris orthodoxiſque Chriſtifiſdelibus credenda ſunt. Et ſi

**F**

quid

quid vel impugnatione diaboli, vel violentia morbi huic proposito contrarium forte cogitares, loquereris, aut faceres? te nullo pacto assentiri tali absurditati. Hâc protestatione factâ, deinceps omnis impietatis susurria, quæ Diabolus obgannierit contemne & irride: imò verò nec animadvertas ea quidem, si fieri potest. In *Ca: non: Vita Spiritual: cap: 36.*

*Moribundus, non confidat suis meritis.*

**M**Oriturus non innitatur bonis operibus, quæ se fecisse meminit: sed sanctâ constantiq; fiduciâ in dignissima Salvatoris nostri merita, profundissimumq; immensæ misericordiæ ejus pelagus se se cum universis peccatis ac negligentijs suis immerget, & in illius Sacrosancta Vulnere, inclinabit atq; domittet. Orabit eum ut pretioso sanguine, quem fudit, pauperem ac nudam animam ejus omni culparum sordibus abluat, Sanctusq; virtutibus ac meritis

meritis suis vestire atq; exornare dignetur. In *Dictis Patrum* cap: 20.

*Quo mortis genere moriendum, non curandum.*

**D**E conditione ac genere mortis nihil hæreas, nullum est genus mortis, quod nocere possit iusto. Iustus enim quacunq; fuerit præoccupatus morte, in refrigerio erit. Nihil itaq; sollicitus sis, utrum domi an foris, in lecto an in agro moriaris: nec cum formidine pertractes utrum violenta an naturalis erit mors tua. Ut autem benè ac feliciter moriaris, stude sobriè, iustè ac piè vivere. In *Consol: Pasilan: ad finem.*

*Peccator moriens nec paritens, æternaliter perit, exigente id Dei Iustitia.*

**S**I peccator qui criminibus sceleribusq; suis injuriam Deo intulit, veram contritionem & penitentiam, antequàm anima ejus separaretur à corpore

non habuerit? exigente Divinâ iustitiâ  
in æternum peribit. In *Monit. Spiritual:*  
*cap: 1.*

*Moribūdus non angatur nimīū quid  
cum ipso post mortem fiet.*

**S**I forte angit te pavor, propterea  
quod ignores, quomodo te migran-  
tem excepturus sit Deus, utrum ad æ-  
ternam Paradisi requiem, an ad tran-  
sitoriam Purgatorii pœnam? non est  
necesse te aliquid horum scire. Ista  
certitudo tibi sufficiat, quod habebas.  
Dominum piissimum, qui peccata mi-  
sericorditèr delet, qui bonam volun-  
tatem tribuit, qui & potest, & vult sal-  
vare, si humiliatus confidas in eo, non  
in te, In *Canone Vitæ Spirit: cap: 36:*

*In mortis agone quid agendum.*

**M**ORITURUS quisq; meritis Salvatoris  
suis innitatur. In illius bonitate, &  
in precibus, B. V. MARIE, ac Sancto-  
rum Electorum q; DEI satis confidat.  
CHRISTI amarissimam Passionem mor-  
temq;



temq; ſibi proponat, & ineffabilem illam charitatem, quæ cum tam indigna ſuſtinere cõégit, memoria repetat: atq; in patentia vulnera, & in profundiffimum pelagus immenſæ miſericordiæ ejus, ſe ſe cum univerſis peccatis atq; negligentijs ſuis demittat immergarq;. *In Conſol. Puſill: de bona & felici morte.*

*Item.*

Is qui morri jam vicinus eſt. Paſſionem amariffimam, mortemq; piſſimã Domini Ieſu, & indicibilem ipſius charitatem, quæ cum pati & mori cõégit devotè recolet, ſibiq; ante mentis oculos proponat: atq; ita ſpiritum, animam, & corpus ſuum curabit pro modulo ſuo unire cum ferventi Spiritu, afflcta anima, ſanctioq; corpore ipſius Chriſti. *In D'ctu Patrum cap: 24.*

*Item.*

Moriturus quisque retineat firmitèr Catholicam fidem, & ſanctè ſuſcipiat Sacramenta Eccleſiæ: ſi commodè obtinere poteſt, ac meritis Ieſu Chriſti, magis quàm ſuis innitatur. *In preci-*

*F 3*

*bus*

bus & pietate B. V. **MARIÆ**, aliorumq;  
Sanctorum confidat, Crucifixi **IESU**  
Imaginem sibi ante oculos statuat, &  
ineffabilem illam charitatem, quā **DEUS**  
noster pati, mori; voluit memoriā re-  
petat, atq; ita se totum in cruenta ejus  
vulnera demittat, & reclinet: obse-  
rans eum ut in eisdem Sacris Vulne-  
ribus omnia suā peccata delere digne-  
tur. *In Monil: Spirid: cap: 11.*

## Consolatio Moribun- dorum.

*Quibus ponitur Modus bene morien-  
di, ex hætenus dictis.*

**V**Num est, quod multos expertos  
in morte perterrere solet, eisdq;  
mortem adfert acerbam & anxiam:  
id videlicet. Quod dum præteritos  
annos, dissolutamq; & malè tractam  
vitam reducant ob oculos, grādiq; se  
debito obligatos Deo sentiunt: neq; in  
illa hora satis perspiciunt, quid ad id  
facere debeant. Sed hac in parte cer-  
tum.

tum tibi præstabo consilium ex Divinis literis & ipsa veritate petitum.

Si tu quidem in diebus tuis perperam te vixisse nosti; sicut pauci immunes à vitijs vivunt? inde non nimium in extrema hora terreri debes. Postquam Sacramentis munitus es, ( si ea commodè possis obtinere ) Crucifixi Imaginem tibi ob oculos statuas, eamque intuearis & tuo apprimas pectori, atq; in sanguinolenta immensæ misericordiae ejus vulnera te reclina: obsecrans eum, ut in ipsis cruentis vulneribus suis, Divinæ Virrute suâ, omnia peccata tuâ abluat, pro sui laude, & tua indigentia vel necessitate. Ac deinde fide mea securus esto ( juxta Ecclesiæ Catholicæ fidem, quæ nulla ratione fallere potest ) Si id firmiter ita possis agere? te à cunctis vitijs penitus absolutum esse, & hilariter mortem posse oppetere. Poteris vero sic vel similiter orare.

**B**enignissime Domine IESV CHRISTE, ecce jam tempus resolutionis.

meæ instat: ecce jam separabitur anima mea à corpore, & ratio totius vitæ meæ, tibi iustissimo Iudici reddēda erit. Non te latet. dulcissime Iesu: multiplicatas esse iniquitates meas, super arenam mæris: vides à planta pedis, usq; ad verticem capitis non esse sanitatem in me, & nisi gratia tua adjuvaret me, crescerent quotidie delicta mea, usq; ad cælum. Quomodo ergo comparebo ante conspectum Divinæ Majestatis tuæ? quæ mea mecum portabo merita? quibus me defendam medijs ante Tribunal tuum? O Iuste Iudex ultionis? Alij quidem Domine Iesu consolabuntur se se vitæ suæ innocentia; Alij magnis exercitijs & aspera vivēdi ratione; Alij atq; alij, alijs, & alijs studijs suis & meritis innitentur. Sed hæc omnia in me nulla sunt: Verum scio quid faciam misericordissime Deus: totam spem & consolationem meam in tua Passione, in tua satisfactione & expiatione, in tuis meritis collocando, & repositam habendo: totum me & animam  
meam

meam in sanguinolenta misericordiae  
tuae vulnera reclino : obsecrans ut in  
ipsis cruentis vulneribus tuis, Divina  
virtute tua omnia peccata mea abluas  
pro tui laude & mea indigentia ac ne-  
cessitate. Equis desperet misericordis-  
sime Deus, quamvis peccator scelestis-  
simus, cum pro ijs tibi Domino meo  
misericordissimo, tua inquam verbera,  
opprobria vulnera, & tormenta offerat.  
Cum Magdalena itaq; ingemisco, &  
tundo pectus meum cum Publicano, ne  
repellas me ad tuos pedes prostratum.  
Permitte Domine IESU CHRISTE, ut  
meae lachrymae misceantur tuo Sangu-  
ini, & misereberis. Exue personam lu-  
dicis, & indue Patris. Sitq; permissum  
tibi Domine ex me, ut me, vel brevi,  
vel post longa annorum curricula, tollas  
e medio : etiam si hac hora discedendū  
esset de corpore, atq; in tui vergeret  
lāndem, ut annis quinquaginta flam-  
mis Purgatorij cruciarer : illico me in  
tui venerationem, sub pedes tuos abij-  
cerem, animoq; libenti in honorem tui,

penas illas exciperem diceremque. Benedictus ignis ille expiatorius in quo tui laus in me perficitur. Henricus Suso admonens quendam amicum, ut parato animo excipiat mortem.

*Hac etiam verba, auribus morientium ingesta multum profunt.*

**D**omine Deus, ego sum miser ille quem tu pro Paterna bonitate tua creasti, & per ignominiosissimam mortem Unigeniti tui de potestate inimici redemisti. Tu solus imperium & Dominium in me habes, meq; salvare potes secundum immensam misericordiam tuam.

Ipse Deus amici suis revelare dignatus est predictas orationes fidelibus morientibus recitatas, vel ab ipsis pie prolatas cogitatasve, mira virtutis esse: adeo ut quilibet fidei Catholica cultor perire nequeat, si in extremis constitutus, vero integroq; corde illas humiliter proferre, aut apud s. revolvere potuerit. *Blossius in Appendice desumpta ex lib: Ioannis Thauleri cap: 30.*

## OBEDIENTIA.

*Est virtus Deo gratissima, homini utilissima.*

**O**bedientia, tanta virtus est, ut vel minimum aliquod opus ex ea factum, quaecumq; illud fuerit, multo melius Deoq; acceptius sit quolibet alio opere, quamlibet etiam magno, quod sine obedientia peragitur, sive sit Missæ auditio, sive lectio, sive oratio. sive contemplatio, seu quodlibet bonum opus quod excogitari possit. *In Apologia pro Thaulero cap: 6.*

*Item.*

Tanta virtus est obedientiæ, ut Patres asserunt, majus esse meritum ejus, qui libenter quidem ad honorem Dei jejunaret: sed ex præcepto Superioris, vel ex sacræ Religionis constitutione, etiã carnes sobriè continenterq; manducat; quàm sit meritum illius, qui pane & aqua contentus jejunat ex propria devotione, *In Instit: Spirit: cap: 8.*

*Est*



*Est via quâ itur ad calum.*

**O**bedientia, quâ homo bonæ voluntatis se submittit, & non vult ex seipso vivere, sed cuncta opera & negotia sua (maximè ea quæ ardua sunt) peragit ex salubri sanctoq; consilio alicujus Spiritualis atq; illuminari confessoris: via ad cælum tutissima est, quâ facillimè retia Diaboli evaduntur. Qui vero non habet aliquem hominem idoneum cui in omnibus obediat, & ex consilio opera sua peragat? paratam, nihilominus retineat voluntatem obediendi si talem haberet. *In Menil: Spiritus: cap: 7.*

*Obedientia prompta, Christum infantem, in aetatem virilem, brevi excrefcere fecit.*

**V**irgo quadam in monasterio degens & Divino amore flagrans, quum aliquando immenso dulcissimi Sponsi sui Iesu Christi desiderio teneretur sic illum ex toto corde suo alloquuta est: *O Vnice Fili Dei amabilis redem-*

Redemptor animæ meæ, utinam vel ad momentum te in hac vita cernere poſſim. Ad quæ verba mox adſtitit illi ipſe Dominus noſter Ieſus Chriſtus in forma cuiuſdam pueruli. Contigit, verò ut una ex Sororibus congregationis januam cellæ illius devotæ Virginis pulſaret, eamque cum feſtinatione ad commune aliquod opus ex obedientia faciendum accerſiret. Audiens Virgo Sancta juffionem obedientiæ, puerulo Ieſu ait: En dulciſſime Domine Ieſu Chriſte pro explenda obedientiâ ab eo: tu interim me hic expecta obſecro, ſi tibi placet, donec ad te redire liceat. His dictis, è cella exijt: & quod facere juſſa erat, animo voluntario hilariq; vultu peregit: Deinde magna cum celeritate ad cellam reverſa: quam quum aperiret, mira quædam & radiantiffima lux oculis ſe ejus ingeſſit, adeò ut vix eam ſuſtinere poſſet. Vidit igitur amantiſſimum Dominum ſuum in perfecta ætate tanquam elegantiffimū juvenem viginti & quatuor annorum adſtantem,

stantem. Vnde ipsa maximo gaudio repleta, ita eum affatur. O dilecte mi IESU, quomodo tam grandis, tantillo tempore factus es, qui tam pusillus apparebas; quum à te recederē? Dic obsecro, dic unica spes mea, quid id factum sit. Cui pius ac dulcis IESUS respondit: O filia charissima, profunda velocis atq; impigræ obedientiæ tuæ humilitas, me tam brevi tempore tam grandem effecit. Semper ergo mei amore libenter obedi, si mihi continuè sine medio optas uniri. Post quæ verba Dominus disparuit. *In Apologia pro Thaulero cap: 6.*

*Majoris meriti est, vilia opera ex obedientia facere, quàm heroica ex propria voluntate.*

**O**Pus minimum ex vera obedientia factum, magis Deo placet, quàm grande opus ex propria voluntate peractum. Vnde melius est ex simplici obedientia, urticas & zizania extirpare, quàm ex propria voluntate sublimi  
rerum

rerum caelestium contemplationi operam dare. *In Tabella Spirituali.*

*Item.*

Malis folia, & quisquillas arborum per obedientiam colligere, quam secundum propriam voluntatem, magnis operibus, sublimibusq; exercitijs insistere. *In Instr: Spirit. cap: 8.*

*Item.*

Melius est sobriè & continenter ad gloriam Dei ex obedientia manducare, quàm rigidam antiquorum patrum abstinentiam ex propria voluntate sectari. Quidquid purè per obedientiam fit, quantumvis vile & abjectum esse videatur, Deus magni facit & eximia mercede remunerat. Nullum opus Deo placere potest, cui inobedientia conjuncta est. *In brevi regula Tyranni Spiritualis.*

*Item.*

Beata Virgo MARIA dixit ad S. Birgietam. Sint duo homines, alter sub obedientia; alter libertate sua vivat. Si is qui liber est piè jejunet: simpli-

cem habet mercedem. Si verò ille qui vivit sub obedientia non jejunet? sed continenter comedit etiam carnes secundum constitutionem Regulæ suæ: magis tamen cuperet jejunare, nisi obedientia obssisteret? consequitur duplicem mercedem, unam videlicet propter obedientiam, alteram propter desiderij voluntatisq; propriæ abnegationem. *In Monil: spiri: cap: 7.*

*Verus obediens, Quis?*

**V**erus obediens est, qui non solum Majoribus, sed & sibi equalibus, atq; etiam minoribus alacriter in his quæ licita sunt obtemperat. Non discutit apud se, quam juvenis, aut imperfectus sit superior, qui jubet: non judicat frivolum, vel inutile esse, quod præcipit: sed audito ejus mandato, mox omnibus alijs, quæ tunc intermitteri possant intermissis, animo paratissimo jussa exequitur: non tanquam homini, sed tanquam Deo obedientiam impendens, & propter Deum etiam prævidentem minus recte viventem

ventem reverentèr honorans, sincerūq;  
ac dulcem affectum, & benevolum a-  
nimum, erga eum gerens : memor ver-  
borum illorum Domini Iesu Qui vos  
audit me audit, & qui vos spernit, me  
spernit. *Luce 10: In Enchir: Parvul: lib: 1*  
*In Apend: Documenti 5:*

*In Obedientia Oratio servandus.*

**O** Bedi Deo. obedi Ecclesiæ Catholi-  
cæ, obedi his, qui vices Dei gerūt;  
obedi Antistitib9 tuis, eosq; reverere, e-  
tiam si minus recte vivere videantur.  
Nam si his non obedis? Deo non obe-  
dis. Ipse enim dicit. Qui vos audit,  
me audit, qui vos spernit, me spernit.  
*In Canon Vitæ Spiritua'is, cap: 27.*

*Item.*

Qui Præpositis suis rebellis est, & ob-  
temperare non vult, Divinam gratiam  
à se excludit, nullaq; ratione Deo place-  
re potest. quamdiu talis est. *In Tabell.*  
*Spirituali:*

*Inobediens est inimicissimus Deo.*

**Q**ui obedire non vult in his, in qui-  
bus obedire debet; & audax, fe-  
rox,

rox, atq; contumax est in Præpositos suos: is inimicissimus Deo est. *In Speculi Spirit: cap: 2.*

*Est quoq; Diabolo similis.*

**Q**ui Prælati suis amarulenter obmurmurat, & contradicit, superbèq; resistit? Diabolus veriùs quàm homo nuncupari potest. *In Dictu Patrù cap: 8.*

*Inobediens gravitèr punitur in futuro sæculo.*

**Q**uædam eximie Sanctitatis Virgo, videns in spiritu animam cuiusdã Monachi pœnis Purgatorijs gravitèr torqueri, qui tamen satis probè vixisse putabatur, interrogavit Deum, quam ob causam illa anima non esset in cælo. Cui Dominus in hunc modum respondit. Ille Monachus voluntati Abbatis & Præpositi sui in omnibus bonis humiliter consentire atq; obtemperare noluit: displicuit enim ei quidquid Abbas faceret, existimans se sapientior illo esse & melius quolibet posse agere. *In Speculi Spirit: cap: 2.*



## OPLIS BONUM.

*Quàm gratum Deo.*

**Q**ui prudentèr propter DEUM, continet ſe, nec id quod neceſſarium, vel utile non eſt aſpiciat. audiat, odoretur, guſtet, loquatur, tangat, quiq; propriæ voluntati aut ſenſualitati etiam in rebus minimis, cum diſcretione reluctatur, rem Deo magis gratam facit; quàm ſi multos mortuos ad vitam reuocaret. *Chriſtus ad S. Birgit: dixit. In Menil Spir: cap: 2.*

*A Deo inhoandum.*

**Q**uando vis quidquã aggredi, erige cor tuum ad Dominum, & pete auxilium ab eo, illumq; invoca: ſciens te neq; agere, neq; dicere quidquam poſſe, quod ei ſit acceptum; niſi ipſe gratiã ſuã te adjuvet. *In Spec: Spir: cap: 5.*

*Opera noſtra operibus Chriſti uni.**enda.*

**S**I tu bona opera tua quæ ex ſe nimis imperfecta ſunt, Sanctus inferueris, atq;

atq; uniuersis operibus Christi effici-  
entur nobilissima quemadmodum gut-  
tula aquæ missa in vinum, nobilem vini  
colorem ac saporem accipit. Idem,  
si ea quæ te gravant, tibiq; molesta sunt  
univeris Passioni, seu doloribus Domi-  
ni Iesu, erunt maximi meriti, ac digni-  
tatis. *In Dictis Patrum, cap: 21.*

*Opera bona. unico respectu Dei  
facienda.*

**Q**Vando meru pænæ aut amore vir-  
tutis gloriæq; regni cælestis move-  
mur ad agendum, boni quidpiam: Bo-  
num quidem hoc est, non tamen est  
perfectum. Certè cum voluntas DEI  
infinite præstantior sit, quam nostra:  
par est, ut illa magis nos moveat, quam  
nostra propria. *In Append. Tabell Spirit.*

*Item.*

Faciamus quælibet opera nostra pu-  
re propter Deum, seu propter infinitam  
ejus bonitatem, quæ nos compellit, ut  
ipsum amemus, eiq; seruiamus potius,  
quam propter nos utilitatemve nostrâ.  
Nam illud excellit illud longè magis,  
quam

quam Sol omni ſuo ſplendore excedat,  
 tenuiſſimum lumen exiguae candelæ.  
 Et eam ob rem inſimum opus ejus, qui  
 ex amore Dei, ſeu propter Deum ope-  
 ratur? longè majoris apud Deum mo-  
 menti eſt, quam ſupremum Opus illius,  
 qui huiusmodi ſcopum non habet.  
 Unde & majus meritum obtinet, qui  
 illa Sanctiſſima intentione comedit,  
 quando comedere licitum eſt; quam  
 alius qui jejunat, vel corpus ſuum aſpe-  
 rè caſtigat, alia intentione etiam bonâ.  
 nempe ut obtineat æternas paradifi de-  
 licias. Iſte ſcopus iſtum non minus,  
 imò multò amplius ſuperat dignitate,  
 quam totus mundus, unam avellanam  
 magnitudine. *In Append: Tabellæ Spirit:*

*Imperfecta quomodo perficienda.*

**O**pera atque exercitia tua divino  
 cordi Chriſti emendanda perfici-  
 endaq; commendes; & illa Domino Je-  
 ſu aut Deo Patri offeras in laudem æ-  
 ternam, ad ſalutem totius Eccleſiæ, in  
 unione Sanctiſſimorū operum & exer-  
 citiorum ipſius Jeſu Chriſti. Si enim

hoc

hoc feceris, ipsa eadem opera & exercitia tua, quæ ex se vilia atq; imperfecta sunt, nobilissima Deoq; acceptissima erunt. *In Breui Regula.*

*Item.*

Commenda operâ & exercitia tua Sanctissimo atq; mellissi o cordi IESU Christi emendanda. perficiendaque. Maximè enim id expetit cor illud amantissimum, & semper paratum est imperfecta tua excellentissimo modo perficere. *In Speculo Spiritualis, cap: 7.*

*Opus bonum, nullum irremunerabile, nec malum impunibile.*

**I**N veritate certum est. nullum quantumlibet exiguum bonum in homine carere remuneratione. Nec ullam quantumvis parvam culpam esse, quæ non purgari debeat, ante, vel post mortem.

*Etiâ externa grata Deo.*

**F**requens & pura oratio, plurimum quidem ornat animam ejus, cui vacat crebrò orare, attamen etiâ opera externa propter Deum rite peracta, magnum

magnum decorem inferunt animæ fide-  
li. In Moni: Spirit: cap: 5.

*Discrete nihilominus operanda.*

**I**ejunare, orare, viſitare loca Sancta,  
ſunt quidem bona opera in ſe: ſed ni-  
ſi discretè, humiliter, & cum charitate  
ſiant, non merentur vitam æternam. .  
In Moni: Spirit: cap: 7.

*Opera mala proximi, excuſanda.*

**F**acta aliorum non judices, etiamſi  
quidpiam vitij in eis deprehendere  
tibi videaris: ſed potius excuſa ac in-  
melius interpretari coneris. Quod ſi  
factum excuſare non poſſis, ſaltem in-  
tentionem ejus qui fecit, quoad poteris  
excuses. Si nec id potes, cogites eum  
inſcientem, aut ex infirmitate illud fe-  
ciſſe. Quod ſi nulla ratione vel excu-  
ſare, vel quidpiam prætendere queas, ni-  
hilominus relinquo Deo judicandum:  
perſuadeas autem tibi eum graviter à  
Dæmone impugnatum fuiſſe, & te mul-  
tò pejus fortaliſſis fuiſſe acturum, ſi tam  
acriter fuiſſes impugnatus: agasq; gra-  
tias

tias Deo, quod à tam periculosa & infesta tentatione sis servatus, atq; cum ingenti commiseratione preceris Deum pro illo. *In Dicitis Patrum, cap: 15:*

*Operum bonorum duo sunt genera.*

**D**uo sunt bonorum operum genera. Quædam viva, quæ à viro probò & Dei amico eduntur. Alia mortua, quæ à peccatore. Hæc, nec post conversionem quidem peccatoris, tametsi nobilissima esse videantur, quidquam valent. Quia quicquid agit peccator extra gratiam & charitatem constitutus, nihil valet ad salutem comparandam. Disponitur quidem homo peccator orationibus, jejunijs, elèémolynis, aptiorq; redditur ad gratiam & virtutes à Deo accipiendas, sed nihil ponit in cælo, quod post hanc vitam inveniat. *Coster: lib: de 4 Noviss de Iudicio Noviss:*

Quodsi autem vir justus usq; ad extremam ætatem justitiæ operam daret: jam autem uno lethali peccato Deum offenderet? nihil illi torius antea actæ ætatis

etatis probitas apud Deum prodesset, sed potius obesset. quod tunc suave Christi jugum abijceret, quando ad metam pervenisset. Idem, Ibidem:

*Opera bona in mortali peccato facta non sunt meritoria ex condigno.*

**O**pera bona ab homine peccatore perpetrata, neque vivunt, neque unquam victura sunt: hoc est. Nihil valent ad vitam eternam promerendam, neque unquam quidquam valeat ut, etiam si in gratiam cum Deo redeat peccator: quia vitam nunquam habuerunt. Similiter opera bona meritaque ante peccatum collecta, per peccatum ad nihilum recidunt, ut quamdiu peccatum in homine perseverat, nulli modo vim habeat ad gratiam & salutem homini conciliandam. Si tamen ad mentem redeat peccator reviviscunt omnia ejus opera bona ante peccatum edita, atque in Thesaurum caelestem, unde ejecta fuerunt revertuntur. Idem Ibidem.



## ORATIO.

*Præstantissima Quæ?*

**N**ihil melius postulare, nullam præstantiorem Orationem fundere potes coram Deo: quam ut petas fieri voluntatem ejus. *In Speculo Spiritus: cap: 9.*

*Item.*

Meminisse te vellem nullam orationem digniorem esse, precatione Dominica, & Salutatione Angelica. Quaslibet alias orationes Sanctas, velut bonas margaritas dilige: sed ipsam precationem Dominicam & Salutationem Angelicam, tanquam pretiosissimos & incomparabiles uniones habere charissimos. *Blosius in Epistola ad Florent.*

*Item.*

Inter omnes preces, quas Christus in hoc mundo fudit: illa Summa atq; excellentissima fuit, quam imminente Passione fecit, dicens: Pater, non mea, sed tua voluntas fiat. *In Corollar: Tabella Spirituali.*

*Item.*

Item.

Quādocunq; aliquid piè & sanctè  
petitur in Nomine Filij sive per Filiū:  
Deus Pater gratissimam habet petiti-  
onem: cum nihil illi charius sit, ipso  
Filio suo. In Instit: spirit: cap: 9.

*Oratio assidua, quæ?*

**S**I bene vivis, si à peccatis te absti-  
nes, si tempus utilitè expendis, si  
te in conspectu Domini verè humili-  
as, ad Deum & cælestem Patriam su-  
spiras, semper precaris, Sancta enim  
Vita, sanctumq; desiderium coram  
Deo, assidua Oratio est. In Canon Spi-  
rituali, cap: 34:

*Orandum cum intentione.*

**P**Ete tibi à Deo ignosci, non ob  
hoc potissimum, ut pœnam evadas  
aut perditam gratiam, virtutes, &  
jus ad cælestem gloriam recuperes,  
sed magis, ut accepta venia sis Deo  
gratior, eumq; ames, & ab eo non se-  
pareris. In Tabella spiritali.

*Orandum cum attentione.*

Chrysostomus ad S. Bogitram dixit.

**Q**uicumq; fide & voluntate perfecta. legi hæc verba. Iesu misere mei: magis mihi acceptus est, quam, is qui mille versus sine attentione pronuntiat. In Monit. Spir. cap: 3:

*Orandum cum fiducia.*

**S**i duo simul preces funderent quorum alter rem ejusmodi peteret, quæ pene videretur impossibilis: consideret tamen se à Deo exauditum iri. Alter vero pro re minima postularet, sed non plenam fiduciam haberet erga Dominum. Ille qui rogaret pro re maxima, & difficili, multo citius ob meritum fiduciae suae exaudiretur, quam alter, qui rem modicam modica fiducia postularet. In Speculo Spirit. cap: 6.

*Orandum cum discretionem.*

**N**on sis in affectibus & aspirationibus ad Deum nimius, vel vehementior quam oportet: sed indiscretionis

tionis moderationem diligentè servato: ne caput lædas, & naturam prægraves ac destruas. Quando autem contingit te dolorem aliquem ex Spiritualibus exercitijs contrahere ac sentire, offer illum Deo in laudem æternam, & patiens esto *In Specul: spirit: cap: 10.*

*Item.*

Caveat servus Dei, ne vindictate exercitiorum naturam suam prægravet ac destruat: quod contingere solet his, qui nullâ vim suarum ratione habitâ, mox imitari volunt, quæcunq; ab alijs facta esse vident, vel audiunt. Igitur ipsa exercitia sua cum discretionè moderata semper collat: Deoq; & rebus Divinis libero atque hilaris corde vacet absq; sui gravamine aut anxietate. *In Farragine lustrat sub T. 1. o, Hec notatu digna.*

*Orandum in ariditatibus*

**Q**uando Spiritualis cognitione, sensibilisq; gratia & devotione subtracta tardum, pauperem, frigidum,

G. 3.

ac

ac velut à Deo derelictum, projectum-  
que te sentis: quando afflictus præ-  
radio dormiens, & tantâ mentis in-  
stabilitate fatigaris, ut in Sanctis co-  
gitationibus nullâ ratione persistere  
possis? non propterea putare debes,  
quod celesti Sponso displiceas. In  
*Consol: Pusill: Quidam Scriptor.*

*Item.*

Plerumq; Deus ibi per gratiam su-  
am maximè adest ubi minime sentitur  
sensibilis consolatio. Et sæpe homi-  
ni melior est ariditas cordis, quam ef-  
fer profusissima abundantia svavita-  
tis. In ariditate enim & sterilitate,  
homo clarius agnoscit, se ex se nihil  
posse. In *Instit: Spirit: cap. 7.*

*Distraçtio tamen voluntaria in  
orando cavenda.*

**C**Aveat is qui orat, ne voluntariè  
hac data opera per gravem negli-  
gentiam inter orandum mente di-  
strahatur: caveat item ne orationem  
propterea deserat, quod in ea nullam  
forte consolationem sentit. Sane si-  
cut

cut mentis distractio, quæ præter voluntatem orantis accidit, fructum & utilitatem Orationis non tollit, ita nec cordis ariditas dum bona voluntas adest. *In Monil Spirit: cap: 2*

*In Oratione suggestiones Diabolica contemnenda.*

**N**ullo modo Orationis studium negligendum aut omittendum est, propter aliqua adversantia, sive ea procedant ab illusionē Satanae, sive à fragilitate propria, sive à cogitationibus immundis, sive ab inordinatis stimulis, & carnali motu corporis. Frequenter enim Diabolus Orationis tempore animam varijs imaginibus & phantasmatibus magis infestare conatur, quàm extra tempus orationis. *In Monili Spirit: cap: 3.*

*Item.*

Pleriq; quando Sacratiora sunt tempora, & ipsi se ad Deum libentiùs convertunt, tanto magis afflictio eorum augetur: ita ut nec unam quidem Orationem Dominicam, vel Salutati-

onem Angelicam absq; Diabolicis fursuris explere liberè possunt Vnde & ipsi in quandam velut desperationem labentes, Orationem à se abijciunt, & hoc pacto sibi ipsis loquuntur. Quid putas? ista tibi oratio prodest sordibus conspurcata? Sed in hoc nimis errant, & suo adversario penitus obsequuntur: cujus hoc præcipuum studium est, ut eos ab exercitijs spiritualibus repellat. Nesciunt certè, quod oratio ipsorum, cum omnibus immisericordibus illis de quibus dolent, optime sapit, & verè accepta est, ante conspectum Divinæ Majestatis *Henricus Suso, in Consol: Pusill; & in Append: ex lib: Ioann: Theuler: desumpta.*

*Item.*

Quæcunq; tentatione tentaris, in Oratione, nihilominus ora, & conare ad orandum: qui desiderium & conatus bonus, reputabitur pro supplendo defectu orationis. Et si sordida advenientia menti, eijcere non poteris: tunc ille conatus reputabitur tibi pro

pro  
bus  
lun  
guit  
Dij

S  
ob  
ta  
cor  
Dec  
pati  
nem  
bon  
dios  
fien

C  
ten  
bati  
re  
& c  
præ



pro corona: dum modo tentationibus non consentias, & ſint contra voluntatem tuam. *B. V. Maria ad S. Birgittam Revelat: lib: 6 cap: 94.*

*Diſtractiones involuntaria in orando non curanda.*

**S**i inter pſallendum & orandum, non potes eſſe, ſatis attentus: non ob id deſiſtaris animo. Nam etiam ea precatio, quæ cum diſtractione cordis peragitur, fructuola eſt, & à Deo ſuſcipietur: Si modo is qui orat patitur invitus huiusmodi diſtractionem, & placidè facit quod in ſe eſt: bonam voluntatem Deo exhibens ſtudioſèq; ac reverentèr precibus inſiſtens. *In Brevi Regula Hyroni ſpirit.*

*Item.*

Quamvis in orationibus tuis, attentus eſſe nequias; non ob id perturbari, aut orationis exercitium deferre debes. Quia mentis inſtabilitas, & diſtractio, quam quis inter orandū præter voluntatem ſuam patitur, Orationis

34. *Flores Sententiarum.*  
tionis fructum non tollit. *In Tabell.*  
*Spirituali.*

*Item.*

Si tam instabilis atq; volubilis fuerit mens tua, ut verbis orationis attendere non possis, nequaquam ob id indignèris, neq; deijciaris animo, sed grato, placido, tranquilloq; spiritu, fac quod in te est, bonam voluntatem Deo offerens, & constantem patientiam exhibens. *In Canone vite Spir. c. 17.*

*Ab Oratione in ariditate non cessandum.*

**S**I tibi Oranti aut Sacrificanti, aut Divina meditati aut Sacra lectio ni insistenti, aut quodvis aliud sanctū opus facienti, deest sapidus ille devotionis affectus? perge tamen in incæptis, & par concipiens desiderium placendi Deo, offer illi cordis sterilitatem ac laborem in laudem æternam. *In Canone Spirit: cap: 26.*

*Item.*

Quodsi fortè inter legendum, nullum aut modicum saporem intrinsecus

cus sentis, nihil inde turberis : sed etiā  
ando corde ista humiliter & reveren-  
tèr lege ac relege , pro Dei amore &  
gloria. *In Canone Spirit. ad simpliciores*  
*Lectorem.*

*Oratio etiam distractè persoluta,*  
*placet Deo.*

**Q**Vando ex humana fragilitate ali-  
quis distrahitur , Deoq; negligenti-  
us intendit, non idcirco arbitretur o-  
rationes suas prorsus inutiles esse. &  
reijci ab ipso Domino, qui pro sua  
ineffabili clementia atq; bonitate o-  
mnia opera nostra æterna remunerati-  
one digna reputat. *In Enchirid. Parvull.*  
*In Append. Documenti 12.*

*Idem insipida.*

**N**Vquàm Deus parvi pendit ora-  
tionem hominis bonæ voluntatis,  
sed eam mox in libro suo scribi jubet,  
quamlibet etiam insipida sit ei qui il-  
lam rite petagit. *In Tabella Spirit.*

*In Orando lachrymæ non curanda.*

**S**I tibi in Orationibus, vel meditati-  
onibus, atq; exercitijs sanctis de-  
sunt

sunt lachrymæ externæ, non id te perturbet. Nam homini Deo placere cupienti, non desunt internæ lachrymæ; & licet oculi ejus non plorant; plorat tamen cor. Pro lachrymis quas non habes, offer Deo Patri lachrymas Christi. *In Specul. Spirit. c. 10.*

*Etiā minima Oratio non caret  
merito*

**F**ieri non potest ut etiā minima precatunculā rirē fusa, aut minimus gemitus, minimumve suspirium ad Deum piē emissum, grandī fructu careat. *In Specul. Spirit. cap. 6.*

*Oratio Mentalis præstat Vocali,*

**P**recatio exterior quæ ore tantum funditur, veluti palea est, interna autem Oratio quæ funditur mente, ipsam granum est, illa quæ & mente funditur & ore profertur, Deo multum grata est. *In Instit. Spirit. cap. 8.*

*Oratio etiā linguā ignotā,  
placet Deo.*

**Q**uando aliquis latinæ lingvæ ignarus, benignā religiosaq; mente De-

re Deum latine laudat, aut precator:  
non minus utilitatis ac meriti refert,  
quam si linguâ notâ sibi laudes pre-  
cesq; suas Deo offert. Nam & agro-  
tus quisq; potionem medicinale[m] su-  
mens sanitati restituitur etiam si ipsius  
potionis virtutem ignoret. In Corolla-  
rio Appendixum.

Item.

Qui Psalmum exactè non intelli-  
git, credit tamen aliquid Sancti esse in  
eo quod cãtat, omnino sine fructu non  
est. Deus enim psallentis cor magis,  
quam verba attendit. Omnis enim  
qui benignâ & religiosâ mente preca-  
tur, etiam si lingua sibi incognita oret,  
eximiam utilitatem, eximiumq; meri-  
tum refert. In C. Ilyr. Harst lib. 2. c. 14.  
S. Augustinus.

*In peccato mortali existenti quo-  
modo orandum.*

**Q**ui conscientia peccatorum re-  
mordente nequit libero corde o-  
rare, statim culpam suam coram Deo  
cum humilitate fateatur, veniamque  
petat,

perat, & se corrigere proponat: atque ita demum sanctâ fiduciâ resumptâ faciem animæ jam repurgatam ad Dominum per preces; laudesq; Divinas levet. *In Encher. Parvull. lib. 1. In Append. Documenti 12.*

*Orationi alterius commendare se, prodest.*

**Q**ui alterius orationibus congruâ pietate & fide se commendat, fructum sancti desiderij sui apud Deû consequetur, etiamsi is cujus preces expetierat orare pro ipso negligat. *In Encherid. Parvul. In Coroll. Appendic.*

*Item.*

Quando quis alterius orationibus se commendat, confidens se per ejus merita posse Divinam gratiam obtinere: pius Dominus indubitanter secundum desiderium & fidem ipsius benefacit ei: etiamsi ille, cui se commendavit, neglexerit devotè orare pro ipso. *Christus ad S: Gertrud. In Monit. Spiritu. cap. 3.*

*Cur*

*Græ non semper obtinetur, quod  
petitur.*

**S**ANÈ Deus quamlibet precatiuncu-  
lam, in Ecclesia Catholica ritè fur-  
sam, & quodlibet suspirium, piè ad se  
emissum, eximiâ mercede remunerat,  
sed sæpe ad longum tempus differt,  
præstare, quod postulamus quia sic ex-  
pedit nobis. Et dum petimus ea, quæ  
salutaria nō sunt: nō illa quidē; sed  
alia quæ nobis utilia sunt, donat. *In*  
*Farrag. Instit. sub 11. Hæc notatu digna.*

*Item.*

Precando impetrabis quidquid uti-  
le tibi fuerit. Quod si mox non ob-  
tines, quod postulas, vide ne pertur-  
beris. Deus enim suâ pietate non-  
nunquam differt largiri ea, quæ san-  
ctè petuntur: non quod negare ve-  
lit, sed ut cumulatus & utilius postea  
tribuat: ut quæ fidem, longanimita-  
tem ac perseverantiam postulantis e-  
ximiè corouet. *In anone Spir. c. 17.*

*Item.*

Non propterea existimes te non ex-  
audiri,



audiri, quod orationis tuæ effectum non statim sentias aut videas: sed longanimis, fideq; plenus perseveres in sanctis petitionibus: Deo penitus committens, quando & quomodo velit postulata tribuere. Nam misericors Deus, saepe ea quæ cōcedere vult, differt in longum tempus præstare, eo quod non satis convenienter, neq; satis utiliter illa citius largirentur. In *Enchirid. Parnull lib. 1 Append. Documenti 11.*

*De Oratione pro Defunctis.*

**P**ius ac suavis Dominus, ipsas Electorum suorum animas, quas post mortem carnis adhuc purgare necesse est, in tantum diligit, earumq; liberationem tam ardentè desiderat, ut si nos benigna charitate moti pro illarum absolutione fidelitè precemur, & adorandam Sancti Altaris Hostiam sive merita Christi, vel pialmodiam, aut quælibet alia salutaria offeramus, peragamusq;: hoc non minus grātum habeat, quàm si eundem Dominum nostrum

noſtrum carcere concluſum, conſolationibus relevare, atq; adiutorio liberare ſtuderemus. *In Euchir. Parvul l. 6. 2 cap. 4. Item.*

Quamvis animabus purgandis multum proſit, quidquid pro earum remedio fit, legendo officium, aut vigiliis defunctorum, aliasq; orationes: magis tamen juvat, & majorem relaxationem eis quandoq; obtinet oratio pauciſſimis verbis & ardenti affectu uſa. *Chriſtus ad S. Gertrud. in Menſ. ſpirit. cap. 3.*

*Orationis meritoria formula.*

**D**omine ſi tibi placet, ſi expedit, ut id fiat? fiat ſi verò nō tibi placet, ſi non expedit? non fiat. fiat in omnibus Sancta tua voluntas. *In Canone vitæ Spiritualis, cap. 17.*

**PASSIO CHRISTI.**

*Fuit acerbiffima.*

**C**HRISTI Paſſio fuit adeò omni conſolatione deſtituta, adeoque  
gravis

gravis & acerba, ut ei nulla cujuscunque  
 Sancti Passio possit aliqua ex parte æ-  
 quiparari. Solent enim Dominus suis  
 Martyribus immania tormenta per  
 infusionem sensibilis gratiæ tempera-  
 re: sed ipse Christus volens propter  
 nos Passionem suam in vera resigna-  
 tione atq; derelictione perferre, non  
 permisit consolationem à superiori  
 portione animæ suæ redundare in  
 portionem interiorem ac sensualita-  
 tem. *In Corona Spirituali, Ad Simplicitate-  
 rem Lectorem.*

*Ex Passione Christi, tota spes Veniæ:*

**P**RO scelerata inutili, ac deperdita  
 vita tua, offer humili devotoq;  
 corde, Deo Patri dilectum Filium  
 ipsius Iesum Christum: offer Sangui-  
 nem, Vitam, & Passionem ejus. Ita  
 enim poteris omnia peccata tua quan-  
 tumvis multa & gravia penitus expi-  
 are, excellētēq; omnem imperfectio-  
 nem tuam, seu quidquid tibi boni de-  
 est supplere. *In Dictis Patrum cap. 110.  
 ex quodam Pio Scriptore. Item.*

*Item.*

Christus Sanctæ Giertrudi dixit. Quilibet poterit respirare in spem veniæ ( quamlibet etiam gravi pondere peccatorum senserit se esse depressum ) offerendo Deo Patri meam innocentissimam Passionem & mortem. Credat igitur peccator se per hoc obtinere saluberrimum fructum indulgentiæ. Quia nullum tam efficax remedium contra peccata poterit in terris haberi, sicut devota memoria Passionis meæ, cum fide recta, & vera penitentiâ. *In Monili Spirituali cap. 1.*

*Itidem gratia.*

**I**gnorare non debes illa exercitia, quibus aliquid ex Passione Domini Iesu, juxta gratiam tibi datam, legis aut ruminas: majoris esse virtutis, quam alia Spiritualia exercitia. Sicut enim ille, qui opobalsamum vel leviter contingit, necessario suavem odorem retinet: ita is qui Passionem Domini pie recolit, licet per modico affectu id faciat, non potest non referre augmen-

augmentum gratiæ Divinæ In En-  
chirid Parvull. lib. 1. Append. Documen-  
ti 12.

*Ac tandem gloriæ.*

**N**on nimium innitatis, neq; confi-  
das hujusmodi austeritati vel me-  
ritis tuis: Verum spem omnem po-  
tissimum colloca in Passione Christi  
& in satisfactione, expiatione, ac me-  
ritis ejus. In Spec Spirit. cap. 10.

*Item.*

Homo in satisfactione, & in meri-  
tis Christi potius, quàm in operibus  
proprijs ac meritis semper confidat.  
Nam unica guttula pretiosi Sanguinis  
Domini lasu digitor est, quam omnia  
merita humana. In Monit Spir. c. 2.

*Item.*

Potissimam salutis spem, non tam  
in meritis bonorum operum, quæ for-  
te egisti, quam in meritis & miseri-  
cordiis Iesu Christi constituas. In Ca-  
none Spir. S. cap. 37.

*Medi.*

*Meditatio de Passione Christi, est  
velut pretiosissima margarita.*

**V**enerandam Christi Passionem,  
tanquam pretiosissimum marga-  
ritam in scrinio pectoris tui recondi-  
tam habe, & eam grato animo saepius  
revolve. *In Spec. Spirit. cap. 10.*

*Est eximie fructuosa.*

**N**ullus omnino potest aliquid de  
Domini Passione humiliter lege-  
re, vel cogitare (licet modico forte  
affectu hoc faciat) quin eximium salu-  
tis fructum referat. *In list. Spir. c. 6.*

*Item.*

Neq; scribi, neq; cogitatione com-  
prehendi potest, quantum fructum  
homo bonæ voluntatis & humilis re-  
ferat, ex pia meditatione Passionis Do-  
minicæ: quamvis enim modico affe-  
ctu aliquid de Vita & Passione Christi  
legat, aut ruminet, non potest non  
maximam utilitatem inde capere. *In  
Specul. Spirit. cap. 10.*

*Imò*

*Imò aspectus solus in imaginem Crucifixi est utilissimus.*

**F**ieri nulla ratione potest, ut vel aspicias tantum pijs oculis imaginem Crucifixi, sit sine grandi utilitate: cum ibi salutis tuæ summam invenias. *In Dictis Patrum cap. 21.*

*In meditatione Passionis Christi non obest ariditas.*

**Q**uotiescumq; aliquid pie meditaris, aut legis de Vita, seu Passione Domini Iesu, Sanctificaris inde, & ingentem fructum reportas, etiam si parvo admodum affectu, & sine ullo sapore sensibili mediteris ac legas. *ibid. ut supra.*

*Item.*

Si in meditatione Passionis Domini, cor tuum durum, ac sterile est? ita ut neq; compassionem, neq; amorem sentias? non hoc te perturbet, sed humilis ac resignatus esto: & libenter etiam arido corde hæc lege, ac rumina, pro Dei honore & gloria.

Plerum-



Plerumq; homini utilius est, compas-  
sionem vel amorem desiderare, quàm  
sentire.

Si tibi desunt in meditatione Passi-  
onis Dominicæ externæ lachrymæ,  
non desint internæ, hoc est; non plo-  
rant oculi? ploret cor. offer pro sen-  
sibili compassione piam gratiarum ac-  
tionem. In *Præfatione Margaritæ Spirit.*

*Meditatio Passionis Christi mirè præ-  
servat à panis purgatorij.*

**A** Nima quæ se multis obstrinxit  
peccatis, poterit ipsius Passionis  
Christi thesaurum adeo ad se adjun-  
gere sibiq; applicare, ut etiamsi vel  
mille annis punienda sit in Purgato-  
rij locis brevi tempore & culpam &  
pœnam omnem dissolvat, ita ut absq;  
Purgatorio libera commigret in cælum.  
In *Dictis Henrici Susoni de Passione Dñicæ.*

*Illicium Christi ad meditando  
Passionem ejus.*

**M**ihi longe gratiùs est, cor homi-  
nis si omni caduco amore sit va-  
cuum

cum, atq; ad imitandum vitæ mee præclarum exemplar perpetua sedulitate intentum: quam si continuis prosequatur me laments: totq; fundat lachrymas, quot unquam pluviz guttæ ex aëre defluerunt.

Si tu ipse Passionem meam amantissimam humescentibus oculis commemorare non potes? facias te nihilominus jucundo animo, ob bonam immensa quæ ex illa capis.

Si nec hilariter, nec lachrymabundus eam cogitare potes? vel arido corde in mei laudem eam percurras. Ita enim non minus gratum mihi præstiteris & sequium, quàm si præ lachymis & dulcedine totus colliquefceres. *In acrimolo Spirituali.*

Nihil in Ecclesia Deo est acceptius: nihil quod efficacius peccatorum remissionem obtinere: aut celerius Purgatorij animabus succurrere possit: quàm Sacratissimam Christi offerre Passionem. *Pater Alexius à Salo.*

*Medita.*

*Meditationis Chriſti Paſſionis no-  
vem fructus.*

**I**Pſe Dominus Ieſus in Spiritu cui-  
dam amico dixit. Quiſquis bonâ  
voluntate præditus Paſſionis meæ le-  
ctioni aut meditationi humiliter ac  
ſtudioſè, ut oportet, inſiſtit: novem  
inde utilitates conſequitur.

*1ma eſt:* Quod à peccatis omnibus  
emundatur, & quidquid neglexit, id  
illi ex meritis meis reſtituitur.

*2da.* Quod ad reſiſtendum hoſtib9  
ſuis ita confortatur, ut nullum ex eo  
tryumphum referre queant. Nam etſi  
ipſe ex infirmitate nonnunquam labi-  
tur: dexteram tamen meam ſuppono,  
ne collidatur & pereat:

*3ta* Quod ad bona quæq; opera di-  
verſaq; virtutes peragendas vires ac-  
cipit.

*4ta.* Quamlibet brevi cogitatione  
eandem Paſſionem meam revolvat,  
ſemper anima ejus in gratia mea reno-  
vatur.

*5ta.* Quod devotè eam commemoranti libentè ipsi commoror.

*6ta.* Quod arcana mihi à Deo Patre manifestata illi similiter aliquândo pandam.

*7ma.* Quod cum ante mortem mihi placentem reddam: & defunctum cum charis meis remunerabo.

*8va.* Quod nihil eorum, quod serio & rationabiliter, convenienterq; peter, illi negabo.

*9na.* Quod in morte illi adversùs hostes ejus assistam, & de vita aeterna ipsum faciam certum atq; securum. *In Dictis Patrū c. 31. Quidā pius Scriptor.*

## PECCATUM.

*Peccati non est author Deus.*

**S**I tentatione victus corrueris, & peccaveris? ne incuses Deum qui author iniquitatis non est; sed te accusa, qui Diabolo consensisti. *In Canone vite Spirit. cap: 6.*

*Item.*

*Quod Dei est, Deo attribue, & gratias*

res esto ; tibi vero nihil adscripseris ,  
præter peccatum. *In Canone vite Spiritu-  
uali cap: 26.*

*De peccatū ex infirmitate humana.*

**Q**ui ex infirmitate sola delinquit  
dum liber apud seipsum est, odit  
vitia, eorumq; occasiones: quando ta-  
men se se offerunt ipsæ occasiones, fa-  
cilè, aut linguæ incōtinentiâ, aut sen-  
suum nimia libertate, aut passione af-  
fectioneq; indignâ, aut confirmi ali-  
quâ transgressionē offendit; sed mox  
ut ad se redierit, delet & penitus a-  
versatur vel minimam peccatorum la-  
bem: ob idq; veniam repente conse-  
quitur. *In Canone vite Spirit. cap: 3.*

*Item.*

Quando ex infirmitate humana  
peccatum admittis? non nimium de-  
iiciaris animo, sed culpam humiliter  
agnoscens, crede Iesum tibi veniam  
dare, libenterq; ignoscere quemad-  
modum B. Ioannes testatur. Si con-  
fiteamur peccata nostra, fidelis est &

H 1

iustus,

iustus, ut remittat nobis peccata nostra, & emundet nos ab iniquitate. *Ioann: 1 In Specul. Spirit. cap: 6.*

*De peccatis ex affectata negligentia.*

**I**lle qui ex affectata negligentia peccat, dum malorum occasionibus è medio sublati liber apud se ipsum esse potest: miris modis concupiscit easdem occasiones, illisq; plurimum afficitur, non sane propter peccatum, sed propter oblectationem. Labitur & ipse quidem ex fragilitate fortassis, sed non ex mera fragilitate. Qui tamen si statim post culpam admissam innovato proposito, verè pœnitentia ageret? ipse quoq; celerrimè obtineret delicti remissionem. *In Canone vite Spiritualis cap: 3.*

*De peccatis ex malitia commissis.*

**C**ogita plerosq; ipsorum, qui Christum occiderunt, postea credendo in Christum, veniam accepisse. ut videlicet mortales omnes discerent, nulla esse immania crimina atq; flagitia, quæ

quæ clementiſſimus, & adipe miſericordiæ plenus Dominus, non velit ad ſe converſis, vereq; pœnitentibus remittere. *In Scriniolo Spirituali. In Epiftola Bloſii.*

*Item:*

Si te Diabolo tradideris: ſi me cœnties negaveris: ſi me & mei imaginẽ pedibus conculcaveris: ſi Sacramento meo contumeliam feceris? doleſ quia feciſti, & ego dimitto tibi peccatum. *Ioan: Lanſpergius in Interna allocut: Chriſti ad animam. In Conſol: Puſill.*

*Ad odio habendum peccatum, opus eſt gratiã Dei ſingulari:*

**N**emo poteſt odiſſe talubritẽr peccata ſua, niſi Deus dederit; niſi auferat cor lapideum & inferat cor carneum: niſi pro corde polluto creet in nobis cor mundum: niſi pro Spiritu pravo Spiritum rectum innovet in viſceribus noſtris. *In Conſol Puſill. In præclaris dictis de Dei miſericordia.*



*Peccatori etiam maximo, non desperandum.*

**N**on propter numerositatem, nec propter enormitatem lapsuum tuorum desperes: sed culpam tuam humiliter agnoscens, & se fideliter corrigere proponens toties cum Sancta indulgentiæ spe resurgas, quoties cadis. *In Enchir. Parvul. In Append. Documenti 319.*

*Item.*

Si contingat te in gravissima scelera (quod Deus avertat) ruere, toties resurge quoties cadis: neq; unquam spem salutis abijcias: revertere ad benignissimum Deum tuum, & ipse te libentissimè suscipiet. Vult enim & potest cuilibet fideli homini verè contrito ignoscere, eumq; ab omni salutis impedimento (qualecunq; etiam illud sit) eripere & expedire. *In Tabell. Spirituali.*

*Item.*

*Etiam si centies vel milliès quotidie*

*ex.*

ex humana fragilitate labâris: toties  
cum Sancta spe veniæ resurgas quoti-  
es labaris. Proponas & coneris puri-  
us vivêre: non tamen confidas in tuo  
proposito vel conatu, sed in sola boni-  
tate Dei, & in auxilio gratiæ ejus quæ  
nunquam deerit facienti humiliter,  
quod in se est. *In Brevis Regula.*

*Peccatori ponitur modus justifica-  
tionis.*

*Christus ad S. Birgittam dixit.*

**N**ullus est tam magnus peccator,  
cui ego negem misericordiam, nisi  
tam humiliter & perfecto corde peti-  
erit. Itaq: peccatores, qui mihi re-  
conciliari gratiam amicitiamq; meam  
obtinere volût in primis ex toto corde  
doleant, quod me Creatorem suum ac  
Redemptorem offenderint: deinde  
expurgent se coram Sacerdote, purâ  
humiliq; confessione, & vitam corri-  
gant ac satisfactionem expleant, juxta  
consilium & discretionem Sacerdotis.  
Si enim hoc fecerint, ego eis appro-  
pinqua-

pinquabo, & Diabolus ab ipsis elongabitur. Postea conveniens, erit, ut & corpus meum cum devotione veraq; charitate accipiant: habentes voluntatem nunquam admittendi priora peccata, & proponentes in bono usque ad finem perseverare. In Monit. Spirit. cap. 1.

*Peccator odio non habendus.*

**O**deris peccatum in homine, sed non, oderis hominem propter peccatum. Nam hominem Deus fecit: peccatum verò non Deus, sed homo fecit. In Instit. Spirit. cap. 2. & in brevi Regula.

*Peccator non despiciendus.*

**N**illum damnes, nullum despicias, de nullius peccatoris conversione desperes. Quia is, qui modo pessimus est, potest mox Dei gratia mutari atq; optimus esse. Nondum enim pons misericordiae Divinae, quo transitur ad sanctam vitam, dejectus, est. Ibidem, ut supra.

*Item.*

Item.

Dum cernis aliquem malè agere, & peccare, non illum asperneris: sed Deum pro eo ores, rogans ut illum adjuvare & conservare dignetur. *Ibidem ut supra.*

*Peccator benigne admonendus.*

Sicut vis Deum in te esse benignū, & clementem: ita tu quoq; in alios sis benignus & clemens. *In Speculo Spirit: cap: 3.*

Item.

Sic persequere peccatum in homine, ut tamen propter peccatum, quod homo commisit, non oderis hominem quem Deus fecit. *Ibid. ut supra.*

Item.

Si irasceris ut peccatē corrigas aut castiges, irascere sine felle, sine odio. *Ibid. ut supra.*

Item.

Si quandoq; necesse fuerit, ut aliquem durius aspernasq; corripas, fiat hoc discretè & sine odio pro Dei nomine ac gloria. *In Dictis Patrum ca: 7.*

H s

Peccat

*Peccatori magis cavenda mors anima quàm corporis.*

**S**i consentiendo alicui peccato, posses te ipsum, & plurimos alios à morte eripere? nullo tamen modo deberes peccato consentire. Neq; enim licet facere mala, ut veniant bona: & nimis absurdum foret, pro utilitate Creaturarum (quæ cōparatæ Deo quasi nihil sunt) scienter ac deliberatâ voluntate offendere Creatorem, qui est bonum infinitum. *In Speculo S. iust. cap: 1.*

*Item.*

Si tibi diceretur, aut bîbas, aut morieris? melius esset, ut caro tua sobria occideretur; quàm per ebrietatem anima moreretur. *Sanctus August: serm: 232. de Tempore.*

*Peccatoribus meticulosus dantur documenta.*

**Q**ui inordinatè damnationis metu laborat, & benè vivere conatur pro viribus: expedit prudenter prohibere

hibere oculos internos, à nimia conſideratione juſti ludicij Dei. *In Specul: Spirit: cap: 6.*

*Item.*

Non anxie pertractes apud ſe, utrum neceſſe erit, ut poſt hanc vitam, peccata tua adhuc in Purgatorio expientur: ſed voluntati providentiæ, ordinationiſq; Dei, te totum ſecurè ſin omnibus committens atq; resignans, gratum habeas, quidquid tibi ille facere voluerit in tēpore, & æternitate. *In Inſtit: Spirit: cap: 8.*

*Qualiter peccata dolenda.*

**Q**Vando peccas, magis doleas & deplangas, quod Deum fideliffimum, dulciſſimumq; Patrem tuum, offenderis; quàm quod commerueris ut gravibus vel etiam æternis ſupplicijs puniaris. *In Inſtit: Spirit: cap: 8.*

*Peccata venialia qualiter delenda.*

**I**Pſas veniales culpas coram Deo ſeriò confiteri debemus, quæ multis modis delentur; pura contritione, Dominicæ

minicæ orationis prolatione : gravamine aliquo pro Deo perlato ; aquæ benedictæ aspersione, gemitu, tussione pectoris, &c. Si talia piè ac religiosè fiant. Utile tamen est animæ, & Deo gratum, ut homo accuratè etiam leviores offensas coram Sacerdote confiteatur, atq; exprimat : sed inanes scrupuli reiiciendi sunt, *In Specul. Spirituali. cap. 2.*

*Item.*

Non sis nimium pusillanimis propter quotidiana peccata, quæ invitus committis. Nam, quemadmodum, singulis diebus, in multis saltem leviter offendimus : ita quotidianas expiationes habemus in promptu, quibus hujusmodi peccata deleantur. Est Sancta Confessio, est gemitus, est fletus, est sanctæ lectio, seu Verba Dei : est eleémosyna, est hospitalitas, est oratio, quæ Domino dicimus. Dimitte nobis debita nostra, sicut & nos dimittimus debitoribus nostris. Sunt aliæ preces, aliæq; pietatis misericordiae.



ricordiæ & charitatis opera. In Cano-  
ne vite Spiritualis cap. 3.

*Peccata venialia in genere con-  
fitenda.*

**E**AS culpas, quæ quotidiana & cō-  
munes dicuntur; & à quibus ne-  
mo sibi cavere potest; ut paucis ex-  
plicem verbis, generatim eas confi-  
tearis. tecumq; proponas & constitu-  
as semper bene agere; & omnia tam  
venialia, quàm mortalia peccata vi-  
tare te velle. *Rusbroch: in Consol. Psill.*

*Item,.*

Non eris nimis anxius, neq; pertur-  
baberis, si fortè non omnes veniales  
culpas in confessione expressisti: nam  
tales generalitèr exposuisse satis est,  
cùm mortalia duntaxat peccata, &  
ea de quibus dubium est, utrum mor-  
talia sint, expressè ac distinctè ex  
precepto atq; necessitate confiteri co-  
ram sacerdote obligemur. *In Speculo  
Spirit. cap: 1.*

*Pro*

*Pro peccatis, oblatio & satisfactio  
efficacissima.*

**I**N satisfactionem pro peccatis tuis, offeras Deo merita, dolores, & Vulnera Christi. Nam hæc indubitanter valent, ad plenè satisfaciendum pro omnibus peccatis. *In Instit. Spirit. c. 8.*

*Item.*

Offer Deo Patri in plenam expiationem peccatorum tuorum, & in suppletionem meritorum quæ tibi desunt, ipsum Unigenitum Filium ejus Iesum Christum: Offer omnia quæ ille pro te fecit ac pertulit: offer Incarnationem, Vitam, labores, Passionem, cruciatus, Sanguinem, & mortem ejusdem Redemptoris tui. Nulla enim scelera tam gravia & enormia esse possunt, quæ non meritis Christi & pretioso cruore ejus in hominem bonæ voluntatis deleantur. *In Speculo Spirit. cap. 7.*

*Item.*

Quoties interes Divinissimo Missæ  
Sacrificii.

Sacrificio, hostiam in eo per Sacerdotem consecratam, offer devotâ mente Deo Patri in plenam expiationem & satisfactionē pro peccatis tuis: offer eam illi in gloriam suavitatis & laudem æternam pro tua omniumq; salute. *In Speculo Spirituali. cap: 12.*

*Item.*

Offer devotâ mente Deo Patri; dilectissimum Filium ejus IESUM Christum, pro deperdito pueritiæ, & juventutis tempore, Offer Sanctissimam ejusdem Christi pueritiam ac juventutem pro cunctis negligentijs, & imperfectionibus tuis: offer ipsius Vitam perfectissimam & Passionem salutarem, *In Consol: Pulill. Quidam Dei amicus.*

*Pro peccatis satisfactio efficax*

*(sed conditionata).*

**S**Cito, satisfactionem Domini IESU immensam esse. Nam & unica, pretiosi Sanguinis ejus guttula, mille mundorum diluendis peccatis sufficere poterat. Verum tamen debes magnâ

gnà diligentia benè agere, & satisfacere, pro peccatis tuis, vitiaq; in te mortificare omnibus diebus vitæ tuæ.  
*In Tabella Spirituali.*

*Consolatio Peccatorum desperantium.*

**L**icet insipiens cogitatio tua obmurmuret, atq; obstrepat, clamitans vitam tuam talem non fuisse, ut sperare debeas te perventurum ad æternam illam gloriam? Responde cum sancta humilitate & pia fiducia. Scio cui credidi, scio me ineffabili charitate adoptatum esse in Filium. Licet Domino facere, quod vult, vult autem misereri, vult salvare: quia sic decet ejus clementiam & bonitatem. Non multitudo, non enormitas peccatorum meorum: non miseria quotidianæ fragilitatis meæ me terrere potest, dum illius incarnationem, Passionem, ac mortem memoria repero. Ipse me redemit, ipse Sanguinem fudit, ac moriendo debitum exolvit.

*In.*

Inimmēſum major eſt ejus miſericordia, quā ſit aut eſſe poſſit iniquitas mea. Sacroſancta ejus Vulnera teſtantur me eſſe reconciliatum, ſi verè me pœnitet iniquitatum: ſi verè eum diligere concupiſco. Beata ſua brachia in Cruce expandit, ut me peccatorem ſuſcipiat, atq; complectatur: ego inter illa & vivere & mori deſidero. Et quamvis mea iniquitas ab hoc gloriæ conſortio me repellat: naturæ tamen communio ad illud admittit. Non eſt tam inhumanus Deus, ut non diligat membra ſua, viſcera ſua. Quamdiu illè non deſierit eſſe miſericors, non ſum inops meriti. Quodſi miſericordiæ ejus multæ? dives quoq; ego ſum, meritis.

Quiſquis pius Dei cultor & orthodoxus Catholicæ Eccleſiæ Filius eſt, eò modo ſe ſe ſub mortem confirmare poteſt, adverſus omnes deſperationis impulſus. Tu igitur talis eſto. In Canon: vitæ Spirit. cap: 39.

Item.

*Item.*

Quid hac Dei promissione liberalit-  
us? In quacunq; inquit die, conver-  
sus fuerit impius ab impietate sua,  
non nocebit ei impietas sua. Non  
ait, si biennio, si bimeltri, si biduo  
ante mortem conversus fuerit: sed in  
quacunq; die conversus fuerit, in qua-  
cunq; die ingemuerit, salvus erit, mo-  
do vere, recteq; ingemiscat. *ib: ut supr.*

## PÆNITENTIA.

*Non differenda de die in diem.*

**N**on tardes converti ad Domi-  
num, neq; differas de die in di-  
em: subito enim veniet ira il-  
lius, & in tempore vindictæ disperdet  
te. *Eccles. 5.*

*Item.*

Noli dicere cras me convertam.:  
cras Deo placebo, & omnia hesternæ  
& hodiernæ peccata dimittentur mihi.  
Verum quidem dicis, quia Deus con-  
versioni tuæ indulgentiam promisit:  
sed

ſed dilationi tuæ craſtinum non promiſit. *In Pſychagog. lib: 1. cap: 4.*

*Item.*

Quamvis Deus promittat peccatori verè pœnitenti miſericordiam: non tamen promittit in peccato perſeveranti veram pœnitentiam, vel longam vitam. *In Monili Spiriti cap. 1.*

*Item:*

Qui ab iniquitatibus ſuis recedere negligunt: & ſibi de Deo indulgentiam repromittunt: nonnunquam ita præveniatur repentino Dei furore, ut nec converſionis tempus, nec beneficium repromiſſionis inveniant. *S. Auguſt: Tom: 1. Serm: 66. de Temp.*

*Item.*

Promittitur quidem tibi peccatorum remiſſio, ſi etiam in extremo vitæ articulo poſitus verè, id eſt ex amore Dei magis, quàm metu ſuppliciij pœnitentiam egeris: non tamen tibi promittitur futurum, ut tunc verè pœnitentiam agas: ſanè huiusmodi pœnitentia quæ uſq; ad vitæ extremum differ-



differtur, dubia admodum est, periculosa est, non semper vera est. Ut igitur morte præsentē securus hinc emigres, pænitentiam age, corrige vitam interim dū sanus es, & adhuc peccare potes. Nam si tunc demum peccare desinis, quando amplius peccare non potes, non tu peccata deseris, sed peccata te deserunt. *In Canon. vite Spirit. cap: 2.*

## PRÆDESTINATIO ET PRÆSCIENTIA.

*De Prædestinatione & Præscientia*  
*Blosig in opusculis suis, pauca admodū ac ferme insinuando scripsit. Proinde ex operibus D. Augustini excerpta quadam scitu necessaria, hic ponuntur.*

### *Prædestinationis definitio.*

**P**rædestinare Deum nihil est aliud, quam in illa sua, quæ falli mutarique non potest Præscientia opera futura

tura ſua diſponere. *S. Auguſt. tom. 5. lib. 2. de prædeſtinatione Sanctorum cap. 17*

Prædeſtinatio autem derivatur à præveniēdo, ſeu præordinando futurum aliquid. *Idem Tom. 7. lib. 6:*

Præſcientia verò derivatur à prævidendo & præſciendo, vel ut utar verbis D. Auguſtini. Præſcientia eſt futurorum ſcientia. *Tom. 4: lib. 2. ad Simplicianum, Quæſt. 1.*

Differunt autem iſta inter ſe per hoc: quod Prædeſtinatio ſine Præſcientia eſſe non poteſt. Præſcientia verò ſine Prædeſtinatione eſſe poteſt. Prædeſtinatione quippe Deus ea præſcivit, quæ fuerat ipſe factururus. Præſcire autem poteſt Deus etiam ea quæ ipſe non fecit. ſicut præſcit quæcunq; peccata. *Ita D. Auguſt. Tom. 3. lib. 2. de Prædeſt:*

*Ad quæ opera prædeſtinat Deus.*

**A**D prævaricationem legis; ad neglectum religionis, ad diſciplinæ corruptelam; ad deſertionem fidei, ad perpetracionem qualiscunq; peccati  
nulla

nulla est omnino prædestinatio Dei :  
nec fieri potest ; ut per quem à talibus  
malis surgitur , per eum in talia deci-  
datur. *S. August. Tom: 7. lib: Responsio-  
num ad Articulos, Artic: 14:*

*Prædestinatio facit , ut ex malis  
boni fiant homines.*

**N**ullo modo prædestinatio Dei fa-  
cit, ut aliqui ex filiis Dei. sint filij  
Diaboli : ex Templo Spiritûs Sancti ,  
templa fiant Dæmonum : aut ex mē-  
bris Christi. membra meretricis : sed  
potius prædestinatio facit, ut ex filijs  
Diaboli, fiant filij Dei : & ex tēplo Dæ-  
monum templa Spiritûs S: & ex mem-  
bris meretricis : membra fiant Christi:  
quía ipse alligat fortem, & vasa ejus  
rapit, eruens ea de potestate tene-  
brarum, transferens de contumelia in  
gloriam. *Tom. 7. lib. ad Artic. Artic. 12.*

*Deus prædestinatos, etiam obstina-  
tos, adducit ad penitentiam,*

**A**It Apostolus. Bonitas Dei ad pæ-  
nitentiam te adducit. *Rom. 2. Ve.*

rum

rum eſſe conſtat: ſed quem prædeſti-  
navit adducit: quamvis ſecundum  
duritiam, & cor impænitens, quantum  
ad ipſum attinet theſauriſet ſibi iram  
in diæ iræ: & revelationem juſti lu-  
dicij Dei, qui reddet unicuiq; ſecun-  
dum opera ejus. Quantum enim li-  
ber præbeat patientiam, niſi ipſe de-  
derit, quis agit pænitentiã. *Idem Tomo*  
*7. lib. 4. contra Iulianum cap: 3.*

*Prædeſtinatorum nullus perire  
potest.*

**F**irmitè crede & nullatenus dubi-  
tes, omnes qui vaſa miſericordiæ  
Deus fecit gratuita bonitate, ante  
mundi conſtitutionem, in adoptio-  
nem filiorum Dei prædeſtinatos eſſe à  
Deo: neq; perire poſſe aliquem eo-  
rum; quos Deus prædeſtinavit ad re-  
gnum. *Tom. 3. lib. de fide ad Petrum.*  
*cap: 35.*

*Item.*

Ex numero Electorum & prædeſti-  
natorum, etiam qui impiſſimam duxe-  
runt

runt vitam per Dei benignitatem, adducuntur ad penitentiam, per cuius patientiam non sunt huic vitæ in ipsa scelerum perpetratione subtracti: ut ostendatur & ipsis, & alijs cohæredibus eorum, de quàm profundo malo possit gratia Dei liberare. Ex his nemo perit, quâcunq; ætate moriatur. Absit enim ut prædestinatus ad vitam sine Sacramento Mediatoris finire permittatur hanc vitam. *S: August. Tom. 7 lib. 4. contra Iulianum cap. 3.*

*Prædestinationis, & Reprobationis  
causæ imperscrutabiles.*

**N**OVIMUS nonnunquam quosdam volentes vitæ æternæ finem accipere, & eam adipisci: quosdam autem non: Novimus etiam aliquos perfectos ex labore multorum annorum prolapsos in ultimo vitæ suæ, & perijisse. Aliquos verò à juventute sua in omni scelere, & damnabilitate, usq; ad decrepitam ætatem perdurasse: & repente cælitus insperatâ salute raptos

Triptos esse ad requiem regni calorum.  
 Novimus etiam parvulos Parentum  
 manibus ad gratiam Sacri Baptismi  
 deportatos: & cum in uno eorum  
 per manus Sacerdotis mysterium fidei  
 adimpleretur; aliquoties alterum in  
 manibus Patrum factum exanimem,  
 fraudatum gratia Salvatoris. Quis  
 sapiens intelligit hæc? Aut quis ido-  
 neus erit horum reddere rationem?  
 Dicamus cum David. Quam magni-  
 ficata sunt opera tua Domine: nimis  
 profundæ factæ sunt cogitationes tuæ.  
*Psal. 91. S. August. Tom. 7 lib. 6.*

*De predestinatione scrutari peri-  
 culosum.*

**N**emo venit nisi tractus. Quem  
 trahit, & quem non trahat?  
 Quare illum trahit, & illum non tra-  
 hat? Noli velle judicare, si non vis  
 errare. Simul nempe & intellige.  
 Nondum traheris? ora ut traharis. *S.  
 August. Tom. 9: Tract. 26. in Ioan.*

*Præscientia & Prædestinatio non  
tollit libertatem creatam.*

**Q**Vando aliquis peccatum committit, Deus quidem illum peccaturum ab æterno præscivit: non tamen ille ideo peccat quod Deus peccati ejus præscitus fuerit: sed potius illum peccaturum Deus ideo prævidit, quia omnino ille pravâ suâ voluntate peccatum erat commissurus. Præscientia enim Dei non tollit libertatem arbitrij nostri. *Blossius, In Enchir. Parvul. lib. 2. cap. 9.*

*Item.*

Deus ut omnia opera in prædestinatione posuit, sic ille disposuit ut quosdam non credentes, ad fidem suam orationes credentium pro eis exaudiendo convertat. *s. August. Tom. 2. Epistol. 107. Ad Vitalem.*

*Deus prædestinat gratuitò.*

**T**aceat humana lingua, nec prorsus in Prædestinatione de meritis extollatur. Attendat dictum. Ante mundi



mundi constitutionem Divinæ voluntatis est hoc donum, non humanæ fragilitatis meritum. S. August. Tom. 7. lib. 6.

Item.

Deus cujus vult miseretur, & quem vult indurat. Miseretur enim magnâ bonitate, & obdurat nullâ iniquitate: ut nec liberatus de meritis glorietur; nec damnatus de suis demeritis, conqueratur. Tom. 3. lib. Enchiridij, cap. 99.

Item.

Non est ex meritis Prædestinationis conscriptio, sed ex gratia & dono Dei. Deus enim non quia prævidit merita, ideo elegit; ita ut prævisio meritorum sit ratio electionis & prædestinationis: sed potius è contra, quia elegit, & prædestinavit, ideo Sancti erunt. S. Tom. de Villa nova.

*Deus bonos præscit & prædestinat,  
malos autem præscit sed non  
prædestinat.*

**A** Postolus dicit: Nam quos præscivit, & prædestinavit. Rom. 8.

12

Sed

Sed non omne quod præscit, prædestinat. Mala enim tantum præscit, & non prædestinat. Bonum vero præscit, & prædestinat. Quod ergo bonum est: præscientia prædestinat, id est, priusquam sit in re præordinat.

*Item.*

Deus quæ præscit gratuitâ misericordiâ præparat, id est prædestinat ad vitam æternam: cæteros autem delectâ pænâ punit; quia, quid erant futuri, præscivit: non tamen puniendos prædestinavit, sed tantum in damnabili massa præscivit. *Tom: 7. lib. 6. Hipognost.*

*Prædestinationis Divinæ signa.*

**S**I libere & circa fictionem vel simulationem Domino Deo perenniter servire illumq; laudare & amare planè proponis: si secundum gratissimam voluntatem ejus vivere eumq; ex amore eligere statuis? hoc ipsum argumentum tibi sit, te ab eo prædestinatum, vocatum, Electum, & dilectum

etum eſſe ex omni æternitate. *Bloſius*  
in *Farragine Inſtit.*

*Item.*

Qui ſecundum propoſitum Dei vi-  
vunt, præſcitos eſſe & prædeſtinatos  
electione gratuita gratiæ ejus; & re-  
gnum eis Cælorum eſſe prædeſtinatū  
ſine dubitatione dicendum eſt. *S. Au-  
guſt. Tom. 7. lib: 9. Hypoſtice.*

*Concluſio iſtius Materie.*

**H**inc nemo gloriatur, nemo de-  
ſperet. Solus enim Dominus  
ſcit, qui ſunt ejus. In quantum autem  
poſſumus, omnes homines ad bonum  
opus exhortemur, nulli deſperationē  
demus, pro invicem oremus. In con-  
ſpectu Dei nos humiliemus, dicentes.  
Fiat voluntas tua. Ipſius erit po-  
teſtatis iudicium in nobis debitum mu-  
tare damnationis, & gratiam præde-  
ſtinationis in debitum prerogare. *S.  
Auguſt. 3 ou: 7. In ſine lib: 6.*

## RESIGNATIO.

*Resignatio sui, Divinae voluntati  
gratissima Deo.*

**N**ihil Deo gratius offerri potest,  
resignatione propriae volunta-  
tis, quia homini nihil est chari-  
us ipsâ voluntate & arbitrij libertate.  
*In institutione Spirit. cap: 2.*

*Resignare se homo debet Deo, tam  
in prosperis, quam in adversis.*

**S**i voluntas Dei tibi dulcis, quando  
Deus sanum esse, & vivere vult:  
amara verò est, quando te vult infir-  
mum esse & mori? nondum plenè re-  
signatus es, nondum habes cor satis  
rectum. Sine Deum agere tecum,  
quod volet, & ut volet in vita &  
morte in tempore & æternitate. *In  
Speculo Spirituali cap. 9.*

*Resignatum sibi Deus nunquam  
deserit.*

**C**itius Cælum cum terra periret,  
quam Deus hominem se se illi re-  
signant.

Signantem permittentemque & benignitati ejus humiliter confidentem, abijceret, aut desereret; *In Tabella Spirituati.*

*Resignatus Deo immobilis est.*

**S**I verè patientes & resignati fuerimus, nihil nos neq; rerum temporalium amissio, neq; propinquorum, charorum, vel affinium obitos, neq; infirmitas, neq; ignominia, neq; mors, neq; vita, neq; Purgatorium, neq; Dæmon, neq; infernus ipse perturbare, aut inordinatè contristare poterit: eò quòd nos ipsos ex verò amore Divinæ resignaverimus ac subijcerimus voluntati & beneplacito. *In Dictione Patrum cap: 12.*

*Resignatio sui, in ariditate & distractione est utilis.*

**S**I quando sentias, naturæ torporem, inertiam, & grave pondus: teq; gustu appetitione, atq; impulsu erga res Spirituales destitutum, itemq; miserum, inopem, desolatum, atq; sine

ulla consolatione relictum esse à Deo, & quodam erga quævis, tam interna, quàm externa, exercitia tadio laborare? nihil hinc animo consterneris: sed Domini manibus te permittens ac resignans. Illius ores fieri voluntatem, & quod ad ejus sit honorem. *In Fervagine Instit.*

*Resignans se Dei voluntati in extremis, evadit omnes penas in futuro seculo.*

**N** Vllum exercitium in extremis esse potest, quàm ut quis seipsum ex pura dilectione, ex integro Divinæ voluntati resignet & cum perfecta sui resignatione, ad omnem pœnam pro honore Divinæ justitiæ tolerandam, animo spontaneo offerat: ipse neq; infernum, neq; purgatorium subibit, etiamsi solus omnia totius mundi peccata commisisset. *In Consol: Pusill: de bona & felici morte:*

*Resignationis formula*

**D** Omine sicut ipse ab æternitate voluisti, ita fiat, & non ut ego volo.

volo. Fiat in me & de me atq; homi-  
nibus & negotijs omnibus gratissima  
voluntas tua, nunc & in ævum sempi-  
ternum. *In Specul: Spirit: cap: 9.*

## S A N C T I.

*Vident, non tamen comprehen-  
dunt Deum.*

**Q**uilibet Spiritus beatus, viden-  
do essentiam Dei, videt, co-  
gnoscitq; omnia quæ con-  
cernunt perfectionem propriæ gloriæ:  
videt & cognoscit, quidquid videre ac  
scire desiderat. Non autem videt o-  
mnia, quæ sunt & relucet in Deo:  
Nam si creatura cognosceret omnia  
quæ sunt in Deo, comprehenderet  
Deum, quod nullo modo fieri potest:  
cum illa sit finita, Deus autem infinitus.  
Vnde nec ipsa quidem Creatu-  
rarum omnium Beatissima videlicet  
Anima Christi comprehendit Divini-  
tatem, sive infinitam Dei essentiam.  
Ergo solus increatus Deus seipsum



plenè comprehendit, atq; cognoscit. *Id.*  
*In Menil: Spirid: cap: 14.*

*Non omnes aequalitè vident Deum.*

**Q**uo quis in Cælo majoris meriti est, & Deum ardentius amavit: & limpidius ipsum intuetur; & plura in eo cognoscit. Ibi gloriam Dei, quæ omnibus communis est, unusquisque haurit pro sua mensura, & quilibet, plenus est. *Ibid: ut supra.*

*Vident omnia, quæ spectant ad statum illorum.*

**S**ancti in Cælo clarè contemplantur Deum, prorsus vident Deum, sicuti est: Nam nisi illum ita cerne-  
 rent atq; cognoscerent. Beati non essent. Videndo autem Deum facie ad faciem, Deo excellentissimo uniuntur. Et quia unum sunt cum Deo, qui omnia scit & potest, ipsi quoq; in illo sciunt, & possunt omnia. quæ ad eorum spectant gloriam *In Spec: Spirit: cap. 14.*

*Item.*

Item.

Sancti in cælo cognoscunt perfectam  
veritatem: cognoscunt omnium rerum  
naturas: vident ac sciunt, quidquid  
ad totius mundi ordinem decoremque  
pertinet; *In Monit. Spiritus: cap. 14.*

Item.

Animæ Sanctæ in cælo, quia intus  
claritatem Dei vident: nullo modo  
credendum est, aliquid foris esse quod  
ignorent. *Ibid. ut supra.*

*De Sanctorum eximia pulchri-  
tudine:*

**T**anta pulchritudo est infimi Civis  
cælestis, ut totius mundi pulchri-  
tudo sensibilis in unum collecta illi  
comparari nullatenus possit. Claritas  
ejus longissime excedit meridianam  
visibilis Solis claritatem, *In Monit. Spi-  
ritus: cap. 14.*

*De satietate Sanctorum ex Visione  
DEI.*

**I**N futuro sæculo, qui ad Deum per-  
venient, venis solidique delectatio-  
nibus

nibus perfruentur. Non indigebunt corruptibili cibo & potu, qui Deum possidebunt pleni enim Deo erunt, Deus erit illis cibus, erit potus, erit quidquid optaverint: omnia in eo habebunt, cupis visione satiabuntur. Videbunt semper: satiabuntur semper: & semper videre, semperq; saturari desiderabunt, & sine fastidio satiabuntur. In *Canone vite spiritus* cap: 34.

*Sancti, non tristantur de suis in inferno sepultis.*

**I**N regno cælorum Parentes, licet aspiciant filios suos in inferno damnatos: nulla tamen compassione, moventur erga illos: sed optime contenti sunt videntes eos cruciari; tanquam inimicos. *Christus ad S. Catharinam. Blosius in Monit: spiritus: cap: 14.*

## SCRUPULI.

*Omnino sunt repellendi.*

**I**Nordinatum mærorem, vitiosam animi dejectionem, superfluos conscientie

scientiæ scrupulos, intempestivas perplexatq; confessionis semel factæ repetitiones, & cæteras hujusmodi mentis inquietudines (quæ spiritualē profectum plurimum impediunt) repelle. Non placet Deo ut ita sim9 anxij, quasi actum esset de salute nostra, dum levitèr offendim9. *In Canone vite Spirit: cap: 13. Item.*

Cum te peccasse jam pæniteat, & doleas quod unquam Deum offenderis, proponas deinceps Illi servire, & eum amare, atq; delicta tua rixè confessus sis: bono animo esse, pacemque cordis habere debes. Crede Domino qui Sacerdotibus confessiones legitimè recipientibus, dicit. Quæcunque solveritis super terram erunt soluta & in cælo. *In Spec: Spirit. cap. 1.*

*Item.*

Reijce superfluos, atq; inanes scrupulos: hi enim illuminationem internam prohibent & conscientiam (quæ fide, spe, & charitate ornatam esse oportet) formidine, anxietate, privatoq;

toq; amore deveniunt. *In Spec: Spirit: cap: 1.*

*Scrupulosi, ob defectus qui vitari non possunt, turbari non debent.*

**P**ropter eos defectus, quos nullâ ratione in te devincere potes, non perturberis: sed se Deo resignans reputes illos velut fimum esse, quo conspersus ager animæ tuæ uberiores fructum profert. *In Insit: Spirit: c. 8.*

*Item.*

Semel diligenti facta confessione omnium peccatorum tuorum: semel habito proposito nihil reticendi in confessione, quod noveris consitendū: deinceps sta in pace, & rejice in os Diaboli scrupulos omnes. *In Consol: Pusill. Laspergius In interna alloc.*

*Consolatio scrupulosorum & remorsum Conscientiæ habentium.*

**S**olet Diabolus circa penitentia luctum, & circa alia omnia penitentibus servis & Ancillis insidias ponere, ut pleriq; efficiantur scrupulosi, i-

terum

terum atq̃, iterum eadem confitentes :  
ita ut nunquam ad tranquillitatem,  
aliquam poſſint venire. Nam de con-  
feſſionibus ſuis omnibus diſſi-  
dunt, dum circumſtantiam aliquam, vel pec-  
catum inveniunt neglectum, cujus in  
priori confeſſione non fecerunt men-  
tionem : unde & ad confitendum de-  
nuò compelluntur. Hi ſemel gene-  
rali confeſſione factâ, debent hanc in-  
quietudinem irrationabilem poſt-  
ponere. Neceſſe omnino eſt, ut alicujus  
ſpiritualis & diſcreti Patris vel cōfeſ-  
ſoris conſilium ſine aliqua hæſitatione  
humiliter ſequantur, eiq̃, ſicut Deo o-  
bediant : proprium Iudicium, pruden-  
tiam, ſentum atq̃, etiam propriam er-  
roneam conſcientiam relinquentes. Non enim hoc deſiderat Deus, neque  
placet illi, ut tu verſeris ſemper in ſor-  
dibus, & inquineris affiduè reuolven-  
do peccata tua. Deo ergo te ſecurè  
permittle, ubi ſemel cum omni dili-  
gentia conatum adhibueris, ad confi-  
tendum ſingula peccata tua.

Exerci-

Exercitium tuum sit, benè de Deo sentire, & credere quòd nolit te condemnare: quia revera quemlibet se corrigere volentem, & non desperantem damnare non vult. Sufficit tibi quòd peccasse doleas, quod peccare deinceps nolis. Jam in statu es salutis, quid trepidas? Quando tamen aliquod peccatum mortale certum ad memoriam redit, ante non confessum, tu illud cum omni tranquillitate confitere. *In Consol: Pusill. Lansterg. In interna alloc. Christi ad animam penitentem.*

## S O M N I A.

*Impura, fæda, obscena, non sunt peccaminosa.*

**S**I dormiens, miseram illam colluviem, aut aliquid minus honestum passus fueris: ne collabaris animo. Neq; enim tibi imputabitur, modo evigilans & rationis compos factus, illud quòd sordidum est abomineris. Tibi unquam non imputabi-



pur quantumvis, per impuritatem vitæ prioris occasionem eorum, quæ nunc pateris, videaris dedisse. Iam autem præteritorum peccatorum facinram per salutiferam confessionem deposuisti: jam te pœnituit anteactæ conversationis, & eam corrigere studes. Igitur nihil istiusmodi te à stabilitate sanctæ fiduciæ præcipitet. *In Canone vitæ Spirit: cap: 5.*

*Item.*

De somnijs nihil metuas. quidquid tibi egeris quidquid passus fueris dormiens: si ante & post somnum (quando rationis compos es) tibi displicet, nequaquam venit tibi imputandum. Licer per malè actam vitam atq; conversationem priorem tibi occasionem dederis. Iam tamen, quia illius conversationis te verè pœnituit, & melius vivere studes, non eris reus eorum, quæ pateris: si modo voluntas non consentiat. *In Consol: Pusill: Iansberg. In interna allocutione Christi ad animam peccatricem:*

*Item.*

Item.

Si inter dormiendum quando ratio ligata est passus fueris carnale aliquod somnium: vel pollutionem: id animæ tuæ non oberit, nisi ipsi evigilanti, & ratione ac voluntate libere utenti placeat. *In Dictis Patrum cap: 85.*

*Somnijs non credendum.*

**S**Omnijs & visionibus non incaute fidem adhibeas. Nam Diabolus facile decipit eos, qui talibus innituntur, & ea expetunt magniq; faciunt. *In Insit: Spirit: cap: 8.*

*E somno evigilanti quid faciendum.*

**P**ost somnum surgendo, debes te Crucis signo munire, Deoq; commendare: debes desiderare ac petere: ut quidquid illo die facturus, dicturus, & cogitaturus sis, cedat ad æternam Dei laudem & gloriam. *In Monit Spirit: cap. 9.*

Item.

Mane ut è somno excitatus fueris, tuam.

tuam primam cogitationem, tuam intentionem, ſenſuſq; tuos ad Deum, cum amore & gaudio convertere, coſveſcas: ut Divinæ viſitationis atq; gratiæ capax efficiaris. *In I. ſit. ſpiritu: cap. 8.*

## TENTATIO.

*Cur Deus ſuos tentari permittit.*

**P**ermittit nonnunquam Deus ut fideles ſibi, atq; amici ſui, deſperatione, vel alijs horrendis planèq; infernalibus tentationibus, pulſentur: ac longo divexentur tempore: ſed hoc ex ingenti erga eos amore facit. protegens interim illos ac ſuſtentans. ne deficiant, *In. Specul. Spirit. cap. 1.*

*Tentare nos ſupra vires noſtras non permittit Deus.*

**D**eus conſcius infirmitatis humanæ diligentiffime moderatur tentationes Flectis ſuis occurrentes, ne magis in graveſcant quàm illi ferre poſſint:

sint: quemadmodum amantissima aliqua Mater nudans infantem suum ad ignem, inter ipsum infantem & ignem manum sedulo continet, ne ille nimio calore lædatur. *In Instit. Spirit. cap. 8.*

*Item.*

Dēus ex immensa dilectione sua dat & donat electis suis afflictiones: semper tamen humanæ naturæ fragilitatem attendit, cui ex amore & iustitia, nihil supra vires sibi bene perspectas imponere potest. *In Append. Explicationis Passionis Dominice.*

*Homo omni ætate, in omni loco tentationi expositus.*

**N**onnulli in initio conversionis suæ: alij in vitæ medio: atq; alij in senectute gravius tentari permittuntur. Hinc Mater Dei S. Birgittæ ait: Tu miraris, cur in senectute tentationes tibi accrescunt, & eas modo sentias, quas nec in juventute, nec in conjugio experta es. Hoc ideo fit, ut cognoscas te nihil esse, & nihil posse  
fine.

sine Filio meo. Nisi enim ille te servasset, non est aliquod peccatum tam grave, quod non commisisses

Vnde S. Catharina Senensis Dei permissione, pluribus diebus acerrimè vexata fuit carnalibus tentationib9. Nam maligni Spiritus eam, non solum per obscenarum cogitationum, immisiones, somniorum illusiones, sed etiam per manifestas apparitiones se se oculis & auribus ejus ingerebant. Effigebant imagines virorum & mulierem in conspectu ejus se mutuo turpissime amplexantium, illamq; gestibus, verbis, & actibus valde inhonestis, provocantium ad libidinem & luxuriam. Ad hunc modum castissima Virgo cogebatur audire atq; videre id, quod maximè horrebat: & licet oculos clauderet, nihilominus perdurabant spurcissimæ & abominandæ illæ imagines. *In Monit. Spirit. c. 4. Tentationibus tempestivè obviandū.*

**A**Dversus eas tentationes, quibus Diabolus mentem ad indecentia  
& vi.

& vitiosa inclinare nititur, etiam toller. er vigila: & ipsas statim in initio, priusquam interiora tua occupentur, reijcere satage. Nam nisi mox primo insultu adversarium repuleris, ingressus intro, repentè animam tuam vinculis injectis colligabit: & tu deinceps libertate viribusq; destitutus, ægrius resistes, verum tamen & si negligentè egeris, & ille vincula injecerit; ne sic quidem dedas te: sed reclama, & vel reptando super terram, renitere. *In Speculo Monachorum.*

*Tentatori contra fidem quomodo resistendum.*

**S**I inepta aliqua insulurraverit, de Prædestinatione; aut de alijs Sanctissimæ Trinitatis consilijs, atq; judicijs, quæ à nobis perquirri non debent. Tu speretis & consputis canis impuri latratibus, converte te ad Deū, & ejus dispensationi, ac pietati omnia committe: prorsus persuasum habearas illum tuæ salutis esse desideratissimum. *In Canone vite Spirit. cap. 5.*

*In tentationibus carnis quid agendum.*

**Q**Vando pravam aliquam tentationem, aut fœdam imaginem, vel ineptam læticiam, in cor tuum illapsum esse, & impurum affectum suboriri sentis: erubescere, & simpliciter, celeriterq; inde te averte: reflectens mentis oculum ad Deum, aut ad alia minime noxia: vel etiam signum Sanctæ Salutiferæq; Crucis tibi imprimens. *In Specul. Spirit. cap. 5.*

*Item.*

Ipsum Satanam impia vel fœda suggerentem contemne. Oppone Salutiferum Dominicæ Crucis signum: & cogitationem tuam a pestilenti suggestionem avertens, pium aliquid apud te pertracta, vel dic.

Obmutesce os impudens: abi scelestes cum tua impietate, tuaq; spurcitia: ego te non audio, nihil mihi tecum infelix. Deo quoq; dicito. Domine adjuva me: ego enim maalem milles mortem



mortem subire, quàm te offenso, tuâq;  
gratiâ perditâ, malè vivere. In Canon.  
*vita spirit. cap. 5.*

*Item.*

Quando aliquis impijs in Deum ac  
Divina blasphemijs aut alijs indignis  
suggestionibus intus pulsatur: sæpe  
melius vincet, si illas negligendo atq;  
contemnendo mox signo Crucis ca-  
to, cogitationem suam ad Vulnera  
Christi, sive ad alia Sancta & conveni-  
entia transferat: quam si multus ratio-  
nibus, cum talibus contendere, disce-  
ptareq; voluerit. In *Enchirid. Parv. In*  
*Corollar. Append.*

*Tentationes vincendi modus.*

**S**I Sanctissimam Vitam, Passionem,  
& mortem Domini Iesu, in memo-  
ria nostra cum amore gestaverimus:  
facile carnem & sanguinem, mundum  
Diabolum, ejusq; tentationes vince-  
mus. In *Dictis Patrum cap. 18.*

*Item.*

Scito adversarium tuum, dum fa-  
da,

da, impia & absurda quæq; ingerit  
 sæpè feliciter vinces, si contempseris,  
 & nihil feceris ejus latratus: sicque  
 pertransieris, quàm si cum eo diutius di-  
 ſceptare & iniquum os magno labore  
 obrurare paraveris. Dum tamen ni-  
 mium importunus eſt, & ſemel ac de-  
 nuò repulſus, iterum, atq; iterum in-  
 ſilit: omnino conferendæ ſunt manû:  
 ut vel certamine ſuperatus aufugiat  
 cum opprobrio. *In Specul. Monach.*

*Item.*

Blasphemias, fædas, horrendaſq; &  
 infernales tentationes quas conſuevit  
 Diabolus ſuggerere, non pluris faci-  
 as, quàm muſcas circa ſe volitantes:  
 mox avertas te ab illis. Si vehemen-  
 tius importuniuſque infeſtant: ſigno  
 Crucis edito, invoces Deum & dicas,

Domine conſerva me immaculatū  
 coram te, ego malim mori millies,  
 quàm huic iniquitati, huic peſſimæ  
 ſuggeſtioni conſentire. *In Inſtit. Spirit.*  
*cap. 8.*

K

*Item.*

Item.

Mirè etiam valet Salutatio Angelica, piè lecta, & Sanctorum invocatio: metus item & horror amittendi gratiam Dei: diligens quoq; cōsideratio, quidnam sit separari à Deo, & cunctis amicis ejus: atq; cum Diabolo æternis supplicijs in inferno affici. In *Spec. Spirit. cap. 1.*

*Tentationes premium augent.*

**C**arnis irritamenta, & vitiorum insultus, quibus impetiti sedulo renitentur, virtutem non adimunt, sed perornant. meritum adaugent. In *Caneone Spirit. cap. 33.*

*Tentationes, Martyres faciunt.*

**P**leriq; admodum pij homines, tentationibus hujusmodi ita divexantur, ut nec unquam unam orationem Dominicam, vel Salutationem Angelicam, absq; Diabolicis susurrijs explere possint. isti incredibilibus angustijs pressi se quidem multorum criminum reos esse putant: sed corà Deo Martyres sunt, præclari propter  
*illas*

illas pressuras & afflictiones. In Speculo  
Spiritus. cap. 6.

*Tentationes, quibus non consentimus  
non confitenda quia peccata  
non sunt.*

**P**Eccata qui perpetravit, confiteri  
Sacerdoti debet: sed tentationes  
quibus non consentit, non sunt pecca-  
ta admitta. Aliud est enim sentire in  
se malum; atque aliud consentire ma-  
lo. In Brevis Regula Tyronum Spiritualis.

*Item.*

Etiamsi sentires gravissimos vitio-  
rum motus, sed ijs non consentires.  
etiam immundissimæ imagines, vel  
inauditæ adversus Deum & Sanctos  
ejus Blasphemias se se cordi tuo contra  
voluntatem tuam assidue ingererent:  
non contaminarent, sed repurgarent  
animam tuam, eique admirandas coro-  
nas in cælo pararent. In Speculo. Spiritus.  
cap. 6.

*Item.*

Si quando Blasphemias aut execra-  
das

das cogitationes contra me Sanctosq;  
meos in cor tuum Diabolus immise-  
rit, noli propterea perturbari aut ni-  
mium pusillanimis esse. Nam quam-  
diu consensum animo deliberato non  
præstas, magis talia pateris quàm agis.  
Cum hæc tibi tristitiam & afflictionē  
potius ingerant quàm delectatio-  
nem, nullo modo formidanda sed nec  
Sacerdoti confitenda sunt. *In Consolat.*  
*Pusill. In interna alloc. Christi ad animam*  
*peccatricem, Lansbergius.*

*Item.*

Si te persequitur Diabolus: si tuis  
sordibus Spiritum tuum affligit: si ea  
quæ aliquando admisisti, jam invitus  
tolerare cogeris: id te non perturbet,  
Quidquid præter voluntatem tuam  
sustines, non te perdet, neq; Deum ti-  
bi reddet offensum. Oportet enim  
esse peccatum voluntarium: quod si  
voluntarium non est, etiam peccatū  
non est. Resiste, renitere: volunta-  
tem tuam à consensu serva liberam,  
& sine deinceps Diabolum atq; car-

*nem*

nom. furere. *In Canone vite Spirit. c. 5.*

*Item.*

Si aliquis pruritus illecebrarum carnem titillaverit, repugna ratione. Felix omnino esses, si motus indecentes non sentires: sed & felix eris etiam si senseris, modo non consentias. *In Canone vite Spirit: cap: 30.*

*Consolatio animæ tentatæ.*

**P**ermittit Deus te illa (ut supra) sentire: eaq; tibi molesta esse: ut purgeris, non autem inquineris. Idcirco illa Diabolus excitat, ut dum his conaris resistere, retarderis & impediaris à gustu charitatis Dei, ac nimium consternatus non audeas accedere ad Deum. Gaudet ille dum scrupulis & perturbationibus involveris, sed tu noli talia timere: noli ad ea respicere, noli respondere, noli repugnare, noli advertere: imo vero quali nihil senseris imperturbatus perge in tuis exercitijs: prætereundo & contemnendo hujusmodi incidentias, velut canum latratus, aut anserum sibilus.

K 3

Nam.

Nam si reniti, disputare, discurrereq;  
volueris? tu illas magis semper tue  
memoriæ imprimes, grandi; te per-  
turbationi involves. *In Specul. Spiritus*  
*sap. 6.*

## TRINITAS.

*Trinitatis Mysterium ineffabile.*

**N**on nisi sobriè loquaris de My-  
sterio altissimæ TRINITATIS:  
quia tam impossibile est, ut ho-  
mo illud explicet: quam impossibile  
est, ut homo in terra stans, cælum di-  
gitto contingat. *In Specul. Spir: cap: 10.*

*Non investigandam curiosè.*

**N**E temerè investigates, neq; curio-  
sè loquaris de Mysterijs altissimæ  
atq; incomprehensibilis Trinitatis:  
sed veram integramq; de uno Deo in  
tribus Personis fidem simpliciter reti-  
neas.

*Item.*

Majestatem Summæ Divinitatis  
atq; Trinitatis ultra, quam par est, in-  
vestiga-



vestigare, & incomprehensibilia Dei  
Iudicia temerè discutere non præsu-  
mas, sed pia mente venerando ea quæ  
non intelligis; ipsum justum Domi-  
num nihil injuste facere vel permit-  
tere, indubitanter crede. In Ethicis:  
Pavul. lib. 1. In Append: Documenti 1.

*Quomodo credendum de hoc*

*Mysterio.*

**Q**Vando mentem tuam subit ado-  
randæ Trinitatis memoria: non  
fabrices tibi more Ethnicorum tres  
Deos: sed crede Patrem, & Filium,  
& Spiritum Sanctum esse unum Deum,  
qui est interna plenitudo essentia, vi-  
tæ; & omnimodæ perfectionis. Cre-  
de inquam tres increatas Personas es-  
se, unam Deitatem, unam Substanti-  
am, sive essentiam, creaturas omnes  
transcendentes. In Speculo Spirit: c. 10.

*Sanctissima Trinitas quomodo est*

*Pater noster & nos filij ejus.*

**P**ater, & Filius, & Spiritus sanctus,  
sive tota Trinitas, est Pater noster:

Nosq; si boni sumus, filij Dei sumus, non quidem per naturam sicut Deus, Dei Filius, sed per gratiam & adoptionem *In Enchirid. Parvul lib: 2. c. 10.*

## VITA HUMANA.

*Vita austeritas, in quo consistit?*

**N**on debes pusillanimis effici, nec putare te remotum esse, à Deo propterea, quod forte nequis magnam vitæ austeritatem præstare; vel quod ad eam sectandam, minime sentis te intus trahi atq; compelli. Neq; enim in illa consistit vera perfectio, veraque sanctitas: sed consistit in propriæ voluntatis ac vitiorum mortificatione, consistit in vera humilitate, atq; charitate. *In Speculo Spirit: cap: 7.*

*Item.*

Non legimus B. V. Mariam Dei genitricem, tam rigidam duxisse vitam, quam rigidam duxit Vidua Iudith.  
Et ta.

Et tamen longe perfectior fuit, quam ipsa Iudith. Aliam vivendi rationē Beatus Ioannes Baptista secutus est: atq; aliam S. Ioannes Evangelista: & tamen quia uterq; humilis erat, ac Deum proximumq; verē diligebat: uterque Deo maxime placuit. *In Speculo spirit: cap: 7:.*

*Item.*

Cilicium, durities lecti, esus panis, potus aquæ, flagellatio corporis, ac similia pro Dei honore pure peracta: ipsi quidem Domino placent. Verum tamen verus Dei amor hominem multo viciniùs Deo coniungit, & carnis petulantiam citius efficaciusq; compefcit ac superat. *In Instit. Spirit c. 2.*

*Vita austeritas commutanda in aliud opus bonum.*

**P**RO vitæ austeritate, quæ tibi deest: potes offerre Deo Patri jejunia, vigiliæ, tribulationes, & acerbissimā Passionem Christi. *In Specul. Spiritual: cap: 7.*

**K 5**

*Item.*

Item.

Non hi duntaxat ad Deum perveniunt, qui vel diu sanctè vixerunt, vel magnam vitæ austeritatem præstiterunt: sed quicumq; cor contritum & humiliatum exhibent, ab ipso clementer respiciuntur suscipiunturq; , quantumvis etiam modico tempore bene vixerint. *In Canone. vita Spirit: c. 37.*

*Vita, emendatio non differenda*

**C**onsultissimum est, non in longum proferre correctionem vitæ; sed protinus ad vocem invitantis Domini exuere veterem hominem cum factis suis & concupiscentijs: ne toties non auditus Dominus, vicissim non audiat nos clamantes ad ipsum. *In Consol: Pasill. In præclar: Distu de misericordia Dei.*

Item.

Quamvis Deus promittat peccatori verè pœnitenti misericordiam, non tamen promittit in peccatis perseveranti veram pœnitentiam nec longam vitam. *In Monit: Spir. c. 4:*

Item.

Item.

Quamdiu durat vita hæc, spes est misericordiæ. Ergo dum vivis implo-  
ra Domini misericordiam, & corrige  
te. In Consol: Parvul. In Dictis præclaris.

*Vita diuturnitas non optanda.*

**S**I quis diutius cupiat vivere, ut  
Splura sibi possit coacervare merita:  
id quidem valde incertum est, utrum  
merita vel potius debita sibi cumula-  
rurus sit. Plerumq; cum ætate etiam  
peccata augmentur: multoq; plures in-  
venias, qui deteriores, quàm qui meli-  
ores fiant. In Consolat: Pasill, Henricus  
Suso.

*Vita humana etiam minus perfectæ  
Hominis, solatium.*

**Q**uid turbaris ô homo bonæ vo-  
luntatis, atq; animo denigeris,  
quod virtutes perfectè pro voto tuo  
absq; omni defectu & impedimento  
tempore hujus exilij exequi nequeas:  
sed quotidie, vel etiam continuè invi-  
tus & contra voluntatem tuam in im-  
perfectis

perfectiones labaris. Nam & excellē-  
tissimi Apostoli, ceteriq; Sancti &  
amici Dei, ipsas quidem omnes virtu-  
tes volebant atq; appetebant seu desi-  
derabant: sed in ista vita sine aliqua  
imperfectiōe pręstare non poterant.  
Vnde & dicebant: In multis offendi-  
mus omnes. *Iacob: 3. In Consol. Par-  
vull. Quidam Dei amicus.*

## VOLUNTAS HUMAN A.

*Voluntas humana in libertate  
consistit.*

**L**ibertas voluntatis est in homi-  
nis arbitrio sita: adeò ut si quis  
etiam multis jam annis ob sua  
crimina damnationi adjudicatus esset:  
posset tamen per liberam voluntatem  
avertendo se à peccatis, & ad Deum  
iustitiamq; convertendo, redire ab illa  
damnationis sententia, ad felicitatem  
æternam. Vnde S. August. dixit. No-  
vit.

vit. Deſus mutare ſententiam, ſi tu no-  
veris mutare delictum. *In Conſolatione*  
*Puſillan.*

*Voluntas humana bona quæ dici  
debeat.*

**S**I ſemper Deo placere verè deſide-  
ras, & omne peccatum, quantum  
in te eſt fugis, & omne tempus fru-  
ctuoſe tranſigis: ſi deniq; honorem,  
laudem, & gloriam Dei in omnibus  
purè ſpectas & quæris: ſemper De-  
um laudas & oras. Iſta eſt bona vo-  
luntatis plenitudo. *In Farrag. Inſtitut.*

*Voluntas Deiformis Quæ?*

**V**oluntas Deiformis, ſeu Deifica  
eſt: quâ quidquid volumus, pu-  
rè ad Dei gloriam volumus. *In Dictu*  
*Patrum cap: 20. Ruſbro. hius.*

*Voluntas humana, Voluntati Di-  
vina conformanda.*

**E**tiamſi, jam jam tibi ex hac vita  
emigrandum eſſet, & pulchritudo  
Divinæ juſtitix exigeret, ut poſt mor-  
tem longo tempore in purgatorio de-  
tineris:



tinereris: tu in hoc quæq; voluntatem  
& dispositionem Dei, libenter pro ho-  
nore Dei amoreq; ipsius amplecti de-  
beres. *In Tabella Spirituali.*

*Voluntas Divina, voluntati huma-  
na præferenda.*

**Q**Vando metu pænæ, aut amore  
virtutis, gloriæve cælestis move-  
mur ad agendum boni quidpiam: :  
bonum quidem hoc est, non tamen  
est perfectum. Quum Voluntas Dei  
infinite præstantior sit, quàm nostra :  
par est, ut illa magis nos moveat, quàm  
nostra propria. *In Appendice utili Tabel-  
la Spirituali.*

*Voluntas bona obnixe à Deo  
petenda,*

**N**on contristeris, si Deus in hac vi-  
ta te minimè provehit ad subli-  
meri contemplationis gradum: sed  
roga eum instantèr, ut det tibi bonam,  
humilem, resignantemq; voluntatem.  
*In Sermoni Spirituali (ap. 70.*

*Volun-*

*Voluntatem bonam Deus acceptat  
pro facto:*

**S**Cito & memorie commenda pro  
consolatione: quod quam diu verè  
cupis & conaris benè agere ac placere  
Deo: & voluntatem tuam ab eo non  
avertis, sæpiusq; doles atq; ingemi-  
scis propter imperfectionem tuam,  
multiplicesq; defectus tuos: ipse De-  
us haud dubie pro ineffabili bonitate  
& charitate sua reputat exercitia atq;  
opera tua, digna æternâ remuneratione.  
*In Farrag. Institut.*

*Item.*

Si pauper magna Deo offerre ne-  
quit, libenter offerat vel parva, bo-  
nam promptamq; voluntatem exhi-  
bens, & pium desiderium potiora of-  
ferendi habens. Nam habere, aut  
etiam velle habere hujusmodi sanctū  
desiderium, res est non parva, sed e-  
ximie, magnifice coronanda à Domi-  
no, qui bonam voluntatem pro opere,  
vel operis perfectione suscipit, quan-  
do

do opus siue perfectio operis præstari non potest, quique gemitum etiam minimum pro bono Spirituali pie emissum, grandis mercede donat. *In anchir: Rayvul: In Append. Documenti 3ty.*

*Item.*

Dum boni quidquam facere ex animo desideras, & non vales, Deus bonam voluntatem tuam pro opere suscipit, *in Speculo Spirit, cap: 7.*

*Item.*

Quando vis quidem & desideras aliquid boni perficere, sed non potes istiusmodi sancta voluntas, tanquam ipsum opus à Deo suscipitur: si verò operari potes, & non operaris: jam nec voluntatem quidem operandi habes. *In Canone Spirit. cap 33.*

*Voluntatis propriae abnegatio, quanti sit meriti coram Deo.*

**Q**ui relictâ propriâ voluntate facit humiliter ad honorem Dei, voluntatem alterius in re licita, magis Deo placet, quàm si multo tempore corporu-

corpusculum suum pane & aquâ tantum sustentaret, asperisq; flagellis cruciaret ex voluntate propria. *In Coroll: Tabellæ Spirit.*

*Voluntas propria sola infernum constituit.*

**S**icut Deus nihil à nobis æquè exigit, ut propriæ voluntatis resignationem, mortificationemq; ita nihil in nobis magis odit, quàm ipsam propriam voluntatem, quæ sola infernum constituit. Si enim propria voluntas non esset? etiam infernus non esset. *In Coroll: Tabell: Spirit.*

*Item.*

Quorquor in inferno flammis inextinguibilibus cruciantur, propria voluntate pleni, & Sanctæ Dei voluntati contrarij sunt: at in Cælo omnes Beati Divinæ voluntati perfectissimè dulcissimèq; sunt uniti, omnes sunt una vita cum Deo, & unum cum voluntate Dei. *Ibid: ut supra.*

*Item.*

Apud inferos, si quis propriæ mortuus

tuus esset voluntati, in liberrimam  
voluntatem Dei? is utiq; non arderet.  
Et in cælis si quis propriæ esset volun-  
tatis contra voluntatem Dei, is certè  
non beatus, sed miser & infelix foret.  
*In Correll. Tabell. Spiritual.*

*Item.*

Sola propria & mala voluntas (quæ  
omnium peccatorum fundum est) in-  
fernum constituit: tolle illam & in-  
fernus non erit. *In Manil. spirit. cap. 7.*

### **Dogmata CHRISTI nū: 27.**

In interna allocutione, ad ani-  
mam pœnitentem, & melius  
vivere cupientem.

*Ex scriptis Ioan: Lanspergij Car-  
thusiani. Blosii in Consolatio-  
ne Pusillanimum posuit.*

**T**V Filia, omnem inordinatum  
amorem, reijce, & mihi toto  
corde placere desiderans, itude  
esse Sancta, quoniam ego Sanctus sum.  
*imo. Nullum peccatum, quantum-*

VIS

vis etiam leve & exiguum, animo deliberato admittas.

2. Fuge peccati occasiones, quantum potes.

3. A superflua hominum familiaritate, superfluisq; colloquijs: & ab inutilibus otiosisque occupationibus, prudenter te abſtrahe. Solitudini & ſilentio vacans: tempus quoq; utiliter ad honorem meum expendens.

4. Devotè exercere in vita & Paſſione mea, planta floridam arborem, crucis meæ in corde tuo.

5. Ad me Crucifixum Sponſum & Deum tuum frequentèr aſpira per crebra verba, vel deſideria amoris.

6. Ambula coram me cum ſancto timore & reverentia, credens me ubique præſentem eſſe, teq; inceſſantèr intueri.

7. Senſus tuos: & linguam tuam, diligentèr refrena atq; cultodi.

8. Si multiloquium amas? non poteris proficere.

9. Sobrietatem & continentiam, rationabilem amplectere.

10. Vanitatem & pompam superbiam evita.

11. Sensualia oblectamenta & illicitas voluptates non secteris: sed quantum tibi possibile est, serva te ipsam immaculatam.

12. Viriliter certa adversus vitia & ora me attentè, ut pravas passiones, atq; inclinationes tuas vincere & frangere possis.

13. Nihil horum, quæ bene facis tibi adscribas, nec aliquid de bonis meis ulurpes: quia ex te ipsa nihil habes, nisi peccatum quod prope tuum est.

14. Non cupias vanè alicui mortali homini placere.

15. Opra nesciri, potius quàm cognosci, & contemni magis, quàm laudari.

16. Non aliquid te esse existimes, nec opera seu exercitia tua apud te magni pendas: sed omnium ingratis-  
simam te, & vilissimam esse reputa sine fictione.



17. Deprime & humilia te infra  
omnem creaturam propter me.

18. Omnes homines etiam omnes  
qui te persequuntur, sincerâ charita-  
te dilige, & omnium salutem desi-  
dera.

19. Nullum despicias.

20. De nullius salute desperes.

21. Nemini detrahas.

22. Neminem judices.

23. Si quid in alijs vides: & quæ  
de aliorum statu audis, interpretare in  
melio rem partem.

24. Propriam voluntatem omni  
studio in te mortifica: & meam vo-  
luntatem singularitèr ama.

25. Mei amore libentèr & prom-  
ptè obedi hominibus in his quæ lici-  
ta sunt.

26. Relinque proprium sensum, &  
abnega temetipsam in omnibus.

27. Securè committe, & crede te  
providentiæ meæ, & spera in me fir-  
missimè in omni tentatione, periculo,  
ac necessitate: quia mihi cura est de  
te,

te, qui tibi tam diligentè intendo,  
quasi tu sola esses in toto mundo.

## PROTESTATIO.

*Ante mortem facienda.*

**E**Go peccator indignissimus, redemptus pretiosissimo Sanguine Domini Iesu Christi, profiteor palàm, me sincero corde ignoscere omnibus, qui quovis modo mihi injuriam vel molestiam aliquam unquam intulerunt: & humiliter rogo, tam præsentes, quàm absètes omnes, ut mihi vicissim ignoscant, & dimittant, si in aliquo eos offendi.

Agnosco me hactenùs non vixisse purè nec sanctè coram Domino sicut vivere debueram: agnosco scelera mea multa nimis: agnosco culpas meas, & negligentias meas infinitas: agnosco, quidquid malì per vitam meam commisi, & supplici mente à misericordissimo Domino Deo nostro veniam peto: dolens quod unquam

eum

eum offenderim, & proponens deinceps vitare peccata. Quamvis autem graviter & multis modis hactenus deliquerim, non tamen diffido. de omnipotenti & benignissima misericordia ejus Redemptoris mei: sed ſpero me per merita Paſſionis & mortis ejus, non autem per merita mea participem futurum æternæ vitæ, atq; hæreditatis. Ego ipſam Paſſionem ejus Sacratiffimam pro refugio, monumentoque firmiſſimo habeo: ego eam inimicis meis inviſibilibus ſemper & ubiq; tanquam armaturam in expugnabilem obijcio: eam Sanctiſſimæ Trinitati, pro meritis quæ mihi deſunt, & pro perfecta ſatisfactione de peccatis meis, offero.

Credo in Deum Patrem Omnipotentem, creatorem cæli & terræ, & in Ieſum Chriſtum Filium ejus Unicum, &c. *dicatur uſq; ad finem. Amen.*

Proteſtor coram ipſo Omnipotenti Deo, & coram tota curiâ cæleſti me cupere & velle, in ea fide vitam hanc finire,

finire, in qua convenit obedientem  
Sanctæ Matris Ecclesiæ filium mori.

Protestor me credere universa, quæ  
ipsa fides Catholica continet, & quæ  
à veris orthodoxisq; Christi fidelibus  
credenda sunt. Quodsi vel impugna-  
tione Diaboli, vel violentiâ morbi,  
pressus, aliquid huic proposito contra-  
rium cogitarem, loquerer, aut face-  
rem? jam illud revoco, & contestor,  
me nullo modo consentire talibus co-  
gitationibus, verbis, & operibus.

Gaudeo & gratias ago misericor-  
dissimo Creatori & Salvatori meo, cu-  
jus ineffabili pietate me in Sancta fide  
Christiana morituum confido. In  
manus ejus Sanctissimas, animam &  
corpus meum, nunc, & in horas  
mortis meæ commendo. In

*Enchiridio Parvuli: lib: 2.*

*cap. 2.*



*Errores, sic corriges.*

Pagina 18. Versu 24. dilection, *lege*,  
dilectioni. Pag: 21. v. 20. onim *lege*  
enim. pag: 23. v. 18. sicut. *lege* licet.  
pag: 33. v. 12. contemplerur. *l.* con-  
templemur. pag: 44 v. 18. tam, *lege*  
iam. Pag: 48. v. 15. contrito, *l.* con-  
tritio. pag: 49. v. 3. posse, *lege* esse.  
pag: 60. v. 11. specula. *lege* speculo.  
pag: 62. v. 22. inceperit, *l.* inceperis.  
Ibidem v. 20. attingit, *l.* angit. pag:  
76, v. 14. faucte, *l.* sancte. pag: 103.  
v. 15. docerpit, *l.* decerpit. Ibid: v.  
12. dthigis, *l.* diligis. pag: 106. v. 15.  
uon, *l.* non. pag: 108. v. 10. ulurib9,  
*l.* vulneribus. pag: 109. v. 3. uznos,  
*l.* nzuos. Ibid: v. 10. iofudit, *l.* infudit  
pag: 120. v. 17. firmiter, *lege* firmiter.  
Ibid: v. 19. salutis. *l.* salutis. pg: 132.  
v. 7. illuminari, *lege* illuminati. pag:  
133. v. 10. accersitet, *l.* accersiret. Ib.  
v. 20. radiuntissima, *l.* radiantissima.  
pag: 142. v. 8. preficienda, *l.* perfici-  
endaq;. pag: 148. v. 3. Inde, *l.* fide.  
pag: 161. v. 12, usa, *l.* fusa. pag: 180.


L


v. 3.


v. 3. pemitu, l. gemitu. pag: 215. v.  
6. ipsam, l. ipsam. pag: 159. v. 23.  
corouet, l. coronet.

3.









Biblioteka Jagiellońska



stdr0027931

16

